



46890/A

Q. II 118

G. VII. Sch




SCHAMSKY, A. A. 2.

R III 129



111



8296
THESES MEDICÆ

Bibliotheca DE *Leonis*
Truculentissima, furibunda, & Insatiabili

Populosissimas Urbes, & Regiones
in solitudines, & deserta transmutante

Catalogo Bellua *inscriptus*
PESTE seu PESTILENTIA

Ad usum P. QUAS *Relectus*
Sub Gloriosissimis Auspicijs

Stella
Sacratissimi, Augustissimi, & Invictissimi

Romanorum Imperatoris

JOSEPHI

Germaniæ, Hungariæ, & Bohemiæ

REGIS POTENTISSIMI

In Magna Aula Carolina Almæ Cæs. Regiæq;

Carolo - Ferdinandæ Universit: Pragensis.

Philippi *Novy* *Praga* *1807* *Pragensis*
SUB RECTORATU

ADMODUM REVERENDI AC EXIMII

Patris

P. JOANNIS MILLER,

è Societ: JESU, SS. Theologiæ Doctoris,

Cæsareo - Academici Collegii S. J. ad S. Cle-

mentem, Vetero-Pragæ, nec non Universitatis

Carololo-Ferdinandæ Pragensis p. t.

RECTORIS MAGNIFICI



SUB DECANATU

&

PRÆSIDIO

Perillustres, Generosi, Clarissimi, ac Excellentissimi Viri

D. JOANNIS FRANCISCI LÖW

S.R.I. & Provinciar: Hæreditariarum Equit

ab Erlsfeld, Phil. J. U. & Med: Doct: ejusdem Univeer

sitatis Praxeos, Professoris Primarij, Reg. Publ. ac Orr

Sac. Cæs. Regiæq; Maj. Consil. Sac. Later. Palatij,

Aulæque Cæs. Comitiss, & Medici, Inclytæ

Fac. Medicæ Senioris, & p. r.

SPECTABILIS DECANI

ANNUENTE

Nobilissimo, ac Amplissimo, Excellentissima Facultate

Medicæ Collegio

Pro suprema Doctoratús Medici Laurea

Publicæ disquisitioni exposuit,

Nobilis ac Doctissimus Dominus

ALEXANDER ANTONIUS IGNATIUS

SCHAMSKY, Moravus Miloticensis AA. LL. &


Philosophiæ Doctor Medicinæ Candidatus,

& Metropolis Olomucensis Résolutus

Physicus.

Anno M. DCC. X. Mense Decembri Die 11^{ta} hor

post meridiem consvetis.



VETERO-PRAGÆ,

Typis Barbaræ Franciscæ Beringerin. Per Mathiam

Seiffenhoffer.





HONORI
ET
VENERATIONI
PRÆNOBILIUM, GENEROSORUM,
CLARISSIMORUM, CONSULTISSIMORUM,
AC AMPLISSIMORUM DOMINORUM

DOMINI
CÆSAREI JUDICIS
DOMINORUM

CONSULUM
DOMINI

JUDICIS
ET

DOMINORUM SENATORUM

AC

UniversiſpectatiſſimiInclytæ
Julio-Montanæ, Cæſareæ, ac Regiæ
Metropolis Olomucenſis in Marchio-
natu Moraviæ.

MAGISTRATUS
DOMINORUM, AC MECOE-
NATUM OBSERVANDISSI-
MORUM.



Prænobiles, Generosi, Clarissi- simi Consultissimi ac Amplissimi D O M I N I.



Ovitérne mihi cum libitina succrescit negotium? An non vobis Galeni Diviniores Divi Cosma & Damiane, ob singulare, pro vitata humana sub furore mortis procidua, sub-

sidium, quo veluti Excellentissimi Alexandri contra libitinæ audaciam arma prehendentes eam fortunatissimè protrivistis, præliantes fortiter, insigne triumphi decus, decoris perennitatem, perennitatis lauream vobis adsciscentes, ad confusionem etiam fastigiatarum pyramidum Babylonicæ Mempheos pompæ, vobis à Facultate Excellentissima, Universitatis Antiquissimæ & Almæ meæ Marris Carolo-Ferdinandina

dinandæ, in ponte Prageno ædificatum Tro-
 phæum immortale? à me verò in Teinenſi Ba-
 ſilica ſuada licèt facinoribus veſtris longè infe-
 riore juſtè poſitum fuiſſe demonſtratum? An
 inquam cum atrociffimo, ſed jam devicto, hu-
 mani generis hoſte denuò mihi ineundum cer-
 tamen? Sic eſt. Hæc juſſa veſtra ſunt *Viri*
Prænobiles, Generoſi, Clariſſimi Conſultiſſimi
& Ampliſſimi, qui eodem Decreto & Civitatis
 veſtræ Phyſicum, & Libitinæ Antagoniſtam,
 me licèt indignum voluiſtis, datâ mihi invio-
 labili profeſſionis & nunquam ſperandæ pacis
 taſſerâ aut *certare* aut *mori*. Sed quid audio?
 refricat noviter in circumſitis Regionibus pu-
 gnas Libitina & quidem humanæ vitæ peſti-
 lenter nocivas, hæc ipſa, quæ ante annum fœ-
 derata Diocletiano occubuit, hydra reſurgens
 Peſtilentiæ junctâ atrociffima condit latroci-
 nia. Jam verò ſi Gradivi duo Cælites, cæle-
 ſtes Hercules, Divi Coſmas & Damianus non
 omnia immanis belluæ capita irrepullulabili-
 ter præſcindere & ruderibus contumulare po-
 terant, quid à me unico expectatis? ſtatuerant
 Divi illi Tutelares bellum inter homines di-
 rumpere, bellum inter DEUM & homines
 ſolâ miſericordiâ terminandum, miſericordiâ
 precibus armatis non devincenda, ſed devin-



cienda est. Duplex igitur mihi cura superest
periculum quod natura suppetit artis præcep-
tis, sed mors de super statuta forti patrocini-
debellanda. Habet hoc præcæteris felix Co-
lomucium, habet Divam Libitinæ Detrium-
phatricem, Patronam Metropolis & Reipub-
licæ Conservatricem PAULINAM. Illa
etenim est, in qua Libitina Annô 1680. pesti-
ferè grassans lapidem invenit offensionis, qui
ejus insultum, hunc in modum infregit, ut
propè universi in urbe Vestra immunes con-
servarentur, licet ferocissima Lues circaci-
cum in suburbijis suam exerceret tyranni-
dem.

Arma itaque mea, quibus immanem
hanc belluam oppugnare intendam, hujus
conjungam precibus, Patrocinio substernam
sed & Vestræ Protectioni, spe fretus maxima
demissè subjicio, pagellas hæc, hodie publi-
cæ oblaturus disquisitioni, subvestræ Gentili-
tiæ Aquilæ alas recondo, vobisque eas in qua-
lem, qualem gratitudinis tesseram humillimè
offerro. Piaculum etenim foret, eos laborum
suorum umbonem non ponere qui Patres nu-
tritij, studiorum Patroni, fortunæque creator
res mihi fuere.

Proinde *Viri Prænobiles, Generosi, Clarissimi*

sum




simi Consultissimi ac Amplissimi opellam quadriennalis studij mei Medici nunc Doctorali claudendam laurea in æviternæ gratitudinis suscipite mnemnosinon , & me ulterioribus gratijs & favoribus prosequi non dedignemini. Qui sum , maneo & emorior.

Prænobilium, Generosarum, Clarissimarum Consultissimarum ac Amplissimarum Dominationum Vestrarum

Obsequiosissimus Servus

**Alexander Schamsky, Phil:
Doct: Med: Candid: & Physicus.**




CENSURA.

HAs Theses attentè perlegi, quæ
judico cum Licentia & Autho-
ritate Magnifici Domini Recto-
ris imprimi posse. Dabam è Musæ-
8. Novemb: Annô 1710.

JOANNES FRANCISCUS
Löw Eq: ab Erlsfeld, p.
Fac: Med: Decanus.

Imprimantur

JOANNES MILLER S. J.
p. t. Univers: Rector.





AD

Nobilem ac Doctissimum
 Dominum Defendentem
D. ALEXANDRUM
SCHAMSKY.

ECQVID In hac peregrina hodie prætendis
 arena?

PaCène prostratâ bella MoVere stUDes?
 HIC, Ubi stas, Digna est Constantis Martis
 arena,

Serta InIbi DoCtUM nobILitare soLent.
 AtqVe DIU sUPpressa Ibi Mens eXsUrgit In
 alta,

Et tYroCInIJ sæVa rUbëta rUUunt.
 EJa qVID hoc! te Cerno ferIs ornatIer arMIs?
 Martes aspeCtU Cerno seDere tUô?
 seD CUr? Vastantes, an Mens est toLLere pestes?
 AUt tYroCInIô CeDere Jámne paras?

SIC

sIC est. te tYroCInIJ arCra Corona reposCIt.

Te Contra pestes Patria In arMa Clet.

FaC tYroCInIJ CURsUs (COMpLUrIBUs UC-
qVehUO

AUsIBUs ILLUstres) sine beato parI.

NeC tUa Vota VIGIL VeXabit MUsa; LaborIss

NeC faLLent feLIX CVra, operaqVe sCopos.

PUGna aUDaX. Patriæ IoVIS aLes FULMINa

In hosteIs.

Vibrat & exponIt LaUrea sarta tibi.

PræsIDia aUDaCIs LæterIs aDesse LeonIs

BeLLO. & te DoCtô Marte foVere sUô.

Non tarDa : Lætæ neCsUbtrahe reMpora LaUro,

arbore pergetUas ConDeCorare ManUs.

Insignes MeDICInæ Intra noVe athLeta pha-
Langes,

InfIDósqVe neCIs DeBILItato DoLos.

JUngItor eXCeLso Pragæ In COLLegIo, &
hUJUs

AUGUstos tItULos MULtIpLICato VIGIL.

PUGna aUDaX, faUstè VINCas, LætUsqVe tri-
UMpha,

InstantI & patrias erUe peste tUas.

Hæ tUa sUBsIDia asPIrant, repetUntqVe JU-
VaMen

VItæ ContrIBUUnt IpsaqVe sILa tibi.

Pergas aCgratUM patriJs re ostendItro, & ILLIs

FaC MerItIs VItæ gratIfICare Data.

At noLI fraUDES LabYrInthI horresCere; sta-
Men

JAM PAULINA tibi eLeCta ArLaDna feret.
 CresCas Insignes aD honores NUMINIS, artIs
 LaUDes, In patriJ noMina Cara soLI.
 Perge, opto, prosper CUncTos seCtante Labores
 GLoriâ, & aCCresCant noMina In orbe tibi.
 Ergo perge neC eX splssa stYgIs ebrIUs UnDa
 AUXILIJ nobIs rUMpe negâqVe Vlas.
 Perge & aMICItIJs non Detrahe pabULa LatIs
 NeC MIhI Dispersi toLLe faVorIs opes.
 HUCUsqVe enIXos (non Vera negabo) faVores
 TU MIhI DetULeras Uberiore sinU.
 TU raDIJs prIMas per Cæpta biennia noCtes
 ILLUstrâstI aptIs, CorrepetenDo MIhI.
 GratUs ego obseqVIô reManebo, tUqVe re-
 CorDans,
 EXhILaret Vegetas VIta qVollsqVe fibras.

Itâ CharlssIMo sUoD. Correpetkori
 & D. CoLLegæ eX aMore

Ioannes KaMenICzkY
 optat, DICatqVe.

M. D. C. L. X. V. Y. I.

1000. 500. 100. 50. 10. 5. 2. 1.


THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1100 EAST 58TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU
LIBRARY@CHICAGO.EDU

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



PROTHESIS

De Peste in Genere.



Ommissi à Proto-
plasto humani gene-
ris per transgressio-
nem mandati Divini
in Paradiso sceleris ,
hæreditario quasi jure
hæredes legitimi sen-

sêre reliquias , ità ut à mandatorum Divino-
rum legitimo tramite , congenitâ quâdam
malitiâ deviantes , in omnia vitiorum genera
se præcipitaverint , ut Omnipotentem Crea-
torem pœnituerit fecisse creaturam de terra.
*Videns autem DEUS (ut sacer habet Codex ,
Genes. 6. v. 5.) quòd multa malitia hominum
esset in terra , & cuncta cogitatio cordis intenta
esset ad malum omni tempore , pœnituit eum quòd
hominem fecisset de terra. Et tactus dolore
cordis intrinsecùs , delebo , inquit , hominem
quem creavi à facie terræ , ab homine usque ad*

*animantia, à reptili usque ad volucres cali, per-
nitet enim me fecisse eos.*

Solus ex universi generis humani soboles
Noë vir justus invenit gratiam coram DEO
cui præcepit DEUS ut sibi faceret arcam
de lignis lævigatis, mansiunculas in ea, & bitu-
mine obliniret eam intrinsecus & extrinse-
cus, ut intolerabilem mortalium iniquitate
aquarum cataclysmo ulturus, novæ generati-
onis humanæ, conservarentur semina per eum.
Facto enim diluviô super terram consumpta
est omnis caro, quæ movebatur super eam
volucrum, animantium, bestiarum, omni-
umque reptilium, quæ reptant super terram.
Universi homines, & cuncta in quibus spiritus
vitalis est in terra, mortua sunt. Ipsi
mansit autem Noë, & qui cum eo erant in ar-
ca.

Verum decrefcentibus aquis, egresso Noë
de Arca, ædificatô Altari, & oblatô holocau-
stis, placata est ira DEI in tantum, ut fœdus
iniret cum creatura Creator, cum mancipio
Dominus, spondens: Nequaquam ultra ma-
ledicere terræ propter hominem, & nequa-
quam interficietur ultra omnis caro aquis
diluviij. *Arcum (ait c. 9. v. 13.) meum ponam
in nubibus & erit signum fœderis inter me & in-
ter terram.* Verum, inquam, vix benedi-

DEUS Noë & filijs ejus , jam noviter malitia de Cham prodijt : *Quod cùm vidisset* (inquit S. Scriptura cap. 9. 2. 99.) *Cham Pater Chanaan, verenda scilicet Patris sui esse nudata , nuntiavit duobus fratribus suis foras.* Quæ malitia filij ! paulò antè à DEO benedicti. Evigilans autem Noë ex vino cùm didicisset quæ fecerat ei filius suus minor , ait : *Maledictus Chanaan servus servorum erit fratribus suis.*

Ast crescente propediem hominum multitudine, & pari passu malitia eorum invalescente, recordatus fœderis sempiterni, nè prorsus interimeret universos, alia ijs flagella secundùm enormitatem delictorum constituit DEUS, quibus post diluvium malevolas, refractariâsque mentes corrigeret & castigaret, nempe *Bellum*, quò superbiam ; *Famem*, quâ insatiabilem hominum avaritiam ; & *Pestem* omnium fœdissimam luem, quâ mortalium luxuriam domaret. Quis enim dum

*Pestis sævit atrox : Ipsâ hæc quâ vivimus aurâ
Plena venenata nos necat aura lue.*

*Hæc subito cunctas febris occupat ignea venas
Inque rubente tument, toxica sava cutè.*

*Quis quemcunque timet, Pylades procul adstat
Oreste*

Et Pater à natis, à Patre natus abit.

*Nempe homo mors homini est, modò quem ter-
gisse perisse est
Ipsa vel exitium noxia verba ferunt.*

non statim Divinam scelerum vindicem de-
tram occulta virtute operantem, quâ terga f-
rit mortalium, intelligat? Quis inficias i-
esse flagellum DEI? Si furia hujus, quâ im-
necandum uti solet, spectet crudelitatem
Quanta enim mentis consternatione videat
peste domum seu familiam aliquam infestam
re, parvulos quorum spes omnis à majoribus
dependet, deserere, filios à parentibus, parentes
à filiis, uxores à maritis, & maritos ab ux-
oribus: Idque tanta animorum exsolutione,
vel ex ipsorum Medicorum genere, nulli
aut sanè paucissimi reperiantur, qui non hunc
Megaræ inexorabilem tyrannidem, remissis
lîsque omnibus fugiant; Ipsum suo tempore
Medicorum Principem Galenum, annò ætatis
sua 30. cùm Rempublicam Romanam à
Imperio Marci Antonij pestis efferaatissima
fligeret, eâ relictâ, non puduit, lares patri-
repetere. Denique

*Nec moderator adest, inque ipsos sæva medetur
Erumpit clades, obstantque authoribus arma*



*Quò propinquior quisque est , servitque fidelius
agro*

*In partem leti citius venit , atque salutis
Spes abiit , finemque vident in funere morbi.*

neque verò crudelitas ejus objectum in quo
exerceatur ac occupetur , amplum satìs repe-
rit genus humanum , cæteraque animantia ,
verùm & in ipsum genus vegetabilium , virus
suum frequentissimè effundit. In summa si
calculus eorum , qui diversis in locis vel unica
die peste obierunt , instituendus à nobis esset ,
myriadum myriades facillimò negotiò colli-
geremus.

Sic regnante Imperatore Commodò , refe-
renti Xyphilino & Dionysio Nysseno tanta veneni
pestilentialis in Italia fuit malignitas , ut Ro-
mæ quotidie duo hominum millia jugularen-
tur.

Volaterano teste sub Imperio Leonis Isaurici ,
Constantinopoli paucis diebus pestis flagellò
cecidère ter centena hominum millia.

Sed quare è longinquo accersimus id : *Spe-
stemus propius quod jacet ante pedes.* Annò
1679. intra 6. mensium spatium Viennæ septu-
aginta hominum millia hocce imperscrutabi-
li DEI flagellò interiêre. Annò subsequente
1680. Hac in Regia Urbe Præga immaniter

trucidata 30000. Retrò acta temporaa
spectemus , hac eadem in urbe annô 1381. 11
dies sepulti referuntur mille centum & sedd
cim circiter mortales. Et Annô 1542. W
tislaviæ Urbe Metropolitana & nobilissim
Silesiæ intra Spatium 22. Septimanarum
vivi sublati 5900.

Si ad sacras literas confugere est animu
numeri c. 16 v. 46. legitur : Postquàm 1470
peste occubuissent , dixisse Moysen ad Aron
Jam egressa est ira à Domino & plaga scivire co
pit. Ibid. c. 25. v. 9. leguntur 24000. peste co
tincti. Et 2. Reg. c. 24. v. 15. Immisitque 10
minus pestilentiam in Israël de mane usque
tempus constitutum & mortua sunt ex populo
Dan usque ad Bersabee septuaginta millia vir
rum. v. 16. Cùmque extendisset manum sua
Angelus Domini super Jerusalem ut disperdere
eam, misertus est Dominus super afflictione ,
ait Angelo percurienti populum: Sufficiat : n
contine manum tuam. Ex quibus adductis
quido apparet pestem esse flagellum DEI , co
peccata mortalium puniret. Hujus conc
sionis causa quæri posset

Utrùm Pests cadat sub cognitionem & cur
onem Medici, cum sit flagellum & pena cœli
emissa.

Ratio dubitandi est, quia sicut pestis in p
pulla

pulum Davidis immiffa non citius ceffavit ,
 nifi poftquam Dominus miferus fuiffet fuper
 afflictionem , & hinc nulla medela quidquam
 profecit. *Refpondeo* : Quòd hìc cafus tam
 fpecialis fuerit , ac ille fub Maximino , ubi foli
 Idololatræ & Pagani peffe interiøre , & nullus
 Chriftianus. Quòd alias peffes verò , quam-
 vis negandum non fit , hominum flagitia pu-
 niri & corrigi per eas , quòd fimiliter de alijs
 morborum generibus , eorúmque caufis di-
 cendum eft , unde Amos Propheta c. 3. v. 6.
 ait : *Si erit malum in civitate , quod Dominus non*
fecerit ? Nihilominus ut inquit *Venerabilis P.*
Athanaſius Kircherus in ſcrutinio Peſtis. S. 1. c. 1.
 ut plurimum hoc tempore DEUS ſecundarum
 concurſu cauſarum utitur , dum epidemicis
 huiusmodi calamitatibus premit orbem ter-
 rarum : Hinc certum eſt huiusmodi plagas
 naturalibus cauſis non carere , quæ veluti Di-
 vinæ juſtitie miniſtræ , contra humanum ge-
 nus inſurgunt atque deſæviunt , mundúmque
 innumeris malis involutum exagitant. Quem-
 admodúm verò Sapiens rerum Conditor , ità
 in mundo bona temperavit malis , ut nullum
 fit adeò grande malum , cui non ſuum protin-
 uis paratum eſſe voluerit antidotum , præci-
 pua benedictione ſua inſtructum ; atque adeò
 ut in peſtifera lue antidota eſſe voluerit tantò

efficaciora , quantò malum truculentiùs fecerit.

Verùm triplex hominum conditio nobis hic observanda venit, qui de Medicina & rebus medijs curiosè judicant. *Primæ conditionis* homines nimium in medicina confidunt , quod cum nimium tribuant instrumento, negligunt instrumenti auctorem & directorem, sinè quo instrumenti operatio non procedit, tanto per confidunt creaturæ ut Creatorem non agnoscant , nec respiciant ; atque hos in sua perversione punit altissimus , cujus exemplum habet sacra pagina : 2. paral: c. 16. v. 12. *Ægrotavit etiam Aša anno 39. regni sui , dolore pedum vehementissimo , & nec in infirmitate sua quæsiit Dominum , sed magis in medicorum arte confisus est. Dormivitque cum Patribus suis : & mortuus est.* Nam

*Ni DEUS adfuerit , virēsque infuderit herbis
Quid rogo dicamus , quid panacæa juvent &*

Ille est, qui Deuter: c. 32. v. 39. dicit ego occidam & ego vivere faciam, percutiam & ego sanabo. Et 1. Reg. 2. v. 6. ait: Dominus mortificat & vivificat, deducit ad inferos & reducit. Medicus verò instrumentum est, quod creavit & quò utitur ut benedictionem suam circa ægros

exer

exequatur. *Secundæ conditionis* sunt, qui plañe medicinam negligunt , spernunt , nihil omnino in ea confidunt, (DEUS inquit) omniscius est, morbiq̃ue adventum & eventum diu præscivit & præordinavit , ejusq̃ue voluntatem hac in parte nulla medicina immutabit, aut evertet : Sed oppono DEUS , quos vult potest alere sinè cibis , ergo cibos quærere est inutile tempore famis, quæ æquè est flagellum DEI , sicut pestis , nego consequentiam. Sicut enim illi , quorum vita sustentatur per alimenta , non vivunt per illa sola , sed per DEUM qui illos creavit verbò , ut & alimenta illa , quæ ijs concessit ; ità etiam illi qui per medicamenta curantur , non per illa sola sanantur , sed per DEUM , qui illa creavit , illiq̃ue tales sanativas facultates indidit. Imò quod magis est , ipse Salvator CHRISTUS , qui omnes languores verbò sanare potis fuit , usus fuit medicamentis ; sic apud Joann. cap. 9. legimus cæcum sanaturus , *expuit in terram & fecit lutum ex spato , & linivit lutum super oculos ejus & dixit, vade.* Ecce , usus est colyriò , qui verbò curare potuit. *Tertiæ Conditionis* sunt ij , qui quamvis hanc salutarem DEI manum noverint, eâq̃ue sapissimè usi fuerint , tamen per malevolentiam , invidiam aut contemptum malè de ea loquuntur. De quibus

bus nihil est quod dicamus, quod enim ex malitia fit, à vero recedit, quod à vero recedit, contemnendum; ergo etiam similes contemnendi & sinendi, sufficiat ijs pro pœna propria malitia.

Si igitur naturalibus remedijs est relevanda & abigenda pestis, quid mirum, quod in naturam & essentiam hujus formidabilis malitiae penitus & per vasta librorum volumina discurrant scrutenturque accuratissimi naturalium rerum indagatores, ut quantum possibile naturæ jam jam corruenti, naturales ferri valeant suppetiæ.

Queres II. *An DEUS pestis causam de novo producat? an verò non jam à primordio mundi semina ejus creata existant, & successu temporis per solum fiat resuscitentur? ad punienda peccata hominum.*

Ratio dubitandi oritur ex sacro textu, Genes. i. v. 31. *Viditque DEUS cuncta quæ fecerat & erant valde bona.* Resp. Quod tempore illo, quod cuncta viderentur DEO esse creata bona, & Adam in statu innocentiae constitutus fuisset, nihil mali creatum fuisse; postquam verò Adam transgressus est mandatum DEI, tunc semina pestis ut flagellum producta & creata fuisse; quia DEUS prævidit malitiam hominum, ergo, & pœnas pro correctione præ-



prævidit. Hæc verò semina pestis sub fomite varijs in locis mundi recondita laterent, donec mandato & permissione Divina, aut per malitiam hominum, aut causas naturales resuscitarentur. Sic negari non potest, pestes à terræ motibus productas fuisse ab effluvijs pestilentialibus, sub fomite in terræ cavernis delitescantibus, eò usque, donec iusta vindicta DEI per terræ motum resuscitarentur & ad hominum stragem emitterentur. *Secundò*: Legimus apud *Quercetanum* olim in Seleucia; templum Apollini sacrum imprimis fuisse celebratum in trunco quodam seu cista deaurata, in qua maximum thesaurum fama mendax ferebat asservatum. Cùm verò profani quidam milites, etiam ipsi DEO, ejusque cultui consecratis, quantum in ipsis erat, non parcentes, avaritiâ obcæcati, sacrilegâ manu dictam cistam aperirent, ut recoditò in ea thesauro potirentur, hanc prædam reportarunt, ut ex infesto, cistâ aliàs vacuâ, procedente, ac in universum mox aërem se extendente vapore, non solum Seleucia Urbs, verùm etiam universa Babylonia, mox & Græcia, tandemque ipsa inficeretur Italia; ac tanta subsequeretur pestilentia, cui vix similem ab Historicis reperire liceat descriptam. Quid aliud in hac cista fuerit? quam reconditum
sub

sub fomite venenum. Prostant enim sufficientia excitatarum pestium exempla, per rerum in peste à contagio infectarum in lucem extractionem. Teste *Foresto* pellicea veste in veneta peste abscondita, & post septem annos reperta, quot quot ea usi fuerant, peste correpti interierunt. *Ven. P. Ant. Kircherus* meminit pestis productæ à chorda, quæ in domo post aliquam cistam adinventâ fuit, quâ ante 24. annos cadavera peste interempta ligata in fossas deiciebantur. Quid hoc aliud est; quàm sub fomite pestem conservari. Talia plura, imò propemodùm infinita exempla resuscitatæ pestis ex reſeratis cadaverum infectorum cryptis, fossis & cavernis observata passim, apud authores leguntur. Manet ergo conclusum post lapsum Adami creatâ à DEO fuisse semina pestis, & nullatenus noviter creari aut produci, sed creatâ & productâ sub fomitibus suis conservari.

THESIS I.

De definitione & quidditate pestis.

ANtequam ad ipsam pestis definitionem accedamus, aliquam ejus nomenclaturam

ram præmittere operæ pretium esse duximus, cum juxta *Comænum* : Ille totius eruditionis posuit fundamenta , qui nomenclaturam naturæ & artis perdidicit. Proindè ut à Græcis ordiamur, hilicèt ad pestis contagium designandum varijs ac diversis nominibus utantur, communissimè tamen id exprimunt per *λοιμος* id est , deficientia , cum pestis defectum hominum inducat. Iisdem etiam *ὅλεθρον* audit, ab *ὄλλνμι*, pessundo, quod plurimos pessundet; & per excellentiam *επιδημία*, id est, popularis & vulgaris , quia maximè communis existit : dico per excellentiam, quia non omnes morbi populariter grassantes, sunt semper pestilenciales : quod ipsum *Galenus* 3. *Epid. comm. 3. text. 20.* ità distinguit & decernit : *Non est certum nomen morbi Vulgare, vel pestilens, cæterum quicumque in uno loco multos simul invadit vulgaris hic vocatur : qui si simul hoc habeat, quod multos interimat pestilens est.*

Latinis *Pestis* à pessundando & depascendo appellata. Hinc in communi vita, si viris in dignitate constitutis , quibûsque consequenter salus & utilitas Reipublicæ ultima lex esse debeat, pessimè verò de mandato sibi munere defungentibus promeritum tribuere honoris titulum velimus , communi sanè proverbio

pestem

pestem Reipublicæ eos appellare non veremur. Quam periphrasim ipsi jam olim Ciceroni usitatam fuisse ex eo constat, dum *Catilinam* Reipublicæ Romanæ pestem appellat, & urbe egredi jubet, quod nempe Rempublicam pessundaret & depasceret. Vocatur prætereà etiam *Lues & Contagium*, quòd per contactum afficiat, repat & propagetur.

Nobis vernaculo sermone *Mor / & mornj* Rána audit. Germanis *die Pestilenz* oder *die Pest* & per excellentiam *die Seuche*. Gallis *la Peste*, *Contagion* & per excellentiam *la Maladien*, Italis *la Peste*, & per excellentiam *il Morbo*. Alijs *Morbus DEI*, seu Divinus à DEO in delictorum pœnam mortalibus immissus appellatur.

Præmissa aliquali Pestis nomenclatura, ad definitionem ipsam accedendum est, nè vagari & errare videatur oratio, si ij, qui inter se dissenserint, non idem esse de quo agitur, intelligant. Cicero de Oratore. Ejus definitionem seu potiùs descriptionem optimè inter reliquos proferre videtur *Ettmullerus*, his verbis :

Pestis est morbus seu affectus maximè contagiosus, epidemicus & deleterius, qui ortum ducit ex miasmate venenato, ab aëre primum suscepto, & ità per contagium ulteriùs propagato, quoddà occultè

cultè & latenter homines plures aggressum , eos in summum vitæ periculum conjicit , & ferè bubones , carbunculos , nonnunquam & ptechias , aliâque symptomata , comites secum trahit. Dicitur morbus maxime contagiosus ; quia per contagium ex uno corpore in aliud propagatur. Est verò contagium inquinamentum , misera seu effluvium quoddam , constans particulis salinis summe activis , quod vel in aëre volitans , vel ab alio corpore ægro exspiratum & à sano receptum , sive per habitum & pororum hiatum , sive per nares , sive per os mediante respiratione salivæ se insinuando , & mediante chylo massæ sanguineæ se commiscendo , eandem adoriatur , & in pessimum , secundum propriam malitiam statum deducit. Contagium hoc homines afficit nunc per contactum corporalem , nunc in distans agit. Per contactum afficit vel immediate , contactu nempe corporis sani ab ægroto : vel mediate , mediante certo fomite , ut sunt lana , linum , gossipium , ligna , stragula , integumenta , & quæcunque vestes aut res raræ & foraminosæ , quæ virus per unum , duos & plures annos conservant : ut Fracastorius lib. de contagio cap. 10. scribit. In distans agit per aërem nunc inspiratum & pulmones virulentiâ suâ aggredientem , unde communiter in peste anxietates præcordiorum ; nunc

Sali-



Salivæ permistum & ventriculum afficiens, unde nausea. Distinguitur *contagium* ab *inquinamento*, quòd inquinamentum ex omni re corpori humano adversante produci possit, v. g. ex plantis, fungis, venenatis, &c. *contagium* verò sit effluvium ex corpore aegro emissum. Differt ab ipsa *peste*, quod *contagium* non sit semper pestilens & venenatum, quale est in phtysi &c. aliisque morbis contagiosis. Pestis verò habet *contagium* venenosum, malignum & deleterium, simpliciter & absolutè.

Dicitur etiam affectus *Epidemius*. Morbi enim quicunque eodem tempore multos invadunt vel sunt (I.) *Dispersi*, *Sporadici* appellati, id est, qui generis *diversi* in una vel pluribus regionibus grassantur, multosque eodem tempore infestant. Vel (II.) *Communes* seu *Pandemii*, suntque morbi ejusdem speciei, qui plures eodem tempore & in eadem vel pluribus regionibus invadunt. Horum alij sunt *Endemij* seu *Patrij*, qui sunt morbi orti à causa aliqua communi, certæ alicui regioni propria, ut Phtisis Lusitaniæ, Elephantiasis Ægypto, Scorbutus maritimis septentrionalibus locis, ut: Hollandiæ, Daniæ, Norvegiæ & Sueciæ; lues venerea Indiæ, Struma locis alpinis, Plica Poloniæ, &c. Alij verò sunt *Epidemij* seu *popu-*
pula-

pulares seu vulgares, qui sunt morbi orti à causa aliqua communi, nullique regioni propria, plures uno tempore & loco invadentes. Atque hi sunt aut *Benigni* absque pernicië manifesta, aut *maligni* sive *pestilentiales* cum pernicië & lethali- tate manifesta conjuncti, id est, & materialiter & spiritualiter venenosi, totum corpus in- & afficientes: Et hæc est ratio quare addi debuerit in definitione *contagiosus* & *epidemicus deleterius*, &c. ad distinctionem epidemiorum benignorum, qui non sunt ex se deleterij & perniciosi.

Hic quæstio moveri posset, si nimirum in quapiam civitate unus tantum peste laboret, an hæc pestis propriè morbus epidemicus dici possit?

Ratio dubitandi est, cum morbus epidemicus sit, qui plures uno tempore & loco invadit; hac non obstante dubitatione, respondeamus hanc pestem, unum solum hominem invadentem esse tamen morbum epidemicum, sufficit enim, ut epidemicus morbus dicatur, si naturâ suâ se se multiplicare possit, ita ut vulgaris sit *actu primo*, etiamsi actus secundus impediri possit.

Dicitur præterea: *Qui ortum ducit ex miasmate venenato.* Ad distinguendam causam immediatam pestis nempe miasma, quod est effluvium quoddam sub parva mole summè acti-
B rum,

*vum, magnâque habens energiam : & prout
hîc consideratur est venenatum atque deletē-
riâ vi præditum.*

*Dicitur ab aëre primùm suscepto. Quia û-
infrâ patebit aër est communissimum pesti-
lentialium effluviolorum vehiculum, non ta-
men absolutè tale, quia dantur pestes quæ per
solum contactum corporalem agunt, absque
infectione aëris. An verò pestis ex infecto
aëre procedat, an per contagium ab uno in
alterum serpat & propagetur ? dignoscitur
alites ex aura decidant ; enecata & mortua
animalia terrestria in campis aliàs inter sege-
res residentia, & leto sybilo sibi harmonicè
correspondentia subito obmutescant ; è com-
tra si solos homines & non animalia in aëre
degentia aggrediatur venenum pestiferum,
per contagium est absque infectione aëris uni-
versi propagatur & serpit.*

*Reliqua in definitione posita subiectum, &
varia in peste obvenientia symptomata enu-
cleant, quæ in sequentibus clariùs & luculentè
tius declarabuntur.*

Quæstio I. An pestis sit certum morbigenū

*Ratio dubitandi fundatur in tanta morbo-
rum congerie, quæ in peste animadvertitur,
quales sunt : febres, aphtæ, cephalalgia, de-
liria, sopor altus, vomitus, angina, ulcera,
tumores, petechiæ aliæque maculæ, &c. Ser-*

cundò, quòd ferè nulla pestis fuerit sicut altera. Ad *primum* respondemus, morbos enarratos non esse veros morbos, sed tantùm symptomata sed symptomatautpotè accidens nō mutat essentiā rei: Ergo symptomata enarrata nō oberunt quin pestis ratione suæ essentiæ sit certū morbi genus. Quoad *secundū* dubiū respondemus, diversitatē illā non ratione essentiæ suæ sed ratione subjectorum talem fuisse; alia enim pestis est, quæ fit in æstate, alia in autumno, alia in hyeme & vere, alia si incidat in subjecta cacochymica, alia si in Euchyma: sed à subjecto non mutatur essentia morbi, sed tantùm modificatur; ergo neque hoc obstante, tamen adhuc pestis potest dici certum morbi genus. Verū cū Medici tria genera morborū assignent, nempe (I.) *Morbū intemperiei* seu similarē, qui est *morbū ex inconveniente qualitatū temperie in corpore humano consistens, lædens actiones corporis primo & per se.* (II.) *Morbū organicū*, qui est *morbū à quo principaliter tantūm læditur functio partis, quatenus organicæ.* Et (III.) *Morbū solutæ unitatis* seu communem; Qui est *morbū in partium continuitatis solutione consistens.* Ad quod morbi genus ex hisce tribus sit pestis reducēda? R. Referrī posse ad morbos intemperiei, nempe *intemperiem elementalem - vitalem*, in quan-



tum circulantur humores in elementari sua
crasi & constitutione turbantur & invertun-
tur. *Fernelius* vocat *intemperiem totius sub-*
stantiæ, *Diemmerbrok* *Intemperiem occultam*,
quæ cum elementari-vitali intemperie coinci-
dunt, sed solum est diffidium de voce.

Quæstio II. *An febris sit de essentia pestis*

Ratio dubitandi est, quod si peregrinum &
naturæ adversum aliquod fermentum massam
circulantem subintret, eam immediatè in
motus præternaturales concitet & febrem
constituat, sicuti à modernis *causa immediata*
febris fermentum peregrinum minus associa-
bile cum humoribus circulantibus, statuitur
sed in peste adest fermentum peregrinum
quidem summè adversum naturæ: ergo con-
stituet febrem, & quidem essentialiter con-
nexam ipsi pesti. Concessa maiore, neg
suppositum minoris, quod nempe fermentum
illud sive potius miasma pestis circulantibus hu-
mores immediatè afficiat; quodvis enim ap-
petit sibi simile, sed miasma sive fermentum
pestis ut summè spirituosum & activum, ap-
petit sibi simile nempe summè spirituosum &
activum: nihil autem in nobis est activius spi-
ritibus, ergo spiritus afficientur citius, quam
humores circulantur. Quod pluribus tho-
sequenti probabitur. His præmissis dicim



de essentia pestis non esse febrim : Ex ratione primò. Ideò in febre maligna quandòque pulsus est bonus & urina bona , quòd fermentum malignum mortificet spiritus animales & non massam circulantem , & hinc nulla febris etiam adest : sed eadem ratio militat pro peste : ergo. *Secundò* : Si febris fuisset vel esset de essentia pestis , debuisset omni pesti de essentia cohæsisse , sed non cohæsit ; ergo ; sic ab *Ægineta* fuit colica pestilens sinè febre : à *Wiero* dysenteria pestilens sinè febre : à *Mercuriali* pestis in qua pedes , tibiæ & ossa afficiebantur , ut intrà triduum peste correpti interirent sinè febre observata. *Agricolæ* nota fuit pestis , qua homines velut stupefacti , ac siderati occumbebant : sed in neutra harum observata fuit febris : ergo ; *Tertiò* opitulatur nostræ sententiæ autoritas *Hipp. 3. epid. 3. & ibid. Galen: in comm.* postquàm amplam pestis historiam fecisset , ultimò ait : *Et hæc in febribus & sinè febribus.* *Forestus lib. 6. obs. 10.* ait : Se multos vidisse , qui citò extinguebantur , cùm ab initio nequaquam febrîre aut malè habere viderentur. Item *Alexander Massaria lib. de Pest.* ait : Hac nostra peste plerique sinè febre interierunt. Quibus & nos rationibus , authoritatibúsque moti , febris mentionem in in pestis descriptione nec fecimus ; licèt minime



mè ignoremus in genere paucissimas pestes, quæ alicujus durationis sunt, sinè febris dari. Attamen esse febrem de natura & essentia pestis, solenniter negamus. Opponat *Mindereus* & cum eo *Sorbeit* ratione putredinis quidam quid velint. Nos paucis dicendo omnia, credimus, pestem ex putredine non oriri, sed putredinem ex peste, id est putredinem pestem rarò vel nunquam præcedere, sed eam pleurumque sequi. Unde etiam cum *Riverio* dicimus *Pestem* & *febrem pestilentem* differre tantquam speciem à genere, cum Pestis dari possit & data fuerit sinè febre; ratio suffragatur cum venenatum miasma non habeat sibi necessariò adjunctam putredinem, à qua febris exoritur, successu verò temporis ut mox diximus, & infra thesi 3. dicemus id fieri posse non negamus, cum non ignoremus variolas, morbillos, dysenterias, febres malignas in pestem sæpiùs degenerasse aut pestem consecutas fuisse.

Quæstio III. *Quare febris in peste, quæ est alicujus momenti & durationis eam comitetur, & non statim accedat pestis principio?*

Respondemus id provenire ex robore passivi; si enim partes solidæ sint debitè unitæ, spiritus animales, vitales & ipsa massa circulans; legitimè constituta, acido & alcali suo moderato prædita, potenter resistet natura pestilen-

ti veneno , séque : eòusque tuebitur , donec
venenum pestiferum majores acquirat vires &
sensim massam circulantem corrumpat , ex
qua corruptione oritur febris. E contrà si
passum sit debile , spiritus effœti , humores ca-
cochymici sinè omni febre brevissimo tempo-
re flammulam vitalem pestiferum hocce vene-
num exstinguet. Aut cùm pestis miasma sin-
gularem analogiam habeat ad Spiritus nostros,
sicuti plerúmque habet , ùt in quæstione præ-
cedenti probavimus ; hac ratione *Hercules Sa-*
xonia Prax. lib. 11. sect. 2. cap. 3. Scribit his
verbis : *Hinc fit in peste non rarò homines integra*
valetudine fruentes , & sanorum omnia munia
obeuntes , momento temporis , quasi fulmine per-
cussos , cadere & interire , quod in aliam causam,
quam in spirituum vitalium à veneno , inspiratu
accepto , corruptionem , referri non posse , pro
constanti habeo.

THESIS II.

De Subjeto Pestis.

PArtem affectam seu subjctum pestis ,
habita relatione ad hominem statui-
mus *primarium* subjctum, *Spiritus & secunda-*
rium

rium humores circulantes cum partibus solidis.
 Cùm enim venenum pestiferum consistat sec-
 cundùm Sydenhaym *obs. de morb. acut. sect. 5. c. 2.*
 5. in particulis spirituosissimis, indè etiam ob-
 jecto spirituofo se citiùs insinuat, quàm solidos,
 quod clariùs evadit, si imaginationem consi-
 deremus, quæ non nisi spirituum ministeri-
 peragitur, & tamen efficacissimè contagij re-
 ceptionem promovet. *Secundò*, nimia & su-
 bitanea virium prostratiotàm ex ægri relatio-
 ne, quàm ejus pulsu cognoscenda, Cùm
 verò omnis vis corporis, viriùmque robur in
 spiritibus situm sit, non poterit in peste tantus
 virium collapsus tam repentinus esse nisi ve-
 nenum pestiferum primò spiritus occupet,
 hósque immediatè destruat, & his mediantibus
 contenta *cætera fluida* inquinet, eorùmque
 fermentationem & pneumatosis lædat. Sum-
 autem Spiritus virium fundamentum duplicem
Vitales & animales; qui tamen mutuo nexu &
 functionum circulo mutuas opes sibi conse-
 runt, & ad conservationem sui ac totius cor-
 poris intimè conspirant. Probè autem atten-
 dendum an in peste aliisque morbis malignis
 magis *spiritus vitales* & cū ijs massa circulans
 An verò *spiritus animales* & cum ijs genus nerv-
 vofum magis afficiantur?

Spiritus animales ac genus nervosum pri-
 marie

maiorè magis affectum ostendunt (I.) Ardor capitis circa frontem continuus & longè intensior, quàm in reliquo corpore. (II.) Pulsus durus. (III.) Si cum pulsu laudabili, hoc est magno, vehementi, æquali & frequenti, summa virium prostratio aut stupor, aut facultatum animalium defectus se exerat. (IV.) Agrypnia seu vigiliae pertinaces. (V.) Appetitus prostratus, nausea & vomitus. (VI.) Cutis arida & tensa: E contra

Vitales spiritus & hinc massam circulantem affectam esse persuadent (I.) febris à principio. (si nimirum adsit) (II.) Anxietates præcordiorum. (III.) Fluxus alvi, aut sudor colliquativus & (IV.) sudor subdulcis & nauseosi odoris, qui putredinis inchoatae est comes.

Partes solidæ ferè indifferenter affliguntur, jam ante jam post infectos vel spiritus vel liquores corporis circulantes. Præ illis afficiuntur, si malum sit per contactum, tunc enim qua corpus attingit, septicâ sua vi immèdiatè partem illam mortificat & corrumpit, unde Anthraces, &c. de quibus Thesis ultima.

Quæstio I. *An spiritus vitales in peste speciatim afficiantur absque infectione sanguinis?*

Resp. negativè. Quia nullos spiritus vitales

les in corpore humano à circumstantibus humo-
ribus separatos, sed ijs intimè unitos esse agno-
scimus ; quapropter his affectis necessario etiã
circulantem massam affici, extra omne dubium
esse credimus.

*Quæstio II. Utrùm cor præ alijs partibus so-
lidis in peste afficiatur ?*

Ratio dubitandi exurgit ex sententia Mo-
dernorum statuentium, *cor* nihil speciale præ
alijs partibus solidis tam ratione texturæ pro-
priæ, quàm ratione officij, quòd nullum
admittunt cordi, sed solùm se permodùm an-
tiæ, sanguinem transmittentis ad alias partes,
habere : hoc nõ obstante respondemus & dici-
mus : *Cor præ alijs partibus solidis affici.* Quod
& ratio & experientia convincunt. *Ratio.*
Quia venenum pestiferum, & miasma illud
deleterium inspiratione in corporis œconomi-
am receptum nullam partem immediatius &
violentius appellit, quàm *cor*, insinuans enim
se sanguini, in pulmonibus circumstanti cum
aëre, ut ut aliàs universali resolvente homo-
geneo, summo impetu irruit in ventriculos
cordis, quò verò major impetus, eò major
porulorum, tubulorúmque hiatus, ut appel-
lens cruor omnes cordis etiam minimas con-
camerationes subintrare valeat, hõc pactò ve-
nenum subintrans intima penetralia cordis,
spiri-

spiritum cordis insitum , (sive ut alij nominant) archæum sive fermentum peculiare unâ fideiâ aggreditur , & eâ ferociâ agit , donec enervet , subigat & enecet.

Experientia cor inter partes solidas *primariò* affici demonstrat Syndrome symptomatum à corde procedentium , quales sunt syncope , lypothimiâ , &c. cordis affectiones nuncupatæ.

Authoritate Avicennæ qui ità de peste scribit: *Aër pestilens corrumpit complexionem spiritus cordis* , deinde putrefacit quod circumdat spiritum. Tertiò , *accendit calorem præternaturam*. Quartò , *hinc calorem diffundit in corpus*.

Prætereo pestem illam Neapolitanam cuius meminit *Petrus à Castro* , in qua præstantissima alexipharmaca , in cassum applicabantur , donec periculò factò , unus alterve peste enecatus , exenteratus & in cujusvis corde vermis adinventus fuisset , hisce vermibus succus allij superfusus eos interemit , unde in posterum in hac specifica peste allium ejusque succus cæteris alexepharmacis copulatus optimum præstitit effectum : Ex hac historia vel sola patet luce meridiana clariùs partem affectam inter solidas corporis partes *primariò* esse cor. Quare enim hic vermis cor affecit & non aliam partem ? Ratio alia non occurrit , quàm cum

cor

cor primaria & princeps pars sit, quæ toti largitur aliquid nempe sanguinem, ad ejus suamque propriam conservationem, & in hoc microcosmo præcipua arx atque propugnaculum, quò debellatò, tota vitalitas prostermitur. SSigitur pestilens hocce venenum deleteriâ vitæ præditum humanam evertere & sopire conatur vitam; quid mirum! si illud, in quo vitalitas naturæ humanæ fundatur & fortissima est summis viribus & potentiâ aggrediatur.

Quæstio III. *Quomodò fiat, quòd nonnulli imprimis Confessarij, Medici, Chyrurgi, Vespillones, aliique qui minister a sua peste infectis destitutarunt, sinè ullo damno cum innumeris ferè pestis infectis conversentur?*

Respondemus, hanc vim consistere I. in debita totius corporis simetria & robore spirituum tum vitalium, tum animalium. II. In animi constantia & fiducia ergà DEUM, quæ sit sinè metu aut terrore. Et tandem III. Consuetudine, à consuetis enim non oritur passio, saltèm non tanta, sicut enim *Mithridates* Rex ultimus ponti, à parva dosi incipiens venenum assumere eam fortitudinis & consuetudinis acquisivit Idiosyncrasiam, ut immunè in magna dosi assumere potuerit venenum, ergo etiam eadem ratio pro ijs, qui pestiferis inserviunt militare potest.

THESIS III.

De Differentijs Pestis.

EXtrà ordinarius noster affectus, ordinarius, methodicas & Scholasticas, raras & per paucas patitur differentias. Dividimus (I.) Pestem in *universalem* & *particularem*. *Universalis* est quæ nulli ætati, nulli sexui, nulli conditioni, nulli speciei parcat, sed tam infantes, quàm juvenes, tam adulescentes, quàm viros, tam consistentis, quàm decrepitæ ætatis adoritur homines, tam fœmineum, quàm masculinum sexum; tam liberas quàm conjugatas, gravidas & non gravidas, tam cœlibes quàm in matrimonio constitutos afficit, tam animalia, quàm etiam homines interimit & enecat. *Dyonisius Haliacarnesseus Hist. Rom. lib. 9.* Similem truculentissimam pestem Romam invasisse scribit, quæ promiscuè sæviebat in omnes sinè ullo discrimine. *Particularis* est in qua vel soli homines, qualis fuit pestis Noviomagensis de qua *Dimmerbroek cad. 4. ità scribit* Pestis hæc bruta ferè intacta relinquens, solis hominibus bellum indixerat. Vel *Bruta* vel sola volatilia pereunt. Sic

Fer-

Fernelius lib. 2 caus. abdit. cap. 12. refert annō 1514. irrepisse pestem quæ solas feles corripuit. Wierus lib. 4. de præstigijs Demon. cap. 30. de brutorum peste ita scribit: Superioribus annis contigisse meminimus, ut solos jugulaverint boves; pestilentia quædam irrepit etiam quæ sues & quæ oves, item alia, quæ gallinas interemit.

II. *Pestis Particularis* est vel *specialis ratione individuorum* vel *specialis ratione affectionis* *Specialis ratione individuorum* est, si pestis vim inferat solis *infantibus* qualis fuit Neapolitana 1617 de qua *Mercurialis* & ex eo *Kircherus cap. X. sect. 1. inscrut Pest: vel solis gravidis, vel solis virginibus.* *Dyonis. Halic.* describit pestem *lib. 4. hist. Rom.* quâ solummodò virgines fuerunt correptæ. Idem *Mindererus lib. de peste cap. 10. observavit: Sic etiam Joannes Batterus lib. 3. relat. universali de mundo novo* magnam enarrat pestilentiam, quæ solos juniores fuit adorta. Et quod curiosius est *Valentijs* in Hispania annō 1648. Pestis derepentè exorta, primò præter sutores nullum alium invasisse, tandem omnes illos, qui crepitis, calceis que ab ijs coëmptis uterentur, adortam fuisse, donec serpente contagioso malo universum regnum contaminatum fuisset.

Testis est Kircherus S. 1. c. IX in fine. Pestem, quæ familias tantum certas invasit enarrat *Dimmerbroek testis oculatus c. 4. in add. n. 6.* Plura exempla habent *Mindererus*, *Mercurialis*, *Quercetanus*, *Sylvius* & alij qui per extensum de peste differunt.

Specialis *ratione affectionis* est, quando pestilenciales colicæ, pestilenciales dysentericæ, peripneumoniacæ, pleuritides, homines afficiunt.

III. Alia pestis est cum febre, alia sinè febre, de qua thesis præsens.

IV. Alia *ordinariacum* bubonibus, anthracibus, petechijs, &c. alia *extraordinaria*, qualis fuit pestis illa sudor Anglicus appellata, in qua affecti sudore diffuebant & moriebantur.

V. Alia pestis est *naturalis* à naturalibus causis, Alia *supernaturalis*, quæ vel *immediate* à manu Omnipotentis DEI, vel *mediate* mandato vel permissione Divina ab Angelo percutiente, vel Sathana infligitur. De quibus pestibus audienda est sacra pagina in diversis locis.

Quæstio I. *An febris pestilens dari possit sinè Peste, & quomodò differat à peste & à febre maligna?*

R. I. *Affirmativè.* Febres enim pestilenciales procedunt à summa putredine, & venenosa reso-

resolutione massæ sanguineæ & non sunt propriè aut strictè contagiosæ, sed causam privatam habentes sparsim aggrediuntur. Has febres *Hercules Saxonia* & *Riverius* appellant pestilentes sporadicæ. *Crato* & *Lidellius* pestilentes privatas. Alij pestilentes spurias.

R. II. Differunt à peste (1.) quòd illæ procedant ab humorum gravi resolutione & putredine; Pests à miasmate deleterio, apto resolutionem inducendi. (2.) Quòd in illis dicta resolutio generetur à putridis exhalationibus v. g. in castris, vel à pravis nutrimentis vel alio quopiam interno corporis vitio. In Peste occulta venenositas à præternaturali aëris iniquatione & contagio. (3.) Quòd illæ non sint tam communes & perniciosæ ac Pestis, quia illarum causa in cujusvis privati subiecti humorum corruptione consistit: Pestis verò in inquinamento aëris & consequenter in causa communi.

R. III. Differunt febres pestilenciales à febribus malignis, pernicipi, symptomatum & malignitatis gradu ac contagio, quòd illæ perniciosiores existant, multò graviora symptomata habeant, et à majore seu pejore malignitate oriantur, quàm febres malignæ: præterea quòd illæ frequenter, hæcarius contagiosæ existant.

xistant. Denique, quòd illæ semper alicujus venenositatis participes sint, hæ non semper, utpote quæ à sola symptomatum pravitate multoties malignæ nominantur.

Quæstio II. *An miasma pestilentielle citius invadat subjecta seu corpora cacochymica, quàm pura?*

Ratio dubitandi exsurgit ex aph 3. sect. I. ubi Hipp. Athletarum corpora, alias laudabilibus succis turgida, tamen periculosa pronuntiat. E contra certum sit bene temperata corpora & in symetria sua naturali constituta, alijs infirmitatibus resistere, ergo & pesti. Ratio dubitandi respectu cachomicorum est, quòd omnibus morbis, consequenter & morbosæ dispositioni, se pestem facili negotio associare. E contra si cacochymici humores turgescant sale fixo ut in malo hypochondriaco, lue venerea, scabie, &c. non tam facile admirtere venenum pestiferum. Nos ut omnibus satisfaciamus dubijs *respondemus* cum distinctione; si venenum pestilentielle fuerit *ab exhalatione* v. g. *Cavernarum*, ità ut naturam quasi summè spirituosam arsenicalem induat magis affici eos, qui bono & spirituofo optimorum succorum adimpleto constant habitu. Si verò miasma pestilentielle *fracidum* & ex putridorum corporum exhalationibus procedat,

C

dat,

dat, ex analogia quadam occulta, citius inficiet cacochymicos, putridis quasi humoribus aliunde jam adimpletos. Teste enim *Aristotele* nullum agens, agit, nisi in subiectum dispositum. Interim neuter horum in peste multum habet quid sibi fidat.

T H E S I S I V.

De causis immediatis Pestis.

SI in ullo morbo, certè in hoc, causarum ejusdem cognitionem & eruitionem adeò esse difficilem & intricatam, multisque difficultatum tenebris obnubilatam, ut multi Authorum, aut prorsus his supersederint, & ad occultas qualitates simpliciter refugerint, aut super ipsas tot, tamque diversa & indeterminata emiserint judicia, ut quid certi eligendum sit ignoretur; aut easdem quàm succinctissimè tractaverint: Cùm verò causæ cognitio, in scientia & lege nostra, media sit curatio, quin imò Medico adeò necessaria, ut æstimatione, unà & felicitas illius & ægri exinde im-
clarescat. Secundùm illud :

Felix qui potuit rerum cognoscere causas.

*Ille metus omnes, & inexorabile fatum
Subjiciet pedibus, strepitumque Acherontis avari.*
Earum verò inscitia, infelicitatis prototy-
pon Medicorum habeatur; hinc non malè af-
ferit *Fernelius lib. 1. Pathologiæ cap. 11.* his ver-
bis: *Morbi absque causarum cognitione, nec præ-
caveri, nec feliciter curari queunt.* Nos bre-
viter enumeratis opinionibus quæ nostrò hōc
ævō, de causa immediata pestis inter præcl-
rissimos viros sustinentur, quid & nos sentia-
mus subnectemus.

Causa immediata pestis ut ex suprā data
descriptione patet est miasma venenatū & de-
leterium; miasma istud summè contagiosum,
subtile, admodum activum est, & quaqu-
versum diffusum virulentiam suam exerit;
unde ob summam, quam obtinet, subtilita-
tem, à veteribus aura venenata, ab alijs spiri-
tus pestilentialis, ab *Helmontio*, *Gas fracidum*
in aëre, & spiritus incoërcibilis appellatur,
quibus innuit & ejus subtilitatem, substantiam
& naturam. *Gas* vocans innuit materiam
subtilissimam, & spiritum incoërcibilem.
Fracidum vocans, originem designare vult;
quòd ex putrilagine & odore spirituoso fraci-
do oriatut. Quæ verò sit natura hujus mias-
matis, seu inquinamenti pestilentialis consi-
stat, tam quatenus extra, quàm quatenus in

corpore suas ludit tragœdias , acutissimorum virorum torfit ingenia.

De hac controversia in specie quinque primariæ prostant opiniones. *Prima* docet malignitatem & venenositatem in singulari quadam putredine & corruptione humorum consistere , qua humores circulares intensiore putredine quasi afficiantur , & ità totum putridum & quasi sideratum reddatur. *Quarta* sententia est *Galen*i ejusque asseclarum. Secundo quid causa sit hujus putredinis ad occultas recurrunt qualitates.

Secunda opinio est *Willisij de febre cap. 112* & aliorum quorundam modernorum , qui volunt in peste & febribus malignis sanguinem disponi ad coagulationem præternaturalem ; ità ut hinc indè semigrumofus hæreat sicque circulum naturalem turbet , humores circulares corrumpat & interficiat. *Cum* sententiæ se opponit *Carolus de la Font, Tr. de veneni pestilen. nat. diss. 1. cap. 15.* Qui potius venenum corrosivum de natura arsenici , sanguinis texturam dissolventis , non coagulantis statuit.

Tertia opinio est *Sylvij* docentis : malignitatis cujuscunque naturam & causam materialem in acrimonia nunc lixiviali , nunc urinosâ nunc avida consistere , acidum homogenum nostrum

nostri corporis destruentis, & sanguinis lymphæque texturam naturalem dissolventis & nimis fluidam reddentis; ita ut deperdita naturali crasi humores circulantes in corde turgescant minùs & rarefiant, quin & spirituum animalium generatio impediatur & generatorum necroses inducantur, & confirmat hanc suam sententiam ab affectu, quòd acida in peste exhibita perservent.

Quarta opinio est Venerabilis Patris Athanasij Kircheri in Tr. scrut. Pest. proposita. Qui præsupponit pestis principium constituere putredinem, ex qua emergentia miasmasa sint meri vermiculi animati, ita ut quot corpuscula in effluvio, sive miasmata concipiuntur, tot inde vermiculos enasci, similiter etiam corpore peste infecto sanguis ad putredinem disponitur, ex qua innumeri vermiculi orti partes solidas arrodunt, & ad interitum consumunt, quod pulchris & curiosis experimentis s. I. c. 7. & subsequent. §. §. comprobatur præcitatus præclarus author.


Quinta opinio est Etmülleri statuentis causam proximam pestis esse acido-volatile-acre seu spirituosum aut venenatum miasma, spiritus corporis nostri animales & vitales enervans, humores circulantes summoperè dissolvens, & plus minùs destruens.

Quid nos de natura hujus miasmatis pesti-
lentialis, contagiosi, hætenus à nemine satiss
cogniti, aut exactè & scientificè explicati sen-
tiamus, durum est decernere. Interim ta-
men duplicis essentiæ & naturæ esse statuimuss
fermentescibilis, ex putredine ortum ducentiss
atque acido-volatile acre existere, quòdque
aptum sit magis circulantes humores afficere,
resolvere & destruere. Et *spirituosæ* si gas il-
lud ex puteis profundis & è terræ cavernis sinè
prævia saltèm manifesta putredine, proveniat,
aptumque sit magis spiritus corporis humani
anni hilare, hocque illo longè acrius volatili-
us & spirituosius, malignius & pejus sit.

Quæstio I. *An venenum pestiferum, vel quod-
cunque aliud veneni genus in corpore naturaliter
gigni possit :*

Antequam ad hanc quæstionem responde-
mus, notandum aliud esse venenum in huma-
no corpore propria spirituum influorum, in-
fitorum & humorum circulantium virtute
aliud illud ex veneno extrinsecus assumpto,
produci. Priori sensu fieri non potest, ut ve-
rè & propriè venenum propria & nativa spiri-
tuum tam influorum quàm infitorum & hu-
moruu circulantium virtute producat, sic
enim fieret quòd natura tenderet sua sponte ad
sui

sui everſionem & ultimam necem , quod eſt
 manifeſtè falſum , *natura* enim eſt *complexio*
ſive nexus & ordo cauſarum corporis noſtri aco-
nomiam conſtituentium & conſervantium , ſub
prima eſſormatione ità ſtatutarum , ut ejus *con-*
nexiones neceſſarias & inde effectus ad corporis
conſervationem neceſſarij contind ſe invicem ſub-
ſequantur. Et hinc *natura* ſui eſt *medicatrix*:
 Cauſæ illæ ſunt primariò ſpiritus , ſecundariò
 humores circulantes. Contingit autem ſub
 indè hominem dum extrinſeco alimento no-
 civa & peſtifera qualitate prædito utitur , ſæ-
 viſſimis morborum ſpeciebus infeſtari , non
 quòd is venenum in corpore proprio generet ,
 ſed quòd virus externum ſub alimenti involu-
 cro reconditum , atque intrà viſcera receptum ,
 mox fermentis publicis & privatis reſolutum ,
 œconomix animali bellum indicet , & prout
 viriùm eſt exaltatarum , virus ſuum vel ad
 productionem variorum morborum , aut ulti-
 matam interneccionem explicet. Venenum
 in corpore generari ſolet ex internorum hu-
 morum corporis corruptione , ſed humores
 corrumpi non videntur niſi ex aſſumpto vene-
 no plùs minùs activo , aut ſub alimentorum
 corruptibilium forma , quales ſunt fructus ho-
 rei facilè corruptibiles v. g. *melopepones* , *poma*
perſica & americana , quædam genera prunorum



die Roß-Pflaumen und Spindling, *poma se-*
miputrida, & ex herbis fungorumque generi-
 bus innumera. Aut herbarum venenosarum
 pro salubribus comestione, verbi gratia: *Ci-*
cuta locò *Petroselini*, *Hyosciami* pro *Buglossi-*
sa, *Solani* pro *atriplici*, &c. Aut cibo-
 rum mali succi & carniū fœdarum esu v. g.
felium, *ranarum*, quæ malæ sunt qualitatis
 carnes. Aut sub forma halituum maligno-
 rum animalium eorūque cavernis, cujuss-
 modi loca sunt, serpentibus, rubetis, stellio-
 nibus, aliisque pestiferæ sobolis animantibus,
 uligine & putrida humiditate referta, quorum
 exhalationes venenoso spiritu & miasmate
 turgidæ, intus per inspirationem susceptæ,
 magnas suinde ludunt tragœdias. Ex quibuss-
 sat supérque patet nos negativam tenere, quòd
 omninò in corpore humano nullum venenum
 gigni possit nisi ab extra susceptum.

Quæstio II. *An ab astrorum sinistro influxu*
pestis producatur? sive an verum sit quod asse-
 rit V. P. Athanasius Kircherus de *Pestis* scrip-
 tino,

Astra movent auram, movet aura salumq; solum-
que

His homo vivit, & his planta tenella cibis
Sana bonos faciunt succos malesana putrentes
Hinc putris in liquidum pestis origo venit.

nos admirantes tanti viri de hac quæstione
tam citat: *Tractat. quàm in itinere extatico*, di-
scursum, statuimus astra pestiferum non pos-
se producere venenum & consequenter neque
pestem, sive mediatè, sive immediatè: sed
solùm ut signa sint temporum secundùm sa-
crum codicem; astra agnoscimus, inquit enim
sacer codex *Genes. cap. 1. v. 14. Dixit autem*
DEUS, fiant luminaria in firmamento cæli, &
dividant diem ac noctem, & sint in signa & tem-
pora & dies & annos. Hoc sacro textu pensi-
tatiùs trutinato non videmus necessitatem ma-
gis observationibus imaginarijs, superficiali-
bus & conjecturalibus credendum fore. Di-
cunt Astronomi quando Saturni & Martis vel
Jovis est conjunctio in signo humano necessa-
riò sequi pestem unde Poëta:

Cælitùs imbuitur tabo diffatilis aura

Mars quando objicitur falcitenénsque Jovi
Dum tamen hæc generi humano infaustissima vin-
cant

Signa salutare munificúmque Jovem.

Sed quare necessariò? quia Saturnus cùm sit
frigidissimus & mars calidissimus ut hostes
duo contrarij concurrentes pessimam efficiunt
influentiam, & in quo signo occurrunt, illis

Cs

sub-




sublucaribus , cui dictum signum est appro-
priatum , nocumentum dictæ influentiæ eve-
nire. Sed si ulterius quærat quare marss
calidissimus? & quare Saturnus frigidissimus?
quare hæ stellæ ita vocentur? quare hæ signa
zodiaci sint animantium? & quare alia homi-
num? quare alia reptilium? nil nisi authori-
tatem protoparentum, ipsis similia nomina im-
ponentium, & virtutes attribuendum, assigna-
re valent, & ex nominibus ea designare vell
humana vel animalia, vel reptilia; prout præ-
clare *Gassendus* & ex eo fundatè non minùs
quàm curiosè deducit per extensum *de la Font.*
in Tract. de peste. Sed obstant observationes
per experientiam comprobatæ, sic tempore
Marci Antonij visa fuit conjunctio ♄ & ♃ quam
secura est pestis. Annò 1127. causâsse pestem
conjunctiorem ♃ cum ♀ in ♍ referunt histo-
rici. Item Annò 1574. animadversa conjun-
ctio ♃ & ♄ quam subsequuta pestis. Ergo non
omni virtute defraudanda astra. Ad hæc re-
spondeo observationes dictas à solis Astrolo-
gis & ex his ab historicis esse adnotatas; Cice-
ro pro domo sua, non contra, ergo & Astro-
logi pro magnificianda sua arte hæc pro veris
edunt. *Secundò*, si quid pestem præcedat ob-
servabile in astris & firmamento, id conside-
randum solùm ut signum à DEO nobis positi-
tum

tum veluti alteris Ninivitis, cū enim mortales in hac opinione & persuasione sint similia signa prædicere pestem, ergo etiam DEUS ter opt. max. utitur his signis ad ostendendam Divinam erga nos mortales inclementiam per flagitia nostra productam, & hinc est, similibus visis si ad placandam iram DEI precibus suis mortales immortalem DEUM verum exorare desistant; cū juxta Divi Augustini in 74. Psalm. non detur fuga à DEO irato, nisi ad DEUM placatum, quòd. frequentius licet varia schasmata & constellationes visa sint nullum flagellum DEI subsecutum fuisse. Sed omnia ista & fortè alia, quæ adhuc excogitari & adduci possent, curiosis effugijs & varijs propè innumeris distinctionibus & subterfugijs, curiosè magis quàm fundatè Astrologi conantur eludere, quæ referre nostri non est, qui compendiosas proponere theses conamur. Plura qui cupit adeat Ven: P. Ant. Kircherum l. c. Sennertum, Sorbeit & alios: His contrarij sunt & pro nobis pugnant Gassendus in fundam. astr. Dimmerbrok & omnium præclarissimè de la Font in Avenionensi Academia quondam Professor Medicinæ primarius in suo libello de peste.

Quæstio III. An corpora viventia infecta, an verò pestifera morte extincta, magis propagare valeant pestem?

Respon-



Respondemus corpora viventia peste infecta, magis esse contagiosa, ratione analogiæ, quam spiritus ex corpore vivente exhalans quodam vitam saltém adhuc habet cum vivente. Etiam corpora morte pestifera extincta propagare valent pestem, & causam pestis adaugere, non tamen tam efficaciter uti viventia. Et hoc vel maximè si cadavera putredinem concipiant, & non adeò profundè sub terram sepulta sint. Unde prudenter & Medici suadentes & Magistratus mandantes faciunt, qui peste demortuos quàm primùm, antequam scilicet cadavera putredinem concipiunt, efferri, & profundius, altiorique in loco sepulchra effodi, præcipiunt, nè pestilentes exhalationes exindè productæ, aërem inficiant & alios contaminent.

THESIS V.

De causis procatharticis,
evidentibus seu remotis & dispositivis Pestis.

Non sufficit Medicis in praxi excellentioribus causas continentes & immediatas



tas habere perspectas; sed & eas à quibus priores foveantur, & quæ illis calcar, occasionem & ansam præbent, præcipuè verò ubi causæ continentes minùs sunt certæ & evidentes, Medico incumbit saltèm evidentes & certas removere, quæ apud eosdem *procathartica* & *evidentes* seu *remotæ* nuncupantur. Quas servandæ melioris methodi ratione in tres dividimus classes.

- I. In causas remotas à rebus naturalibus petitas.
- II. In causas procatharticas à rebus non naturalibus &
- III. In causas evidentes à rebus præternaturalibus desumptas.

I. Inter causas naturales numeramus temperamentum, sexum, ætatem & vitæ genus. Qui temperamenti sunt calidi & humidi complexionis sanguineæ dictæ, sicut & pituitosi, humidi & frigidi, magis sunt alijs pesti obnoxij, præcipuè si miasma contagiosum procedat à purredine. Si verò procedat ab effluvijs arsenicalibus aut mercurialibus & sulphure crudo ex criptis subterraneis exhalantibus, præ cæteris cholericus sive biliosus erunt obnoxij. Disponuntur magis ad pestem susci-

fufcipiendam, quorum corpora funt eufarca & quadrata, ob venas nimium preffas & feegnem circulum humorum. Item cacochymici, quorum corpora excrementitijs fuccis abundant, de facili hac contagionis flamma succenduntur. Unde oportuniores huic malo fufcipiendo funt prægnantes, puerperæ, infantess & pueri. Eadem de ratione huic morbo capeffendo quàm maximè habiles pauperes accageftate oppreffi, utpote ob alimenti & vitæ genus infirmi, ac ob ciborum noxiorum velli minùs falubrium efum, fed & quod frequentius in fordibus & immunditia degant. Unde Poëta :

*Panper ubique gemit fub iniquo pondere rerum.
Victimæque ante alios peftis amara tua eft.*

E contrà qui fe etiam laudabilibus cibus nimium infaciunt utpote cruditates cumulantres & obftrudiones patientes, eodem modo invadi folent facillimè. Ultimatifì non difpofiti faltem graviter peftè affecti laborant, quorum cutis arida denfa & minùs perfpirabilis, quorum verò habitus mader, pori aperti funt non aded, quod tamen cum diftinctione intelligendum.

II. Inter res non naturales primatum obti-

net

net aër inspiratus, isque vel contagio putrefa-
ctivo ab aliquo ægro inquinatus; vel effluvijs
alijs malignis undecunque exhalantibus est in-
fectus v. g. ex antris subterraneis antea diu
clausis per tertæ motum aut alia de causa aper-
tis; vel aër ab anni diversa tempestate impri-
mis austrina, id est calida & humida ut in *Epi-
demijs & aphorismis* adnotavit Hipp: unde Ovi-
dius 7. metamor.

Principio cælum spissa caligine terras

Pressit & ignavos inclusit nubibus æstus.

Dúmque quater plenis explevit cornibus orbem

Luna, quater plenum tenuata retexit orbem

Lethiferis calidi spirârunt æstibus austri.

vel denique aër nimis quietus, aut in loco mi-
nùs apto conclusus, qui subindè insigne vitium
contrahit, ut talem aërem inspirantes postmo-
dum quasi veneno afflentur. Plurimùm no-
xæ capit aër à cæforum in prælio cadaveribus
nondum humatis, quin etiam à stagnis, pa-
ludibus, sentinis, piscinisque præsertim limo-
sis & ijs in quibus linum aut cannabis immer-
guntur infunduntur & macerantur. Quin &
cloacarum, sterquiliniorum, platearum ma-
cellarumque imundities & angiportuum fœ-
tor formidandus, hinc enim non pauca exsur-
gunt

gunt gas frucida & fœda miasmata, aërem ita
alterantia, ut sale ejus universali balsamico
omnium rerum conservativo plus minùs hec
beato aut enervato, corpora nostra ita dispon-
nantur ut facilè & quasi spontè in putredinem
inclinent, infectaque corrumpantur.

Quoad *viçtus errata*: nil notiùs est quam
famem sequi pestem, seu ut alii Pestis post fa-
mem; Item esus alimentorum pravorum um-
de *Lucanus*

- - - - - *Cernit miserabile vulgus*
In pocudum cecidisse cibos & carpere dumas
Et folijs spoliare nemus, lethùmque minantes
Vellere ab ignotis dubias radicibus herbas.

sicut & alimentorum nonnihil putridorum
præsertim carniùm absque salis condimento
comessatio, frequentius causârunt febres
malignas, pestilenciales tandem & ipsam pes-
stem. Huc etiam spectat frumentum malè
repositum ac annona rancida, non ritè venti-
lata, præter quod similia frumenta, per ali-
quot annos quiescentia, tandem ventilata au-
ram infecerint & malignos morbos causave-
rint adnotante *Rulando Tr. de Febr. hungar. c.*
8. pag. 231. sed & data similis annona rancida
in usum humanum, nil nisi corruptionem
humor

humorum post se trahit & hinc morbos pestilentiales. Item esus fructuum horæorum corruptorum, aut maligno rore conspurcatorum facundæ morborum pestilentialium matres esse solent. Sic *Epiphan. Ferdinand. Hist. Med.* 11. notat malignos morbos ex esu fungorum. *Schenk* ex esu cicutæ cum oleribus. *Kircher* ex esu felis prius in rabiem actæ. Et quæ sunt plura similia exempla apud authores reperibilia. Non minùs reflectendum est ad potùs genus, sic in castris frequentius observabantur grassari febres pestilenciales & tandem pestis, ex potu aquarum putridarum & diversorum venenorum seminiò conspurcatarum.

Quòad *excreta & retenta* observavit *Mindervcrus* in peste sui temporis *Augustæ Vindelicorum* virgines nobiles peste correptas citius, & difficulter evasisse, ratio fortè fuit seminalis liquoris circa ovaria nimia turgescencia, cui spirituascentiæ, ut autumat dictus Author, se facillè Spiritus fracidus pestilencialis adjunxit; an quia intro retentus facillè corrumpit, & cum veneno pestilenciali promptius connubium init. *Dimmerbrok* in Peste Neomagensi observavit, viros veneri minùs affectos, si eandem nimis strenuè exercerent brevi post peste correptos interiisse, ratio erat quia nimia seminis profusio spirituum dissipat.



tionē corpus enervans , nec non humorum omnium concitator & turbulentus motus, atque ex his procedens debilitas & impotentia veneno pestilenti resistere. Hoc equidem pro directione & animadversione multorum non reticemus, nullum genus ægrotantium veneris stimulo magis irritari, quàm *pestiferos* & *podagricos* ex acritate nimirum miasmatis *pestiferi* & acritate fermenti *podagrici* nervosum systema, potissimum partes genitales nervoso-membranoso-tendinosas vallicante , & reverà ut Praxis & autopsia docuit ad interitum ducente.

Animi motus spiritus supprimendo aut dissipando & humores exagitando , confundendoque homines ad pestilens venenum facile succipiendum disponunt. *Terror* , *metus* & *irritatio* spiritus & humores inordinatè movendo, malignitatem corpus ambientem versus interiora alliciunt , & intus latentem in actum promoveant. Corpus potenter debilitant unde *Ovid. 6. Fastor* ait :

Abstulerat vires corporis ipse timor.

& sanè si in omnibus morbis virium constantia cunctis alijs signis salutem pollicentibus fidem facit non immeritò , quis non videt eam hoc in morbo esse potissimum observandas ac

tendendas. Cùm proindè timor & metus ex apprehensione futuri mali, spiritus virium effectrices suffocent, virtus animalis & vitalis in veneno alioquin expellendo strenuè laborans, nunc quasi vincta, his velutì ultrò se se miserijs objiciat, aut saltèm veneni non tantum, quantum intrò suscepit expellat. Hac de causa in obsidionibus ac castris pestem crebriùs evenientem non semper fœtori, aut putredini cæsum cadaverum, sed terrori, metui & anxietati & mortis formidini adscribendam esse censent plerique Authores. *Plura in prophylaxi medica dicentur.*

III. Inter res præternaturales sunt diversi morbi maligni prægressi, ut sunt febres malignæ pestilenciales, petechiales, ardentes & similes, quibus se pestis facillimè jungit. Huc etiam pestes diabolicis artificijs & malitia hominum exortæ pertinent : Quarum historias V. P. A. Kircherus S. I. cap. x. recenset : constat enim diabolus naturali scientiæ dono ob peccatum non privatum, sed illud veluti sibi concreatum in sperabili nexu retinere, & hinc mirros eum ac stupendos in natura rerum effectus producere posse nemini dubium esse debet. Uti verò omni gratiæ dono privatus, ità ex insito sibi & quasi connato appetitu in omne malum, veluti ad centrum suum & scopum

D 2

fertur.

fertur. Propterea nihil illi potest esse accreptius quàm eas potissimum artes, quæ in animarum corporumque perniciem imprimis cedunt, scholæ suæ addictos, magos inquam & necromantas edocere, edoctos verò tanquàm vicarios quosdam & ad nutus ejus promptissimos ministros, huc illucque justò DEI judicii & permissione, scelerumque enormitate postulante ad ingentem mortalium ruinam machinandam amandare. *Pater Abrahamus à Sancta Clara in Concione de Peste Viennensi* sequentem huc facientem ex *Nicolai Pommerii Hermol. Silesij* narrat historiam: Annò 1606 Frankensteinij in Silesia Vespillones quosdam veneficos captos, qui antequam poenitentiam promeritas luerent confessos fuisse, quòd cadaverem vera humana fœda putraligine jam confectum dudum annis duobus vel tribus inhumatum in terra effodisse, & iisdem, diabolo ità instruente pulverem pestilentialem confecisse, cujus malignitatem prius in animalium corporibus hinc & proprijs prolibus non parcentes præcognita & pestilentiam inde jam productam, multis ut specificum præservativum, sed viaticum ad æternitatem in cerevisia exhibuisse. Et carne verò putredine resoluta, confecisse p

stam, quâ subsellia Ecclesiarum illinirent, & eandem contagij virtutem experti, inter homines magnam stragem, sibi verò promeritum supplicium procreâsse. O! quæ malitia mortalium!

Quæstio I. *An sola imaginatione pestis contrahi possit?*

Ratio dubitandi emergit ex stupendis affectibus imaginationis & præcipuè mulierum gravidarum, quarum imaginatione fixiori quanta non in utero esistenti fœtui imprimuntur vestigia? Imò cum non in solis hominibus tanta sit imaginationis vis, sed etiam in ipsismet irrationalibus, brutis, uti clarè liquet ex historia inter *Jacob & Laban Gen. cap. 29. v. 32. & sequ.* descripta. Sicut verò in similibus aliquid potuit imaginatio, poterit & pestem producere. Ad quod respondeo quòd similis operatio imaginativæ facultatis non repugnaverit naturæ, ergo potuit fieri, ut visis baccillis diversi coloris imaginatione inde fixiori concepta diversi velleris oves progenerarentur: quid quid verò taliter repugnat naturæ, ut eam evertere & subjugare possit per se, id etiam repugnat fieri. Et quamvis hîc aliqui per pauci effectus imaginationis recenseri possint: sic centeni erunt in corpore, in quibus imaginatio nihil potest. Proinde

dicendum est pestilens venenum per solam
tristem imaginationem in corpore humano
non gigni, sed terrorem, imaginationis de
peste comitem, commotione spirituum, eo-
rumque prostratione, & hinc humorum de-
fœdatione, corpora ad venenum pestilens faci-
le recipiendum disponere, & si veneni jam
per contagium suscepti, quid in corpore lati-
tet, illud in actum promoveri.

Quæstio II. *Utrum pestis visu, auditu &
odore contrahi possit?*

R. I. *Visu* contagionem contrahi posse
mediantibus effluvijs ex corpore ægro emissis;
quod in ophtalmia & lippitudine contagiosa
nimis quàm certum est. Unde Poëta.

*Dum spectant oculi læsos, læduntur & ipsi
Multaque corporibus transitione nocent.*

Hac ratione à lamijs & vetulis infasciantur &
inficiuntur infantes, *wan sie verschrien werden*

R. II. *Auditum* similiter contrahi potest pe-
stis, si per vocem peste infecti estuvia è corpo-
re virulenta & deleteria emissæ in auris con-
cham intimiùs se insinuent, aurisque tympani
num impetuosius feriendo, spiritus in acustico
nervi expansionem influentes inficiant.

R. III. De odore nulla prorsus difficultas est
cùm

cùm odor nihil aliud sit in peste , quàm efflu-
vium corpusculorum teterrimo fœtore imbu-
torum , qui tunc verè percipitur , cùm efflu-
vium virulentum nares oppleverit , & hinc
est quòd miasma illud pestilens *Helmont* vo-
cet *gas fracidum* ; hac etiam ratione in præser-
vatorio unguenta & balsama oleaque pro in-
ungendis naribus præscribuntur , ut attractum
cum aura simile gas fracidum , in ipso limine
narium hebetetur & annihiletur , sicque pu-
rum ab impuro liberatum , quod purius est per
nares attrahatur.

Quæstio III. *An moneta possit suscipere con-
tagium pestis ? & ex consequenti an per monetam
pestis propagari possit ?*

Ratio dubitandi ex suprà dictis emergit , di-
ximus enim in superioribus , quæ rara sunt ,
ea contagium suscipere , sed pecunia non est
rara , sed corpus compactum , ergo. Respon-
demus corpora rara faciliùs recipere contagi-
um , & diutiùs retinere. Corpora verò com-
pacta , modo similes habeant poros , ut se ve-
nenum pestiferum insinuare possit , etiam con-
tagium suscipiunt ; sed non diu retinent , atque
cùm minùs firmiter adhæreat monetâ in aquâ
vel acetû inmissâ , ab ea statim etiam ipsum ve-
nenum secedit. Hac etiam ratione Mercato-
res ,

res, & quorum interest pecunias in peste accipere ab infectis aut saltèm suspectis eam prius in aquam aut acetum projicere mandant, antequàm eam manibus nudis contrectent.

THESIS VI.

De signis præcognoscitivis, diagnosticis, simplicibus & causarum distinctivis pestis.

DE pestis prælagijs ab Hippocrate 3. Epidem: propositis, dictum satis; quibus tamen & sequentia prælagia annexere placet. Horum autem quædam desumuntur à *cælo*. Quædam ab *aëre*. Quædam ab *aquis*. Et quædam à *terra*.

Primum igitur locum hi, qui meteora tractant obtinent, qui siderum quorundam positiones, coitiones, & oppositiones, nec non solis lunæque ecclipses, præsertim grandiores, aut quæ unô eodémque annô crebriores incidunt; si varia in specie nocturnis temporibus in aëre phænomena & metæora videantur, uti sunt coruscationes crebriores, scintillationes, schasmata, halones, trabes ignitæ, capræ saltantes, ignes fatui, & maximè formidabiles

cometæ , pestem hæc portendere tradunt.
Hinc annò 1536. in Ungaria visus cometa ad-
instar linguæ , punctulis nigris perspersæ ,
quem secuta pestis. Annò 1538. visus cometa
quem secuta pestis in Bohemia , Thuringia &
Belgio. Annò 1606. cometa , quem secuta
pestis. His accedunt varia & portentosa spe-
ctra , nocturno tempore visa , & alia contra
naturam obvenientia & observata. *P. Abra-*
hamus à S. Clara narrat c. l. Annò 1678. propè
Viennam non duos sed plures nocturno tem-
pore audivisse planctum lugubrem , sub quo
frequentius audiebatur intonari versus: *Place-*
bo Domino in regione vivorum. Quem plan-
ctum Annò 1679 secuta est pestis, & quod mi-
rum fuit , nullo ad hoc prodigium ampliùs
reflectente, eo in loco ubi hic planctus nota-
batur, cæmeterium pro sepeliendis peste de-
mortuis ædificatum. Inde memoratus *P. A-*
bram virtuosissimus concionator , concludit ,
pleròsq; ea peste interemptos in regione vivo-
rum placuisse Domino. Plura qui cupit adeat
Historicos , in [specie *Godofredi Chronicam*], e-
jusque continuationes sub nomine *Theatri Eu-*
ropæi usque ad moderna tempora. *V.P. Kirche-*
rũ in Chron. Pestium. Et pro nostra patria *Du-*
bravium Episcopum Olomucensem , Pessinam in
Marte moravico Præpositum Pragensem. *R. P.*



Strzedowsky Parochum in Moravia Pawlovicij optime de sua Patria meritum virum. in Mercutio suo Moraviae & proxime edita Historia sacrae Moraviae. Hagecium præclarum Bohemiae scriptorem, & ex novissimis R. P. Beczkowsky, aliosque pro patria nostra in historicis desudantes viros ingeniosissimos.

Propinquiora porrò pestis signa ex ipso sumuntur aëre, ut cum is modò calet, modò friget, præprimis verò diuturniores tempestates humidæ, australes, pluviosæ, quæ corpori humano valde insalubres, morbósque grassantes, malignos putridos in ducere aptæ sunt quod etiam confirmat Hipp. 3. aph. 16. & 12. *A pluviarum multitudine inquit fiunt febres longæ, alvi fluxiones, putredines, comitiales morbi, anginae, in mulieribus abortus & partus difficiles.* Causa horum omnium jure meritóque transfundenda in atmosphæram ignavâ, languidam, elatere destitutam, quæ non inservit spiritalcentiæ seu expansioni sanguinis & humorum intimæ resolutioni, sed fibrarum tonum relaxat, eas flaccidas reddit, unde progressio & circulatio sanguinis debilitatur. Ubi verò tardior sanguinis progressio, ibi secretiones, & excretiones etiam retardantur, ibi sanguis crassus, viscidus & minùs subtilis, & inde multi impuri humores in corpore ac-

cumulantur, & ad prædictos morbos, maxime omnium verò ad putredinem dispositio-
fit. Cui si accedat contagium, quid mirum
quòd tanta strages in corpora languida, igna-
va, & excrementis referta, fiat. Quòd au-
tem tempestates plùs justò humidæ pestis sint
præuntia præter datam rationem aphorismi
adducti patet ex hipp. *qui l. 3. Epid.* scribit, a-
liquando post diuturnas pluvias ingentem
subortam fuisse pestem, totam civitatem *Aba-*
ton pervastantem, cujus sævitiâ nonnullis in-
habitoribus pedes, ac brachia deciderint.
Idem testatur *L. 2. epidem* suo tempore exau-
strinæ constitutionis aëre in *Cranone* primum
ichores & pustulas multas, postea & carbun-
culos propullulasse. *Galenus de temp. cap. 4.*
annum nimis humidum pestis esse prænun-
cium scribit. *Wagnerus in Chronolog.* sua *Si-*
gebert. cent. 8. tradunt Anno 801. sub Impe-
rio Irenes Imperatricis Constantinopolitanæ
à prægresso aëris humidissimi dominatu in-
valuisse gravissimam pestem, quæ maximum
hominum numerum in Gallia & Germania
præcipuè juxta Rheni tractum abstulerit.
Crentben Author est, Anno 1221. à paschatis
festo usque ad autumnii tempus humidam &
pluviosam valde viguisse tempestatem, quam
mox exceperit pestis triennalis. *Spangenberg.*
in

in Chron. ut & *Pomarius* & *Entzelius* tradiderunt, regnante Sigismundo Imperatore Anno 1427. hyemis temperiem adeò humentem ac tepidam fuisse, ut circà festum S. Nicolai 6. Decembr: nonnullæ arbores, inter quas persica imprimis fuit, frondescere, seque in flores explicare, nec non cyanos in agris aliósque flores coronari passim in viridarijs progerminare ac reviviscere visi sunt, undè pestis in fausto prognostico prædicta, quæ & sequente æstate truculentè quam plurimos invasit & è medio sustulit. His accedunt cùm aër tristi caligine aut densa diùque perseverante ac foetente nebula sæpiùs contaminatur. At non semper sufficit ad producendos & alendos morbos pestilenciales & deleterios sola per humida, tepida, turbida & nebulosa atmosphæræ constitutio, sed concurrunt etiam aliæ causæ ex secundis qualitatibus, potentia nempe acres, salinæ, corrosivæ & sulphureæ in aëre ipso ceu Seminario cujuscunque generis effluviis productæ. Constat nempe experientiâ, in ipso aëre generari multa corrosiva salia, quæ rore se maximè manifestant valdè corrosivo, qui vegetabilibus affusus, ipsa non modò corrumpit, sed etiam exedit, & variegati coloris maculas arborum & plantarum folijs inducit, unde observatum

fru-



fructus talismodi rore conspersos, vel gramina quoque hocce infecta, & hominibus & brutis summam noxam intulisse, & si nimium similia salia exaltentur, se invicem destruunt, & cuncta quæ attingunt in putrilaginem resolvunt, hinc aërem corruptum & venenatis salibus coinquinatum esse ex hoc cognoscere tradit *Mindererus*, si ovum pomumve aëri per noctem expositum præter morem putrescat; aut si panis è clibano recenter extractus & adhuc calens lanceæ oblongæ affixus ac in sublimē erectus, per noctem sic sub Dio patente relictus, quasi putredinem in se recipiens, mucidus marcidusque evadat, qui animalibus objectus hæc eñ nec degustant, vel ab ejus esu ægritudinem aut mortem incurrunt. Præter hæc aërem infectum prognosticant, si aviculæ in aëre degentes decidunt ac pereant, imò aves hac vitiosa aëris qualitate percepta, etiam nidis relictis aliorum migrant & in salubriorem aërem se se conferunt, quod de passerculis sibi vulgus persuasum habere solet. Majore verò turba adventare creduntur corvi, cornices, picæ, milvi, acallia infastæ vocatæ aves ex rapina & putridis corporibus victum quærentes, inter quas ex mente *Ovidij* bubones nimirum capillati ac nictico-



Alcoraces meritò connumerandi unde ovid. 88
metaph.

Ignavus bubo dirum mort alibus omen.

Signa ex *aquis* petita sunt foetor, putredo, diluvia aquarum & ex ijs stagna remanentia, excrementa spumosa pustularum instar aquis innatantia, fontium limpidorum in cœnoscopia conversio & insolita turbatio, repentinus piscium, in stagnis piscinis & fluminibus interitus, rubetarum, ranarum, anguium & serpentium, aliorumque animalium ex putredine oriundorum copia, hinc plerumque pestem futuram, vel pessimi moris morbos succedentes prænunciare solet insolita copia insectorum quæ amant propagari in stagnante humido & vapido, Author est *Verulamius cent. 9. pag. 923.* annos insalubres & pestis suspitione infamari, quando ranarum, rubetarum, serpentium, anguium, muscarum & locustarum multitudo est, quia hæc animalia oriuntur ex putredine: Imò ipsa etiam hæc insecta quoniam sale acerrimo abundant, si moriantur & putrescant, effluvijs putridis partim & salino acerrimis aërem replent, qui exindè perniciosam & malignam vim acquirit. Refert *Paulus Jovius* de prægrandi cete, ad ripam maris rejecto & putrefacto, quod omnis liguria fuerit contagio indè infecta. Similem histori-

am habet *Plutarchus lib. de industria animalium* de Balæna ad ripam Provinciæ Bunidis rejecta, à cuius putredine pariter pestis incepit grassari pertinacissima. Sacræ pariter literæ hujusmodi contagij exemplum referunt ex ranarum multitudine, quæ *Ægyptum* insigni afficiebant molestia, in aqua Nili coacervata, putredine aërem & aquam infectam fuisse, unde pestis orta; præterea aquam putredine infectam, præcipuè cancrorum aut interitus aut fuga demonstrant.

Ex *Terra* signa sunt: excedens sterilitas, vegetabilium plerorúmque subitus marcor & corruptio, fungorum magnus proventus, terræ motus, talparum & murium è lateribus suis eruptio & fuga, rosarum & florum tempore autumnii nova progerminatio, & efflorescentia, luporum, felium, canúmque in rabiem frequentius actorum & in homines aliásque bestias ferox irruptio & aggressio. His Medici annumerant varios sparsim regnantes morbos, quales sunt variolæ & morbilli, inflammationes, ardentes & malignæ febres imprimis petechiales, & apud mulieres gravidas abortus crebri, & quod maximum pondus addit, si pestis in proximis regionibus grassetur. Quæ omnia *Gabriel Ayala* strictis metris sic facundè expressit:

Fumantes perinane , fulgetra , Cometæ
Flammigeræq; trabes , tunc quoque signa da-
 bunt.

Caligóque frequens densa , indiscussa sinistri
 Augurij est : pluvius lethifer annus erit.

Ver sitiens , humecta æstas , hyemésque tepentes ,
 Flatúsque Austrini semina mortis alunt.

Eruca , muscæ , culices . viridésque locustæ ,
 Ranæq; & bruchi , reptiliúmque globi.

Idque genus sexcenta alia ex putredine nata ,
 Vah quantæ stragis nuncia signa ferunt !

Admoneo tactas eadem prædicere quercus ,
 Aëre aves lapsas , funera crebra gregis.

Funera crebra hominum , occisósque in littore pi-
 sces ,

Palantes mures , hydrophobósque canes.

Exundánsque fretum , desiccátásque paludes
 Limosósque lacus , velivolósque sinus .

Desertósque fugá nidos terrámque trementem
 Perculsámque metu , visáque monstra palam.

Corruptámque situ cererem , annonámque ne-
 gatam

Corruptósque cibos , quæque bibuntur aquas

Et brevius :

Pestiferum esse annum jurant cæthimata bubo ,
 Exanthema , Anthrax , sanguineúsque fluo-

Præ

Præproperi partus , cholerae , febrésque vagantes.

Præsens verò contagio cognoscetur, si sparsim morbi contagiosi cum symptomatibus febrilium ardentium & malignarum conjuncti grassari incipiant, concurrentibus simul bubonibus, carbunculis, petechijs & vibicibus. His accedit simulti invadantur, & plerique subito jugulentur, in specie cum bubonibus & anthracibus: vel quòd subitanea adsit virium prostratio. Pulsus subindè in principio apparent magni & celeres, sed mox parvi, languidi, frequentes, intermittentes, & inæquales, in progressu conjungitur febris, calor extrinsecus apparet moderatus, intùs verò insigniter ardens. Ægri peste correpti conqueruntur de nausea, sinè manifesta causa, ob susceptum contagium, animadvertunt punctiones in locis bubonum, uti sunt sub axillis & inguinibus; item, qui fomiculos habent, hi sentiunt morsificationes & puncturas. Conqueruntur simul de odore fœtido & putrido. Quibus omnibus si accedat epydemica grassatio major erit certitudo.

Signa per quæ Medicus veniat in cognitionem causæ, nempe naturam veneni, ut ei debita opponere valeat alexipharmaca, eruendi

methodum sequentem tradit *Ven. P. Athanasius Kircherus S. 3. cap. 3. De scrut. pest.* Primum omnium ut Medicus consideret & perpendat Regionem districtus illius & clyma, in qua pestis se insinuat, quibusnam rebus naturalibus & præternaturalibus abundet, an multas terræ cavernas colat, an minerales fodinas, & quales an paludibus, piscinis, stagnis aut fluvijs perennibus sit dotata? an silvis densis? an verò solò glareosò sit instructa? quæ regio in la progerminet in majori copia? qualis qualitate ratis herbas? quomodo civitates mundificentur? quis genius, an benignus, an malitiosus populi? & quos tandem sibi patrios habeant morbos? His perpensis aliqualem conjecturam facere poterit judiciosus Medicus de natura veneni pestilentialis. Et tamen si ferè omnis pestis aliam habuerit genesim in hoc tractatu men unò omnes conspirant, ut quanto celerius correptos enecent, conceptumque latentem fomitem veneni in alios, aliosque propagent, sed non eodem modò una uti altera enecat, & perimit; harum quædam putrefactivò suò venenò correptos mox in tabum dissolvunt. Aliæ virtute diuretica vel diaphoretica quadam totam humorum circulantium massam in sudorem resolvunt, qualis fuit *sudor Anglicus* fuerunt & aliæ, stupefactiva quadam vi per-

le

lentes, quæ correptos, veluti sideratione quadam percussos omni mox motu privarent; fuit & alia ab authoribus adnotata pestis, quæ corpus caustica quadam facultate ad ipsa usque ossa eroderet, exederetque. Alia quæ homines ridendo morti traderet. Quarum causas ex analogia operationum, variorum venenorum tum vegetabilium, animalium tum mineralium *cit. Author* prælarè deducit, concluditque: sicut varia vena, varia & appropriata sibi habent alexipharmaca: ita & cognita veneni in corpore vivente latentis natura & crasi idem etiam valebit remedium. V. G. si stupefactiva facultate imbutum fuerit venenum pestiferum, æmulabitur virtutem jam plantæ alicujus v. g. opium, mandragoram, hyosciamum, solanum, stramonium & similes herbas; jam verò alicujus animalis per morsum aut halitum communicati, qualia sunt aspis, asilus, cerasites, quorum virulentissimus non modò morsus duntaxat, sed & vel halitus solus, hominem velut attonitum omni motûs qualitate privat. Quòd si virus pestilentielle fuerit vel corrosivum, vel putrefactivum, vel humorum resolutivum, tunc planta in considerationem veniet, ejusdem virtutis: cujusmodi sunt napellus, aconitum, cicuta, &c. vel insectum quoddam, anguis si-

ve serpentis veneno par erit. Igitur quæcumque venena similes effectus præstant, sive ea ex vegetabili, sive sensitiva natura emanaverint illa omnia eandem origiois suæ causam habere censenda sunt: Eadèmq; remedia petenda.

Quæstio I. *An aër sit tantùm vehiculum pecciosorum & pestilentialium effluviorum? an verò seminarium in quo generetur venenum pestilentialiale?*

Respondemus aërem tantùm non esse vehiculum, sed & seminarium diversi generis salium, in quo ipso varias species salium generari, vero admodùm simillimum est. Contineri in aëre sal quoddam univèrsale sulphureum, demonstrant id terræ sulphuræ elocutiones & orbatæ omni nitroso sale. Quæ super vel 4. annos aëri libero expositæ fuerint, denudò hoc sale fecundantur. Et ex hoc quod liquet *nitrum* inflammabile non in terra recondi, sed genuinam solius aëris prolem esse. Alumen in ignem conjectum & in cineres albos conversum pauco tempore recipit rursùs in poros suos aluminosum sal. Quod etiam circa vitrioli caput mortuum plus quàm certum est. Ex quibus diversitas salium in aëre abundè constat. In aëre itaque diversissimæ sunt exhalationes terræ sulphuræ, in quoque inest univèrsale acidum, nullum hinc dicitur

dubium, quin pro diversa harū commixtione & exaltatione, diversæ species salium acres & corrosivæ generentur. Horum verò salium aëreorum vehiculum ad ima descendentium sunt ros & pruina. Illa enim nocturno frigore unita, cum particulis humidis descendunt & terram petunt. Facilis exinde danda ratio, quare deäbulantibus nudis pedibus in rorulentis pratis, pedes exulcerentur? quare omnis ferè ros alvū stimulet & irritet? & quare chymici ex rore spiritum penetrantem metalla dissolventem eliciant? Item patet quare nocturno tempore non sit bonum & proficuum dormire sub libero aëre imò in regionibus præcalidis, ut Hispania, Sicilia, Italia, Hungaria, India &c. lethale: Præter frigus enim utique nocivum, noxia quoque & pernicialis est roris vis. Vitiatum rorem verò judicare possumus ex rubigine illa quæ fruges inficit, easque exurit & maculis rubris obducit. Certum quoque signum est virulenti roris, quando apes parcius mellificant, vel proprijs in sedibus exstinguntur, aut aliò migrant. Bombyces quoque coacervatim pereunt, vel qui superstites, in ipso opificio seminis ignavi sunt. Ex cycadarum obmutescencia, ob deciduum rorem malignum, malas temporum constitutiones prænunciari scribit *Doctissimus*

Mercurialis de pest. c. 6. qui annô 1577. observavit in agro Patavino aut nullas aut rarissimas cycadas cecinisse, unde postea gravis subsequuta sit epidemica lues.

Quæstio II. *An bubones & carbunculi sunt perpetuum pestis signum ?*

Respondemus : ubi nulla adhuc in loco aliquo de peste grassante suspicio est ; neque in vicinia quisquam simili affectione laboravit ; neque alia adsint signa pestis præsentis , neque bubones , neque carbunculos sufficiens certum & perpetuum signum esse posse , prout suis infra thesult. n. 3. de carbunc. ad finem videri potest. vid; etiam Sennertus lib. 4. de febree cap. 4. m. fol. 417.

Quæstio III. *An symptomatum diversitas, à miasmatis pestilentialis diversa natura dependeat ?*

Respondemus negativè , sed dicimus diversitatem symptomatum dependere à diversitate & constitutione subjectorum peste correptorum, ut si subjecta sint diversi temperamenti, constitutionis, vitæ generis, &c. quæ pestem variè modificare ratione symptomatum valent.



THESIS VII.

De Prognosi facienda in Peste.

A Cutorum morborum in certas omnino salutis aut mortis prædictiones esse *Divus Hippocrates* noster jam dudum monuit, quod quidem cum & suo & aliorum illustrium Medicorum judiciò, observatione verum esse compertum sit, quis de acutissimorum acutissimo morbo certi aliquid pronunciare audebit. Cum ipsa lues pestifera sæpe in fronte salutem in occipitio funus gerat, adeò, ut plenum spei ac promissionis Medicum sæpe deludat, quomodo eos qui sani jam ferè putabantur, subitâ quasi recidivâ perculsos, derepentè in pejus actos, ac qui morti vicini videbantur ex inopinato tanquam vi ereptos præter ferè spem convaluisse observatum fuit.

In genere tamen bonum eventum designare solet, si sudor ab alexipharmacis excitatus laudabiliter & cum euphoria ægri procedat. Si in declinatione ægri obsurdescant. *Hipp. 2. epid. 3.* Si ab initio palpitatio cordis percipiatur, signum est validè obluetari inimico suo.

Si ab initio vel vomitus vel diarrhæa accedant, non diu continuent, nec adeò canosum spirant foetorem, sed levamen æger aliquod sentiat. Si bubones & anthraces tempestivè licè in copia prorumpant & maturentur, modò non occupent loca majoribus vasis sanguifluis, nervis, tendinibus & ligamentis propinqua, & si petechiæ aliæque pestilentiales efflorescentiæ die judicatoriò prorumpant, rubræ & parvæ sint, nec retrocedant.

Dubij eventûs & plûs mali quàm boni promittentia signa sunt: si patiens potenter mortem metuat, malum: è contra cibum bene capiat & omnia præstanda præstet bonum. *Hippocr. 2. aph. 33.* Si à principio hebetudo auditûs, delirium, aut continua ad somnum propensio adsit. Si vomitu aut profluvio alvi symptomatico cum rejectione materiæ foetidæ, viridis, verminosæ, & cum prostratione virium, sudorisque suppressione æger corripiatur. Si hæmorrhagia sive narium, sive oris, sive hæmorrhoidum, sive uteri ægros invadat. Si oris halitus sit foetidus cum appetitu prostrato portendit enim magnam putredinem, imò stomachum carbunculò operatum esse. Si subjecta varijs pectoris affectibus laborantia, corripiat, è contra scabiosos, arthriticos, podagricos, lue venerea infectos, aut hæmorrhoidibus;

libus habitualiter laborantes si afficiat, non addèd sœvit in similes. Si exarthemata, bubones, carbunculi & anthraces prorumpere detrectent, aut prorumpant, sed dennò retrocedant, neque sudore prolecto redeant. Si iidem duri & parvi permaneant neque maturentur. Si majores sint quàm bubones & desuper impositæ vivæ columbæ aut pulli non pereant: si nigram & duram habeant pustulam, item si lividi & viridescentes appareant: si à principio petechiæ diversi coloris sint, aut retrocedant. Pulsus sit inordinatus, inæqualis, frequens, parvus, debilis, & miurus, præcipuè à principio: Urina crassa, turbida, & sine sedimento, atque usurpatis licèt pharmacis non muteetur: Item si nimis frequenter muteatur & ex turbida instar loturæ carniū fiat, aut si nimium fœteat, quamquam si in ullo morbo acuto & maligno certum *urina bona & pulsus bonus æger tamen moritur*, certè in peste vel maximè idem evenire consuevit. Quæ omnia enarrata dubium ægrorum eventum portendunt.

Lethalitem verò monstrant: quorum viscera torrentur, membra verò frigent cum siti inextinguibili 4. *aph*, 48. Sidecumbentes in progressu morbi vomitu, diarrhæâ aut dyscneriâ cum excrementis nigris

corripiantur, aut si absque sensu excreta ex-
cernantur. Nimia hæmorrhagia cum pro-
stratione virium insolita, intrà triduum peri-
mere solet. Si dolores bubonum & carbun-
culorum sint excessivi & absque causa mani-
festa cessent, syderationis intrinsecæ signum
est. Petechiæ magnæ, lividæ, cæruleæ aut
nigræ, aut vibices coloris fuscæ, lethales. Si
calidum, frigidus sequatur sudor isque solùm
circa caput & collum. Brevis quoque mor-
bi sunt indicia, vultus à naturali sua constitu-
tione longè distans, quem collapsa efficiant
tempora & oculi concavi, ac nares acutæ, nec
non palpebrarum, labiorumque pallor, & cu-
tis circa frontem durties ac tensio certæ mor-
tis sunt prænunciæ, alijs maximè à viribus de-
sumptis signis malum insinuat conidicantibus.
Consimilem faciem depingit Hippocrates I.
Prognosticorum quam Poëta metricè sic de-
scribit:

Triste supercilium furiosus vultus & acer

Compressæ nares, nasi primoris acumen

*Tenue, cavati oculi, cava tempora, frigida pel-
lis.*

*Durâque in ore jacens rectum frons tenta me-
abat.*

Quæstio I. *An crisis in peste locum habeat ?*
sive

sive an pestis per dies criticos judicari possit?

Ratio dubitandi: Omnis enim morbus solvitur vel per *Lyfim* sive solutionem paulatinam ad salutem vel interitum, quod chronicis morbis est proprium; aut solvitur per *crisim*, sive solutionem repentinam ad vitam vel mortem, quod febribus & morbis acutis convenit, sed pestis est morbus acutus & in progressu saltē cum febris; ergo etiam cadet sub *crisim*. Distinguo ultimam partem majoris, *crisis* convenit febribus & morbis acutis, coctionem admittentibus & ex se non lethalibus *concedo* hanc partem majoris: convenit febribus & morbis acutis coctionem non admittentibus & ex se lethalibus, deleterijs & perniciosis, qualis est pestis nego. Similiter distingo minorem & nego consequentiam. *Crisis* enim inde locum non habet in Peste, quod pestilens venenum nulla naturæ coctione mitigari, neque etiam per vias humorum purificationi aliàs dicatas satīs commodè evacuari possit. Malignitas enim pestis est tanta, ut quantum licet natura irritata moliretur aliquam hæmorrhagiam, aut alvi fluxum criticum, citius succumbet & laudabiles humores pænè omnes è corpore eliminabit, antequàm miasma pestiferum ejiciat, hoc modo facta tanta humorum

rum deperditione, vires deficient, his verò deficientibus mors in olla. *Sed dices.* Si viribus deficientibus mors esset præ foribus, omnes peste infecti sinè distinctione essent mortui proximi & nullus salvari posset, quia omnes sunt potenter debiles, & de lapsu virium conqueruntur; sed non omnes moriuntur; ergo deficientibus viribus non erit mors in olla. *Respondeo* ad causalem majoris, quia omnes sunt potenter debiles *ab appensione* ex redundancy causæ morificæ internæ concedo: quia omnes sunt debiles *ex resolutione* virium nego. Distinguo etiam minorem, sed non omnes moriuntur, quia per medicamentorum debitam operationem & opè naturæ à causa maligna vindicantur *concedo.* Non omnes morerentur, si venenum pestiferum ope medicamentorum quætoocius eliminaretur, *nego.* Si enim corruenti naturæ non ferantur in tempore suppetiæ, veneni activitas exaltatur, passum subjugatur & æger moritur.

Quæstio II. *An æger relinquendus prognostico?*

Ratio dubitandi. Medicus vocatus videt ægrum in deploratissimo statu & tam ratione symptomatum, quàm ratione naturæ morbi brevè interiturum, ità ut sibi ipsi possit prædicere si eum attigerit, occisoris nomen reportari.


tabit, quem sors occidit. *Rx.* Etiam tali periculossissimo casu ægrum non relinquat, sed aggrediendo eum, se prius prognosticò muniat, nè infamiam incurrat. Proindè nemò prognostico relinquendus, quia nunquam omnia adeò manifesta esse possunt circa ægros, ob specialem uniuscujusque idiosyncrasiam; quin interdùm hujus ratione miracula in medicina fieri videantur, & ij qui conclamati putantur, præter spem convalescant; Hæc cautela præcipuè cordi sit Medico in morbis acutis, & maximè peste tanquam morbo acutissimo, tam turbulentus enim, varius & indeterminatus est morbi status, ut Medicus etiam per impossibile nemini quidquam certi polliceri possit. Hinc aphorismus Hippoc. 19. S. 2. *probè observandus qui ita habet: morborum acutorum non omninò certæ sunt prædictiones, nequè mortis, nequè salutis.* Quid enim potuisset magis *Paræum* in prognosi salutare ferenda confirmare, quàm virium constantia: narrat enim lib. de Peste cap. 17. de ancilla Reginae Matris, cui bubo à peste se insinuante propullulavit, denuò disparuit, ægra nil mali sensit, nisi ardorem urinæ, cæterùm animo & corporis viribus constans, perque cubiculum obambulans tertia morbi die, & hac ipsa die qua expertem se esse prædicaret, dere-

derepente concidit & occubuit. Quid inquam potuisset hunc in arte medica solertissimum virum magis seducere ad salutarem prognosim ferendam, quàm symptomatum evanescencia, animi & corporis in dicta ancilla constantia? & ecce dum se salvam existimat, perit. Aliud est in morbis chroniciss ubi tempora morbi sunt longiora, accessiones non adeò violentæ & motus morbi non tam in determinatus, turbulentus & confusus, ibi liberius Medicus prognosim ferre potest, habita circumspecta consideratione roboris naturæ & violentiæ morbi, ab utriusque hujus mutua collatione dependet fundamentum omnis legitimæ prognoseos. In prognosi enim instituenda se res habet pertotum ut processus Judiciarius. *Reus* enim est æger. *Actor* est morbus. *Testes* sunt signa, in specie quæ à consequentibus desumuntur: nempe ex parte ægri functiones tum animales, tum vitales, ex parte morbi symptomata & consequentia. *Advocatus* partes rei agens est natura & *Judicis* vicem obtinet *Medicus* cuncta probe inter se conferens, allegata & probata judiciosè ponderans, hinc vel condemnans actorem, vel judicium in re dubia & periculosa remorans, ad judicium Divinum partes ablegat.

THESIS VIII.

De Indicationibus in Pestē ferendis.

Summum artis Medicæ arcanum & medium, quod Medicum quasi manu-
 cit, ut mox ideam morbi, ejus causam, atque
 ijsdem oppositum remedium & auxilium
 concipiat, est Indicatio. Utrū verò in Pe-
 ste, in qua sæpius ægri morti citiùs manci-
 pantur, quàm Medico tradantur & se com-
 mittant, indicationi locus esse & dari possit
 multi ambigunt, nonnulli tamen omnino
 affirmant, quibus & nos nostrum adjungimus
 sententiam, & perpenſis theſium superiorum
 causis continentibus, immediatis, proximio-
 ribus, antecedentibus, remotis evidentibus
 & procatharticis, symptomatibus & viribus,
 asserimus Indicationi & quidem Quadruplici
Præſervatoriæ nimirum, *Curativæ*, *vitali* &
Mitigatoriæ locum esse. *Primum* igitur lo-
 cum obtinet *Indicatio Præſervatoria*, quæ cau-
 sæ præcautionem, averuncationem atque re-
 motionem docet; Quæ causarum præcautio
 prophylaxis audit, & totuplex est, quotu-
 plex





plex medium per quod Lues sive contagium pestiferum induci posset. De qua Thesisibus proximis 9. & 10.

Secundum locum tenet Indicatio Curativa nempe quando miasma pestiferum jam in corpus vivens receptum est. Hæc indicatio præcipit & svadet ut venenum pestilens cum frequentissimè per poros corporis penetret ad interiora, per eosdem denuò expellatur, adeoque per sudorifera. Idem cum aliquando unà cum aëre forsan inspiretur, atque salivam tunc simul alteret ac corrumpat, quæ continuè deglutita in ventriculo nauseam excitet, non incommodè tunc vomitorio ex parte saltem, iterum è corpore propelletur, ubi autem pars ejus vomitione ejecta, reliqua cum aëre ad pulmones mox & sanguinem subintrans, prædictis diaphoreticis alexipharmacis convenientissimè cum sudore eliminabitur denuò foras. Quatenus verò hocce venenum qualitate suâ noxia quævis in corpore occurrentia vitiat & in pejus mutat, & qualitate sua salsa-volatili acri, contenta corporis dissolvente medicamento potenter figente, atque acrimoniam demulcente corrigetur. Quoniam verò nîl æquè figendi demulcendique vim habet ac sulphur, sed fixum: idcirco illa vis meritò expectatur à quo

vis sulphure simili, hoc est fixo & figente, metallico puta & minerali.

Tertium subit locum *Indicatio Vitalis* seu *Cōservatoria*, quæ docet & svadet ut vires lapsæ restaurentur, spiritus, atque indè provenientes langviores emendentur, atque ex hinc orta debilitas, emaciatio, marcor, corporisque cōsumptio arceantur emendentur & in statum qui consequi potest optimum reducuntur per analeptica.

Quantum sibi vendicat locum *Indicatio Mitigatoria*, interdum ultima, interdum prima, prout urgentior symptomatum syndrome exiget, nè natura à symptomatibus plùs justò afflicta, magis his quàm causæ morbificæ succumbat.

Q. I. *An in curatione Pestis primum locum non obtineat indicatio conservatoria, præcuratoria?*

R2. Negativè. Quamvis sæpe indicationes inter se ex aliquo esse impares contingat, tùmque una præ alia sequenda sit, eámque indicationem esse præstantissimam, ac omni alteri anteponendam, quæ à viribus desumitur, illis enim conservandis, refragantibus etiam morbo & ejus causâ, & hinc Medico incumbendum nè dilapidatis illis ad curam seriùs veniat, nihilominùs tamen cum in

F peste

peste vires à veneno sint oppressæ illo per indicationem curativam sublato, quidem alii qualiter resolutæ permanent, tamen Medicus nîl aliud nisi eliminato venenoso miasmate agere potest.

THESIS IX.

De cura Pestis Præservatoria Politico-Christiana, tam extra, quàm in Peste.

PErpenſis in priori theſi indicationibus jam in præſentibus adnitemur ijsdem applicare debitam curam, duplex autem nobis in peſte inſtituenda venit Cura, una ut curetur corpus ab inſultu, quo nomine *præſervatio* venit, altera ut curetur jam peſte infectus homo. Quia vetò in Epidemicis conſtitutionibus Regimen Politicum non deditur præſervationi Medicæ, præſervationem & proviſionem etiam ſuam adnectere ut pari paſſu tanquam Gradivi Mavortes mæſanæ accurrant lui, hinc de ea tanquam materia neceſſaria & connexa aliquid depromere lubet; ità tamen ut quæ Regimini Politico incumbunt extra actualem peſtem præſervatio-

tionis causâ , quàm quæ in actualiter grassante peste fieri debeant ; ut propagatio contagij inhibeatur. Quam materiam fusissimè pertractat & ex professo tradit *Joannes Ewechius lib. de officio Magistratûs*. Meminit etiam præservationis politicæ *Quercetanus in suo alexiaco*. *Dimmerbrok de peste lib. 2. cap. 3.* & alij quàm plurimi retrò actorum seculorum Philatri ; prætereà prostant variæ hoc de capite variarum Regionnm, Provinciarum & Civitatum constitutiones , quorum omnium contenta quasi in compendium & methodum non contemnendam *Inclytistatus Ducatûs Silesiæ* contraxisse videntur in promulgata Anno 1680. *neue infectiong - Ordnung*. Nos exinde aliqua de officio regiminis politici proponemus, prout instituti nostri compendiosa tractatio admitteret.

Quia verò omne flagellum & pœna cœlitûs emissâ rarò remittere consuevit nisi prius devotis precibus privatim & publicè institutis iræ æterni numinis placaretur , hinc regimini Ecclesiastico incumbet publicas devotiones & processiones instituere ad placandam iram DEI. Legimus enim sub Gregorio Magno , hujus nominis Pontifice Maximo , immedicabilem grassatam fuisse pestem Romæ , institutis verò publicis processionibus , sub planctu

pœnitentis populi ipsum sumum Pontificem
vidisse Angelum , qui ensem hucusque in vinctam
dictam vibratum , vaginæ committeret. Si
præcedens annô 1680. pestis Pragam obsidentem
magis magisque cessasse perhibetur , quantum
plus miraculosa imago Beatissimæ Matris DEE
Pecariensis , publicis processionibus per plateas
teas , vicos & compita Triurbis Pragenæ de
portata fuisset. Olomucium Metropolis
Marcomannorum eodem annô 1680. in tota
ferè Moravia ferocissimum suum dominatum
exercens immanis hæc bellua , ad ipsa usque
mœnia accessit, in suburbibus grassabatur , ipsam
verò civitatem ex eo non aggressa , quòd devotissimis
processionibus corpus Beatæ Virginis
Paulinæ per urbem portaretur, à quo etiam
tempore prædicta Metropolis hanc Divam
victtricem pro patrona sua contra luem pestiferam
efficacissimè colit. *Remedia spiritalia contra pestem
videri possunt in Reverendissimi Domini Davidis Gregorij
Corneri Magno Promptuario Catholicæ devotionis Part. VI. cap. V.*
In quibus omnibus Regimen Ecclesiasticum tempore
suo non intermitteret occasionem præberet
ad agenda pœnitentiam & placandam Dei
Omnipotentis iram. His præmissis aliquando
de officio Regiminis Politici, eò quò fieri poterit
moderamine delibabimus , nè fortè

inmessem alienam falcem nostram immittere videremur. Proinde.

I. Si in aut prope territorium alicujus Dominiij aut Magistratus locus aliquis in suspicionem infectionis veniret, statim per litteras amicales viciniæ imò & ipsi supremo Regimini Politico Regni vel Provinciæ ut innotescat, *distâ Sanct. Silesiæ* sancitum fuit. Sicut &

II. Certitudine de locis infectis habita omnis correspondentia & commercium cum ijs prohibitum.

III. Præter vias regias, omnes viæ privatæ inhibitæ fuerunt.

IV. Juxtâ vigilias in terminis & confinijs Provinciæ, quævis civitas ante suburbia terminos constituere debuit, quousque peregrini admitterentur, & undenam venirent strictè examinarentur.

V. Quarantanæ in confinijs constitutæ, in quibus peregrini suspecti per dies 40. degere coacti. Qui verò peste actu infecti erant amandati, aut ad Lazareta suscepti fuère. Imò ad Quarantanas domos solùm eos recipiendi facultas fuit, qui attestationibus ita muniti erant, ut in ijs eorum ætas, statura, capilliciti, facies & vestitus quam optimè descripta es-

Quorum autem passus taliter instructi non fuissent , aut suspecti vigilijs viderentur , juramento cavere debebant , ante 40. dies in nullo loco infecto fuisse. Domus verò similes Quarantanae dictæ , quantum fieri potuit remotæ & in dissitis locis à via regia & à civitatibus elongatæ ædificabantur.

VI. Commercia ex loco infecto non admissa , præcipuè vestes antiquæ lintheamina & telæ , lecti sternia , panni , &c. omnia porosa in quæ contagium se facile insinuat. Hæc si in terminis erant , averuncata ; si verò jam in Provinciam invec̃ta , per ignem & expositionem in liberum aërem , mundificata , per dies quarantaniatos 40.

VII. Magistratibus mandatum ut in tempore sibi de Lazareto prospicerent.

VIII. Civitatum plateæ , domus , macellæ vici & compita , ut mundissimè tenerentur injunctum.

IX. Nullus mendicus , qui non esset domesticus & patrius & quidem notissimus passus ; cæteri , qui peregrini erant amandati & nullatenus admissi sunt , imò domestici robusti publico operi applicati. Qui verò eleemosynam promererentur , signò Magistratum muniti esse debebant. Quòd si verò pestis actu grassaretur verè pauperes ut ad hospitalia

italian

alia aliâque pia loca darentur, statutum fuit, nè cogerentur ægestate pressi de domo in domum ire & sibi alimoniam necessariam querere, hâcque mediò magis contagium pestis propagaretur,

X. Peste imminente in oppidis, pagis aut parvis civitatibus ubi unus Sacerdos adest, pro suspectis & infectis à parte & speciales Sacerdotes constituti, nè suspecti & sani cogerentur convenire.

XI. Ut tempestivè à Magistratibus Civitatum experti Medici & Chyrurgi in Salaria reciperentur, nè & hi aliàs minùs obligati peste ingruente longè recederent, & Rempublicam lue oppressam derelinquerent; Qui verò reciperentur, ut instructionibus suis in tempore instituuntur, promulgatum. Quia verò sani à similibus Medicis, qui pestilentialia visitant abhorre solent, proindè pro Lazareto, Quarantanis, & hospitalibus speciales Medici, pro sanis verò etiâ alij constituti, pro infectis peste visitandis alij, & alij quibus facultas accedendi pestiferos nulla concedebatur. Hîque ab invicem signis certis & habitu distinguebantur. Ubi vero unus solùm Medicus & chyrurgus adesset, chyrurgus pro infectis constitutus fuit, qui ut diligenter, circumspectè tamen citra contagij propagationem, eum Medico cor-

responderet instructione sua munitus fuit. Ubi autem præter chyrurgum aut balneatorem nullus adesset Medicus, mandatum erat, ut de hominibus sibi necessarijs in tempore prospicerent. In pagis verò constituti œconomi vices Medicorum agerent Medicos in civitatibus tempestivè adirent & consilium compendiosèque instructam ab ijs peterent pharmacopœam, ut subditis & pauperibus quantocyùs succurrere possent.

XII. In civitatibus ubi pharmacopolia & Materialium Mercatores aderant, injungebatur, ut in tempore & in aliquali copia majorum de medicamentis alexipharmacis & fructibus in peste salubrioribus uti sunt poma granata citria, limonia, cappares, &c. sibi prospicerent.

XIII. Cum peste ingruente, omne communiter commerciũ & communio cum infectis cesset, proinde providè in dicta constitutione promulgatum fuit, ut cives omnes, quarumvis civitatum ad notibile tempus victualibus domui suæ providerent, nè defectum tempore necessitatis haberent.

XIV. Quia verò in actuali contagione non semper collegialiter directoria Instantiarum tam superiorum quàm inferiorum, de rebus pestis tempore obvenientibus conferre valent

sed frequenter fieri necesse sit , ut à loco infecto instantiæ recedant , uti in Pragensi Peste annò 1680. factum est , quòd Regia Locumtenentia Pilsnam , Regia Appellatio Rokiczanam , Camara Regia Budovicium aliáque suprema iudicia alio ad salubria in Regno loca discesserint ; constituti erant vi *dictæ constit. Silesiacæ* de supremo aut inferiori Magistratu aliqui sanitatis inspectores , & pro civitatis amplitudine , urbs in districtus suos divisa , cuique districtui unus altérve sanitatis inspector præpositus , apud quos Medici , Chyrurgi , platearum mundatores , Lazaretorū & hospitaliū inspectores , vespillones , alijque ad pestem necessarij ministri instructiones suas sumendas habebant & ut instantijs suis in omnibus obedire cogebantur.

XV. Eadem ratione etiam de Magistratu vigiliarum inspectores constituti , qui passus intromittendorum , aut ad Quarantanam ablegandorum , aut planè reprobandorum examinent.

XVI. Nè infectis ultimæ voluntatis dispositio adempta videretur , solennitates de jure Silesiaco aliàs usitatæ in tantum restrictæ , ut valuerit testamentum coram notario jurato , & uno teste , fuerit ille Confessarius , Medicus , Chyrurgus aut alius nuncupativè aut scriptò factum.

XVII. Constituti quoque , qui suppellectilem peste demortuorum inventarent , hinc qui purificarent & non citius divendere sineerent aut alijs traderent donec suspicio de propulso contagio abesset , quod infra 40. dies non fiebat.

XVIII. Non solum pro diversitate locorum infectorum & personarum peste demortuorum diversi vespillones, verum etiam diversa cœmeteria constituta de ærario publico.

XIX, Personæ quoque juratæ constituebantur, quæ domos suspectas cruce , & quæ certè infectæ erant duplici notarent , notatâsi- que occluderent , nec ulli infra 40. dies inde egredi licentia fuit ; nè verò seclusis auxiliium omne præcisum videretur constituti vigilantes , qui indies bis horis determinatis , domos occlusas accederent , & tam constitutionem , quàm quibus egerent, de superioris condignationis fenestris , perciperent , iisque secundum suam instructionem succurrerent.

XX. In locis ubi nulla Lazaretha aut Quarantanae erant , ædificari debebant , spatio modicum distanti ab urbe. Sicut & domicilia propè Lazaretha pro Confessario, Medico, chirurgi aliisque ad pestem necessarijs , exstruendum mandatum.

XXI. Si in Civitate aliqua pestis se manifesta-

staret, aut in vicinia ad tria milliaria; immediate sub pœna amissionis privilegij, nundinæ, encenia & similia ubi adest concursus populi interdicta. Victualia, ligna, & similia; si quæ ex loco infecto coëmenda erant, extra Civitates deponi debebant, cujus causâ etiam certi Inspectores constituti *Marckmeister* dicti.

XXII. Nemini (præter peregrinis & transeuntibus) concessum fuit sub pœna, ut cerevisiam, crematum, vinum, aut alia biberent in domibus effocillari consuetis, sed ad domum propriam petenda erant.

XXIII. Prohibitum quoque fuit nè ad festa lustrica plùs quàm tres patrini: ad nuptias ditiorum præter sponsum, sponsamve duodecim; ad communiores verò de plebe solum sex personæ, de quorum tamen sanitate certò constaret, reciperentur & invitarentur.

XXIV. Quousque in Provincia aliquid pestiferi grassaretur, omnes Processiones de locis longinquioribus ad loca sacra strictè interdicta. Qualis v. g. est Processio illa Olomucensis in Moravia Quotannis Gzastochovium in Poloniam celebrata; Non verò per hoc inhibebantur processiones & præcationes publicæ in Civitatibus à Regimine Ecclesiastico



stico constitutæ, sed quæ de loco in locum fierent.

XXV. Grassante Peste admunia & solennia Ecclesiæ obeunda per pauci vi illius Constitutionis admissi, ne concursu populi factò, infecti cum sanis convenirent, sicque pestis mutuo grassandæ & propagandæ major daretur occasio.

XXVI. Sub pœna quoque interdicti omnes in popinis publicis saltus.

XXVII. Injunctum nè Magistratus aut Domini directi Dominiorum concederent in territorijs suæ jurisdictioni subjectis peste licet propulsa, à Judæis vel etiam Christianis, antiquas vestes, lecti sternia, & quæ in peste usitata fuêre, distrahere, nisi ab Inspectoribus sanitatis consignatæ fuerint, & attestatum omnia præsentia per viros à Republica deputatos tempore & loco quarantaniato fuisset mundata.

XXVIII. Promulgatum, ut peste cessante sub pœna, omnes in provicia, Magistratibus & Dominis suis directis indicarent loca, in quibus peste infecti decumbebant, aut si quid suppellectilis à peste demortuorum superesset, ut omnia in tempore mundificarentur, nè sub fomite contagium delitesceret.

XXIX. Nemini à Magistratibus passus dandi,

di, nisi qui ad minimum 14. diebus in eorum territorio supsisterent, vel saltem adventum ex loco salubri demonstrarent legaliter.

Et hæc sunt quæ à summo Regimine status Politici Ducatum Silesiæ Anno 1680. promulgata fuere, maximis & acerrimis, ergà contravenientes pœnis statutis. Quæ observata & sancita essent in Regno Bohemiæ *Weingarten in fasciculo diversorum Jurium parte secunda* totum habet. Quia verò in compendio omnia describi & proponi non possunt, proindè etiam Benevolum Lectorem ad diversorum Regnorum, Provinciarum & Civitatum Constitutiones remittimus, præcipuè verò præmentionatam Silesiacam Constitutionem, cui parem in Politicis haud licuit videre aut legere. In qua præter jam memorata à Magistratibus & Regentibus aliquem populum observanda, virorum ad pestem specialiter pertinentium Instructiones per extensum deductas B. L. inveniet.

Q. I. *An Tempus Quarantaniatum 40. Dierum spatium definitum non sit justo angustius?*

Ratio dubitandi. Superioribus enim thesibus memoravimus de contagionis fomite. 7. annis in pellicea veste venetijs & alibi 25. annis in chorda vespillonum conservato, siquidem ex historijs varijs constat ad plurimos

aunos funes, tales lineas, laneas & pelliceas vestes aliâque contagij fomitem conservare posse, ergo 40. dies pro fomite è rebus suspectis propulsando terminus iusto angustior videtur. His non obstantibus *Respon:* sufficere 40. dies pro Quarantana; Præter enim omnium retroactorum temporum observationes, in quibus notatum, venenum pestiferum circa horum dierum terminum tandem consumi; ratio id etiam illustrat, distinguendo inter *rem* & *rem*; aliud siquidem est contagiū conservari in rebus liberiori aëri expositis: & aliud in clausis in quæ nulla purioris aëris pars pertingere potest. Hoc passito dicimus cum *Ven P. Kirchero* cum in 40. dierum separatione suspecti ut plurimum liberiori aëre fruantur pestisque (si qua per fomitem contracta sit) abolendæ, per frequentes indufionum, vestiumque mutationes & diætam ritè institutam, curam maximam habeant, sicut & mobilium sive suppellectilis suspectæ liberiori aëri & igni expositæ, similiter per dies 40. hac methodo certum est, virus pestiferum aliqui cubi intra intimas pororum fibras absconditum, continuò purioris, liberiorisque aëris afflatu, vel exsiccare tandem, vel deserto veneno, cum sale aëris puriore & universaliter connubium inire, atque in aliud sal enixum

& salubre degenerare : Quod tamen non fit, si panni, telæ, vestes, stragula, funes, pellicea vestimenta &c. intra murorum concavitates recondiantur, aut intra alia receptacula, qualiacunque tandem illa fuerint, concludantur; sic enim certum est, fomitem compluribus annis conservari posse.

Q. II. An effluvia pestilentialia faciliùs superiora? an inferiora loca inficiant?

Respondemus loca superiora faciliùs infici, quàm inferiora, & hinc faciliùs quoque inficiuntur qui in altioribus locis habitant, ab ijs qui inferiori aliquo loco consistunt. Ratio est, quia diximus effluvia & miasmata pestifera summè activa & spirituosà esse, sed omnia spirituosà tendunt sursum tanquam ad suum centrum. Ergo. Pono instantiam spiritûs destillandi, qui destillatus petit alembicum, & nisi ab alembici capitello datinere-tur, avolaret, imò etiam in vitris benè munitis, non semper sufficienter munitus est, sed frequentius avolat. Eadem est ratio veneni pestiferi; unde semper consultius est pestifera contagione infectos in altiori domus contiguatione collocare; hac etiam ratione quàm optimè sancitum est suprà §. 18. & in Constit: Silesiaca §. 37. ut jurati viri domos infectas & occlusas adeundo, ab infectis de superioris
con-

contignationis fenestris necessitates coram
perciperent. Hoc enim pacto auræ liberiori
commissa vox, inferiorem non inficiet.

THESIS X.

De cura Pestis Præserva- toria Medica.

PRæservationem Theologico - Politicam
sequitur Medica, quæ in Divino hoc
morbo semper Theologicæ & Politicæ
prophylaxi necessario unita procedere debet.
Verùm antequam ad ipsam Medicam præse-
vationem accedamus, hic de uno maximo &
laudatissimo, comunissimoque præservativo
paucis præfari necesse est, nempe de fuga
mori erga DEUM conjuncta. Fugiendum
autem à principio & invadere incipiente peste
ad loca salubriora, atque tardè denuò redeun-
dum. Juxta tritos illos versículos :

*Hæc tria tabificam tollunt adverbia pestem
Mox, longè, tardè, cede, recede, redi*

Aut :

Ocyùs ; hinc ito longè, tardèque redito

Sed hæc præservatio non semper est licita, interdum contra conscientiam & rationem, proinde de ijs solum hoc intelligendum, qui possunt, citò abeant & longè tardèque redeant.

Genuina præservatio medica consistit in duobus.

Primò: *In causæ malignæ averuncatione & vitiatione.*

Secundò: *In subjecti patientis ad resistendum malignitati roboratione, seu impeditone, nè contagium malignum suscipiat.*

Pro hisce duobus scopis ritè obtinendis, debita nobis materia remedium ex triplici fonte petita, nempe *Dietetico, Chyrurgico & Pharmaceutico.* His satisfaciet.

Prophylaxis *Dietetica* consistit in exacta & conveniente sex rerum non naturalium administratione, nempe *Aëris, cibi & potûs, somni & vigiliarum, motûs & quietis, excretorum & retentorum ac animi pathematum.*

Primum locum tenet Aër, qui cùm impurus sit & contagiosus, purificandus, & à contagio liberandus: purificatur aër vel universaliter vel particulariter. *Universaliter* si more veterum luculenti ignes per vias publicas passim extruantur, non solum lignorum incendiabilium & simplicium, verùm etiam odoratissimorum, v. g. *Quercinorum*, miscendo
G ligno

ligna odorata lauri, cypressi, juniperi, & pini
Ausim promittere inquit Augenius lib. 2. de pesti-
cap. 3. adhibetâ tali diligentia, ut circa urbem
aut in urbe in quatuor vel quinque angulis
quotidie ignes excitarentur, pestem vel ex-
guam, vel nullam noxam esse allaturam. (C)
 ptimum enim aëris correctivum est ignis, ut
 pote qui motu suo celerrimo quo pollet, humi-
 ditates absomit, & unâ motum & ventum
 parat, qui ad ventilandum aërem putridum
 & ignavum magnæ est virtutis. Exhalationes
 quoque ex lignis gummosis & balsamicis
 emissæ, virtute balsamica illum implent,
 spiritus inde haust, egregiæ succurrat debili-
 ri sanguini, eiusque spiritualcentiæ: Et si quæ
 verminosa & animata secundum V. P. Kircheri
 rum effluvia aërem impleant, ea ignis consumi-
 mit, crassa rarefecit & purificat. Qui tam-
 modus publicorum incendiorum ex varijs
 tionibus in defuetudinem abiit. Universa
 ter etiam purificatur aër per frequentiore
 plosionem tormentorum bellicorum: Item
 si Magistratus diligentem curam habeat mu-
 ditiei urbium, aquarum aut transfluentium
 aut stagnantium, aut in puteis putrescentium
 Quapropter (I.) omnis finus & sterquilini
 compitis civitatum ad longius distitum locum
 evehenda. (II.) Flumina transeuntia in flumina

re conservanda, & nullatenus per cadaverum
aut stercoreum injectionem defœdanda. (III.)
Lanionum circa macellas sordes, uti & coria-
riorum extra urbem tempestivè evehendæ, nè
diutius jacendo situm contrahant & fœtor in-
recenter mactatas carnes summo cum discri-
mine carnes coëmentium & comedentium
se insinuet, ut hîc Pragæ apud Judæos frequen-
tius deprehunduntur tam in & circa macellas,
quàm eorum civitatis plateis sordes in copia,
unde inter ipsos etiam frequentius febres ma-
lignæ grassantur. (IV.) Saginatio suum in
urbibus inhibenda, observatum enim nil ma-
gis coinquinare aërem, quàm sterquilinia su-
um. (V.) Urinæ infectorum non ad domos
deportandæ, nec ad plateas evacuandæ, sed
quantocyùs in cloacas conjiciendæ. (VI.) Ca-
nales cloacarum Ger: die *Stollen* per infusio-
nem copiosioris aquæ emungendi, (VII.)
putei frequentius concutiendi per extractio-
nem aquæ, imò non oberit aliquantam copi-
am salis injicere ad fœculentias præcipitandas.
(VIII.) Lacus stagnantium aquarum, in qui-
bus nil nisi animantia venenata & è putri pro-
ducta, ut ranæ, buffones, rubetæ, &c. stabu-
antur, & putrilagine suâ non parum aërem
defœdant, lapidibus aut limo adimplendæ:
simili ratione lacus in quibus linum immergi-

tur nou nisi in aprico & longè ab urbe aut eto
am pago , dissito loco , concedendi. Dern
que (IX.) Cloacarum fœtor per injectiones
calcis vivæ corrigendus.

Particulariter corrigitur aër , si (I.) in da
mibus privatis aranearum telæ (de quibus *FF*
rest. lib. 6. obser: 22. legi meretur) aliæque fœ
des expurgentur, deinde, ut noxius aër excludi
di, & purior ac salubrior intrâ ædes admitti
posset, fenestræ versùs Orientem , postquàm
sol exortus vapores terræ nonnihil discussit
& hinc illæ , quæ versùs aquilonem spectant
per unam alterâve horam referandæ , mox
tempus non fuerit nebulosum. Reliquæ v
rò quæ Austrum vel Occasum , vel propius
quas cloacas, paludes & piscinas, aut domus
vicinam peste infectam , respiciunt , semper
clausæ tenendæ. (II.) In cœnaculis luculle
ti ignes ex ligno juniperino , buxo , fraxino
vel quercino fiant. (III.) Æstatis tempore
æstus Solis , ignes contra indicet pavimet
decoctis herbarum vulgò frigidarum cum
grantibus temperatis commixtarum, consp
gantur , v. g. *Ex fol: Salicis quercûs , rosis flor.*
fol. nymphææ, violarum &c. Ex calidioribus
v. g. *Melissa , serpillum , hyssopus , levandula ,*
via , nepeta Beronica , thymus , majorana ,
marinus , satireja , basilicon, fol. lauri , flor.

mor. aurantiorum ebrumque cortices & fol. aliá-
que his similia. (4.) Suffumigia per totas
ades manè & vesperi fiant extemperatis, non
adeò suavem odorem spirantibus v. g. baccar:
Juniperi: picis, succin. benzoin thur: myrhæ, cam-
phoræ, galbani, vitrioli: alumini: nitri Sulphur:
imò antequàm coenaculum subintret familia
parva quantitas pulveris pyrij accensa, com-
mune plebejorum in peste anno 1680. grassan-
te cum optimo successu practicum fuit præ-
servativum & aëris purificativum, Sunt qui
pro purificando aëre passeris in cubiculis alunt
& hinc indè in angulis domûs lac recenter e-
mulctum reponant, quod venenum attrahit,
& hinc brevi temporis spatiò variegatam in-
duit crustam. Tabacæ fumus & attractio per
pippam non parum emolumenti adfert præci-
puè phlegmaticis, serosis humoribus adimple-
ris & præcipuè aëre pluvioso & nebuloso exi-
stente, quò etiam multùm se à peste præser-
vâsse Perillustis Spectabilis & Excel. D. Præses
in peste annò 1680. perhibuit. Fumus aceti
super ferrum aut silices candentes superfusi,
quanquàm multi boni præstet, ijs tamen qui
pectoris morbis affliguntur eum vitent: Ace-
tum potest esse simplex vel rosaceum, rutace-
um, vitriolaceum, Angeli salæ, vel in quo
viride æs maceratum fuit. Suffitus ingrato-



rum & fœtentium , qualis est suffitus *de cornu hircino Minsichti* cum circumspectione summi concedantur : quia spiritus animales pessumdare valent.

Quibus verò similia non arriderent utpotè simplicia , fumi magistrales construi possunt quod tamen ordinarium est , jam parati sub varia forma : *trochiscorum, candelarum, rotularum, pulverum grossorum, &c.* à peritioribus practicis & præprimis locorum Physicis constituantur.

Perillustri Spect. & Excell: D. D. Præsidi ut expertissimum recommendat fumum sequentem :

R̄. *Baccar. Juniperi m. IV. rad: Helenij cont. extr: betul. corn. hirci. raspat: Sabin. aa. m. ij. fol: querc: myrrhæ aa. unc j. M. F. pulvis grossus pro suffitu.*

Cibi & potûs assumptio ad præservationem quæ ad mediocritatem & sobrietatem tendit non ad repletionem & gravitatē , multum in recessu habet. Sicut enim ex multitudine & infarctu cruditates , ex cruditatibus cacochylia , ex cacochylia , cacochymia sæcundum omnium morborum mater & fomes , ita è contrarium jejuniū & abstinentia spiritus depascendo & superprimendo veneno pestifero suscipiendo corpus aptissimum reddit. Quapropter mediocritas fer-



vāda erit. Quorū facultates ferunt menſas ſuas inſtruat cibus euehymis et eupeptis, quales ſunt panis optimus. caro agnina, hœdina, vitulina, bubula junior: gallinæ. capones, pulli gallinacei, galli indici præſertim juniores, cuniculi, perdicæ, alaude: piſces plurimi fluuiatiles durioris & friabilis carnis hinc & ſaxatiles, cancri, &c. Item ova gallinacea recentia, lac ebutyratum aciduſculum, aliq̃ue ſimiles, qui ad lubitum aſſari vel elixari poſſunt. Condimentorum loco, vinum, acetum, omphacium ubi uſuale, cappares, fructus ribeſiorum rub. berberes, ceraſa, meraſa, & morella acida, poma citria, aurantia, granata acida, limonia & cydonia. Herbæ & tadicæ. Cichorei, pimpinellæ, endiviæ, ſatureiæ, borraginis: Flores, herba acetofæ, lactucæ, meliſſæ, bethonica, thymi, chærefolij, petroſellini, Herb: & radic: Majoranæ, roſmarini, aſpargituriones, ſicut & lupuli. Item Cinnamomum, caryophilli. macis. nux moſchata. ZZ. Zedoariæ rad. & quod optimum noſtratium condimentum eſt grana juniperi. Ex quibus omnibus quivis pro facultate ſua & conſuetudine optimos ſeligat. E contra vitandi ſunt cibi vetuſti, duri, obſtructiones parientes, & difficilis digeſtionis, uti ſunt caro vervecina, hœdina, agnina & bubula vetus, Porcina qualiſcunque &

quomodocunque parata , fumô indurata au-
salita. Item fumô indurati pisces marini &
muria conditi *haleces* , ova dura , duri lenti &
viscidi casei , omnia butyrô nimiùm frisa , &
facilè nidorem contrahentia. Ex piscibus
nostratibus prohibentur *anguilla* , *tineæ* , *alb-*
burni & *leucisci* item *lacticinia* & *olus* fere omni-
ne. Item quæ facilè bilefcunt & remorata
nidorem contrahunt ut mel & sacharum & ita
de præparata ; Item , quæ facilis sunt corrupti-
onis , ut *lac recens* , omnia genera fungorum m-
lactuca campestris , *cucumeres* , *melopepones* ,
cerasa dulcia , *dactyli* , *pyra dulcia* , *uvæ maturæ*
dulces , &c. Et quæ hujus generis sunt pluri-
corruptioni citæ subjacentia. Aliô , *cepis* , *ra-*
phanô . *armoraciâ* , *sinapi* utantur qui assueti sunt
& ferre possunt in genere omnia antequam
præparentur , benè & sæpius in aqua mundi-
sima eluantur , & non (uti mos invaluit) can-
nes ad totam vel mediam septimanam , fer-
si fieri potest indies à lanione de recenter ma-
Etatis pecoribus coëmantur , facilè enim situm
mutant & putrilaginem , maximè tempor-
peftis contrahunt. Pauperes quorum mee-
dia non ferunt , manducent ea , quæ labore si-
bi comparare valent , licèt minoris sint condi-
tionis cibi , modò consueti fuerint , & ijs de-
bitus subsequatur labor , minùs nocebunt.

Pro potu ordinario Cerevisia debite cocta lupulata moderatè & de condigno defecata est optima, imprimis est alba, ex polenta triticea præparata. Qualis Pragæ optima est Universitatis Michelenfis. In Austria hornensis das *Horn*er Bier. In Moravia Kirvveinenfis, in Dominio Magistratus Olomucensis das *Bir*weiner Bier. Inter hordeaceas cerevisias, qui assveti sunt commendatur in Bohemia, Moravia & Austria confusanea das *Land=alt* oder *Braun* Bier/ ex polenta hordeacea & triticea confecta. Quæ verò crassioris sunt consistentiæ qualis Pragæ est Legeriana, Rakonicensis, Girkaviensis & ordinaria amara ex puro hordeo præparata non adeò sunt commendabiles. Pro pauperibus etiam potest admitti Cerevisia tenuis & secundaria, modo sit bene defecata, quales hic in Bohemia habentur: das *frisch*bier die *Patocken* / & *Convent*. In Moravia unicam habent Cerevisiam secundariam das *hindere* Bier cognominatam. Quibus etiam pro ratione statûs & personarum conditione vel noduli ex alexipharmacis temperatioribus immitti, aut in ipsa coctura, præsertim grana Juniperi & Radix Zedoariæ incoqui possunt. V. G. sit
Nodulus alexipharmacus Dimerbrok in Peste Neomagensi valdè expertus.

R̃. Rad: petasitidis, dictamni aa. unc. 1. cortic. aurant. sicc. rad ostrut. angelic. aa. unc. iijß Herb. absinth. unc. jß centaur. minor. unc. 1. C. B. unc. iv. concisa & contusa includantur nodulo, qui immittatur in vas cerevisiæ novellæ ut una fermentet.

Aut

R̃. Cort. aurant sicc. Lib. S. Herb. C. B. Scabios. Scordij aa. m. 1. absinth. m.ß. concisa includ. nodulo cerevisiæ novellæ immittendo.

Vinam quod lætificat cor hominis & ratione: sui blandi acidi alexipharmacum & cordiale: censendum cuivis admittendum, tristioribus, meticulosis & melancholicis usque ad hilaritatem præcipuè hyberno tempore, nemini usque ad ebrietatem. Non datur etenim præstantiùs roborans ipsò vinò, quod bonæ notæ temperatum, subtile spirituosum & mediæ ætatis est. Vini boni temperatus usus excitat naturam, promovet excretiones, calorem nativum fovet, omnémque ad putredinem dispositionem depellit. Si inter nostratia vina selectus faciendus, in Bohemia commendabilia sunt Podskalense, quod tamen rarum est, Saleslense, Austense, Culmense. Litomericense, rubrum Melnicense & pleráque Pragensia excepto

cepto Prosecensi quod crudo sulphure & tartaro multum abundat. In Moravia commendabilia sunt Blatnicense, Lippovienſe & nowý Bory/Wlcznovienſe ad Hunobrodam. Poleschovienſe ad Welehradium Recenſe & Znoymenſe rubrum, atque per pauca quæ ad Confinia Auſtriæ creſcunt. Crudiora paſſim cenſentur. *Dirnholzenſe*, *Nuſlavienſe*, *Marraticenſe* ad Hraditium & quædam alia per pauca. Ex Auſtriacis plerâque ſunt bonæ indolis præcipuè Biſenbergenſe, quæ verò acido ſulphureo abundat & caput feriunt, uti ex odore ipſo patebit bibenti omittenda. Inter externa meliora ſunt Rhenana & Herbipolenſia blandò acidò abundantia. Hungarica præcipuè Ebenburgenſe & Sancti Georgij, aliâque modo non ſint caſtigata. Quibus omnibus immitti vel omitti poſſunt tempore uſûs fruſtula ex toto citro aut limonijs deſumpta, aut ſimiliter uti cereviſiæ per infuſionem noduli medicari v. g.

Ex Minderero ſpecies pro vino expertæ.

R̄. *Herb. Abſinth. vulg. miß ſcord. C. B. aa. iij. dictam. cret. miß Cort. citr. unc. ſrad. pim-pinell. unc. iſſ. Inciſa includantur nodulo, qui immittatur ad urnam vini menſuræ moraviæ ſ2. Bohemicæ 32° pinetarum.*

Alius

Alius.

R̄. Summit. absinth. m. iiij. fol. scord. m. ij. Rad. enul. camp. unc. iiij. cort. & sem. citr. aa. unc. i. sem. Carv. unc. iß. concisa includantur nodulo, qui urnæ vini immittatur. Usus utriusque: Pro præservatione manè in jentaculo vel jejuno ventriculo bonus haustus summen-
us.

Quæ potuum genera effervescentias præternaturales causare valent, & hinc massam circulantem ad miasma pestiferum suscipiendum adaptant omittenda, qualia sunt vina *Canaria, Hispanica, Italica dulcia, Hungarica cocta, item hydræ & mulsæ.* Quibus & cremata & aquæ vitæ omnis generis adnumerandæ, & hinc potiùs omittendæ, exceptis senibus, pituitosis & consuetis, hyberno imprimis tempore, aliquid sed moderatè concedendum, præcipuè *Spiritus vini juniperinus rad. angelicæ, vel Zedoariæ,* quibus si quis abusus fuerit, locò aquæ vitæ, aquam mortis & vehiculum ad æternitatem habebit. *Cibum & potum* utpotè præcipua sequitur.

Somnus & vigilia, in quibus naturæ limites non excedendi, & neque per nimias vigilias spiritus dissipandi, neque per immoderatum somnum ijdem supprimendi & hebetandi.

Som-

Somnus meridianus uti nunquam adeò utilis, ità multò minùs in peste; excipiendi sunt infantes, debiles in statu convalescentiæ, decrepiti & senes, aut qui iustò plùs vigilârunt, laborârunt aut studijs spiritus absumpserunt, aut multis annis ei assveti sunt. Imprimis plebeis prohibendum, nè nocturno tempore sub dio, ratione decidui roris maligni, aut de die sub radijs solaribus vel super fœnum somnum capeissent.

Motus & quies similiter moderatè sibi succedant, gravis enim labor, & violentiora exercitia, quæ corpus nimium debilitant & aptum reddunt ad suscipiendum venenum, summo pere vitanda. Observavit enim *Dimmerbrok* in peste Neomagensi statim post graves exercitationes, & magnas defatigationes multos correptos fuisse. *Quies* verò uti moderata est optima, ità nimia & desidiosa pessima. Optime meo videri hæc definit *Aulus Gellius lib. 11. cap. 2. vita* inquit *humana* propè uti ferrum est: si exerceas, conteritur, si non exerceas, tamè rubigo interficit: Isidem homines exercendo videmus conteri: si nihil exerceas inertia atque torpedo plus detrimenti facit quàm exercitatio. Quoad

Excreta & Retenta talis commodatio ad præservationem à lue pestifera observanda ut quæ





quæ excernenda sunt, excernantur, retinenda verò omni studio retineantur. Quemadmodum verò excrementitiarum superfluitatum, atque repletionum varia existunt genera ac differentia: ità quoque non eadem eorundem à natura evacuationi emunctoria videmus destinata. Præcipuè quæ hîc in considerationem veniunt sunt, ut alvus in dies sui memor sit muneris, & si non suâ sponte saltêm medicamentis. Superfluitates serosæ in sanguine per corporis peripheriam eliminandæ in quæ usum optimè faciet frequentior usus infusi *herb. scordij & veronicæ* in quo tincturæ bezoardicæ utpote valdè balsamicæ ad gr: xv. multùm præservare poterit massam circulantem à labe pestifera. *Tertium* excrementum est *saliva*, quæ tempore luis pestiferæ & præcipuè dum nobis cum infectis negotium est, ex mente Excell. D. Doctor Dobrzensky de Nigro Ponte quondam in hac Alma & Antiquissima Universitate multorum annorum Professore Publico in Tr. à se edito de præservativo universali & naturali, nunquam deglutienda, sed quantum licèt exspuenda, cum miasma pestiferum se salivæ insinuans & commiscens, deglutita, ea quæ in ventriculo invenit, inficit & vitiosas fermentationes & effervescentias in primis vijs hinc & massa circulante producit.

Prò-

Prout in dicto Tractatulo fundatè deductum reperire licet. *Quantum* excernendum est urina, cujus retentio superfluum humiditatem ad auget, ejus verò debita exoneratio naturæ levamen adducit. *Quintum* tandem excernendorum & retinendorum est semen, à cujus excretionem potiùs abstinendum, vel saltem venere rariùs & moderatè utendum, ut jam suprà diximus; utpote quæ vires resolvendo, corpora ad pestiferam labem suscipiendam, citissimè disponit, præcipuè in non assuetis. Quemadmodum observavit *Dimmerbrok* novos sponso venere abutentes, citissimè correptos & interemptos fuisse. Verùm sicut in non assuetis plurimæ noxæ ab abusu veneris observati, ita in assuetis abstinentiâ idem causasse observavit *Cornarius lib. 1. de peste cap. 13. & Massaria de Peste.* unde medio tutissimus ibis. Quorum autem non interest venere uti, ijs salubriùs erit de ea nec cogitare. Ultimò rerum non naturalium ordine considerandæ nobis veniunt.

Animi affectiones sive Patbemata, quæ quanta possint in humanis corporibus scriptum reliquit *Plato* in principio *Charmidis* fieri non potest (inquit) ut animo malè affecto non corpus etiam unà laboret, & rursus animus bene affectus vi sua, quoad fieri potest, optimum reddat corpus.

Si

Si itaque ipsa animi vis corpus valet proster-
nere, quidni & pestiferam luem, quæ omni-
bus corporis affectibus se de facili unit, corpus
animò laborans aggredietur faciliùs, proster-
net liberaliùs; Plurimæ sunt animi affectio-
nes duas tamen agnoscentes scaturigines. A-
liæ enim procedunt ab appetitu concupiscibili,
quales sunt voluptas, dolor, desiderium, fu-
ga, amor, odium. Aliæ ab irascibili quales
sunt Audacia Timor, spes, desperatio & Ira.
Aliæ mixtæ ab utroque appetitu participant;
utipudor, misericordia, invidia & gloria.
Ex his in peste pessima sunt (I.) Ira affectus
nocentissimus vitæ ac sanitati hominis. Et
(II.) huic contrarius animi motus Terror, de
quibus Galenus lib. de caus. symptom. cap. 5. Ità
scribit: Est quædam ex primis & principalissi-
mis motionibus ipsa naturalis caloris intrò foras-
que dilatio, multas animi passiones sequens, siusul-
autem & spiritus & sanguis modò intrò & ad prin-
cipia feruntur ac contrahuntur, modò foras di-
stenduntur & funduntur. Et licet motus hos e-
videnter perspicere cum in alijs multis, tum in
ipsis animi perturbationibus E. G. terrore & ira.
Ille intrò ad principium spirituum & sanguinem
unà cum refrigeratione corporis superficialia sub-
ducit & contrahit; hæc verò foras agit, fundit &
calefacit.

Maximum verò animi & corporis tormen-
tum (III.) est *timor tristitia & mœror*. Quem-
admodum enim lenis & suavis lætitia spiritus
recreat, excitat, & sanguinis circulum prom-
ptum expeditum ac liberum reddit, insolens
autem & nimis effusa spiritus admodum dis-
solvit & consumit, ita timor, tristitia & mœ-
ror, quæ angores & cruciatus animi sunt, san-
guinem & spiritus à circumferentia ad cen-
trum intrò compellit & supprimit, unde tristis
facies & pallida, cutis constricta, transpiratio
remissior, pulsus exilis & lentus, appetitûs
imminutio somnus turbulentus & vires pro-
stratæ. Hôc pactô si miasma & effluvium pe-
stiferum taliter dispositum & ad sibi resisten-
dum minùs armatum inveniat corpus facilimè
idem prostermit. Proinde verè Christiano
studendum de tranquillitate animi, quæ hoc-
ce præsertim tempore in vera fide, sincera
cordis pietate & fiducia erga DEUM fundata
sit. Mens enim tranquilla summum homi-
nis in hac vita bonum, utpote in tali statu po-
sita, non tantum corpori, sed ratiocinationi
quàm utilissimè inservit.

Quæstio I. *An longævitæ SS. Patrum & E-
remicolarum diætæ frugaliiori adscribenda sit ?*

Ratio dubitandi emergit ex textu sacro Ec-
clesiastici cap. 37. v. 34. qui ita habet : *Propter*

pter crapulam multi obierunt , qui autem absti-
nens est adjiciet vitam. Nos auctoritatem Ecc-
clesiastici venerantes, statuimus longævitate
SS. Patrum & Eremitarum non soli diætæ fru-
galiori, sed magis menti & animo tranquill-
esse adscribendam. Omnia enim illa qu-
placidum, tranquillum & moderatum in spi-
ritibus animalibus excitant motum, ad vitam
sanam & longam efficiendam sunt aptissima
hoc autem præstat mens tranquilla sub mod-
rato gaudio & amore temperato ac benè ordi-
nato. Qualis enim est animus, talis spiritus
um motus, qualis spirituum motus, talis mo-
tus cordis & arteriarum, tonusque partium
& qualis partium tonus, motusque cordis &
arteriarum, talis circulatio & excrementor-
propulsio qualis circulatio & excernendorum
secretionalis sanitas. Si enim mens placida
& tranquilla est, circa motus quoque vitales
& excretorios in corpore omnia sunt pacata
tranquilla. Itaque non sinè ratione *Lucianus*
longævis annumerat Philosophos & omnes
qui ingenio & eruditione præstantes fuerunt
Ità etiam *Plutarchus* narrat, plures corpore
liquin parum firmo Philosophiæ præceptis
vitam longam consecutos. Maximè omnium
autem vitam longam vixerunt, qui delectaba-
tur studijs, & quos orationis capiebat ornatum
Speculatio enim reinovæ & magnæ aut pur-

chræ suaviter spiritus oblectat. Quid autem pulchrius, quid delectabilius, quam uti SS. Patres & Eremitæ amore Divino mentem distrahere, & de Creatore suo atque Redemptore continuo cogitare, cuius (S. Bernardo teste) memoria, dat vera cordis gaudia, & nil canitur suavius, auditur nil jucundius, nil cogitur dulcius, quam JESUS DEI Filius. Ergo non sola diæta sed plerumque mens tranquilla efficit vitam longam, sanam & summo perè morbis ipsique pesti resistentem. Non enim legimus unquam SS. Patres aut Eremitas venenò pestiferò licèt circa circum grassante, affectos: *Plura qui cupit de potentia mentis adeat doctissimam dissertationem Excellentissimi Fridericianæ Universitatis decoris Hoffmanni dissert: de animo morborum fabro.*

A fonte diætetico devenimus ad fontem Chyrurgicum ex quo tria nobis remedia pro præservatione sufficient, nempe: *venæ sectio, scarificatio, & fonticulorum excitatio.* Venæ sectio, sicuti in infectorum curatione summè noxia, ità & in præservatione minùs tuta, corpus enim debilitat & vires prostermit: quòd si tamen ob magnam plethoram aliquid de sanguine detrahendum opus foret, in parva id fiat quantitate & modica incisione facta. Quæ debilitas cum minùs metuenda sit in scarifica-

tionem, tutius scarificatio in necessitate & in corporibus consuetis administrari potest. Tutissimum & necessariissimum omnium chirurgicarum operationum est remedium fontanellarum excitatio; per quas absque omni metu omnia ea, quæ à venæ sectione aut scarificatione sperantur, per eas acquiruntur. Observationibus enim docemur eos, qui fontanellas habuerunt, peste correpti, miasma venenosum in circulantes humores se insinuasse & delitescere, mediantibus quibusdam puncturis, in fonticulis, sensere: quapropter statim assumptò sudoriferò & alexipharmacò, citissimè liberati sunt, natura per fonticulos atrium, ichorosum quendam tabum expellente. Excitantur autem in brachijs vel ut plurimum in cruribus, non unus sed plures, qui toto pestis tempore aperti servandi. Eadem ratione ulcera manantia non facillè admittunt pestem, admissam verò sub forma ichoris quàm citissimè emungunt è corpore.

Quæstio I. *An ulcera Gallica sive luis venerea præservent à Peste?*

Respondeo affirmativè, authoritate Parælib. de Peste cap. 17. in hæc verba scribentis: *Observavi enim eos peste minùs tentari, quibus cancri sunt ulcerati, quibus nares sædâ ozenâ diffluunt, lue venerea, abscessibus, & ulceribus sa-*

*dis correptos, scrophulosos, elephantiacos, lepro-
sos, scabiosos: omnes denique quibus ulcera sunt
in corpore fistulosa & fluentia.* Rationem ad-
dens: *Quodd multam congestæ cacochymiae excre-
tionem faciant.* Addimus nos ob acre acidum
fixum venereum in sanguine delitescens vene-
num, cruorem cæterósq; una circulates hu-
mores resistere veneno pestifero, sicque unum
venenum eludit alterum, & licet susceptum
intrà corpus fuerit per fœda ulcera eliminatur
denuò

*Ultimus fons ex quo pro præservatione cor-
poris humani à veneno pestifero materia re-
mediorum depromitur est fons pharmaceuticus*
quia autem in præservatione nil aliud Medicus
intendit, quàm corpus defendere à veneni in-
sultu, roborare verò & sollicitare ad motus,
excretionésque augendas, ut noxiæ superflui-
rates in corporibus retentæ tempestivè elimi-
nari valeant, si non ope naturæ saltèm ope me-
dicamenti lenientis & blandè subducentis,
non verò catharticis & electivis, in quem fi-
nem bis vel ter IV. grana de pilulis pestilen-
tial. Ruffi ad noctem exhibendæ, aut pilulæ
antipestilentiales Dimerbrok, aloëticæ aut
pil: antipestilent: Craton: aut sequens potiun-
cula laxans Barbette.



R2. *Rhabarbari elect.* Drach: j. *ß fol: senn. S.*
st. Drach: ij. *Crem: Tart: Drach: ß. vel Drach. j.*
Rad. Scorzonæ: unc. ß. sem. arnisi Drach: ß. In-
funde per noctem in aqu. C. B. manè coque ad dis-
solution. Tartar. & cola. In colatur. unc. iij. dis-
solve syrup. de cibor. cum Rhabar: Drach: VI. spi-
rit: sal. salisparum, Confect. alkerm. scrup. i. M-
F. haustus.

Qui vero adeò cacochymici non sunt & ex
 robore naturæ alvum liberam habeant, ea ra-
 liter conservanda, sed non fluida reddenda.

Præmissâ vel omissâ aut interpolatâ levii
 subductione corpus defendendum & præser-
 vandum; optimum autem ante omnia con-
 siderabile præservativum est nunquam se se je-
 junum extra domum committere, sed aliquô
 alexipharmacô & antidotô prius se præmuni-
 re. Illa verò antidota sunt vel *externa* vel *in-*
terna.

Inter præcipua interna est acetum imprimis
 alexipharmacum ex infusione *Rad: Zedoar:*
contrajervæ, cinnamom. ZZ. rad. petasitidis Scor-
zonæ, Serpentariæ flor: calendul: rosarum, &c.
 De tali & simili aceto manè jejuno stomachô,
 aut post sumptum jusculum, unum alterumve
 cochlear præservationis gratiâ assumatur, nun-
 quam enim jejunum egredi domo oportet.

Inter



Inter aceta composita sunt : acetum prophylacticum Kircheri, quod componitur ex ruta, pimpinella, betonica, nucibus juglandibus, allio & bacis juniperi quibus additur paululum camphoræ si suppetat, si veró non suppetat paululum spodiæ cervini quæ infundantur in aceto vini & digerantur 40. horarum spatiò in sole vel hypocausto. Colatum fervetur usui. Dosis cochlear unum jejunò stomachò : Miris laudibus hoc acetum extollit *cit. V. P. Kirtherus m. fol. 129.*

Item aqua sive acetum prophylacticum Sylvij & Barbette utpote longo jam usu & experientiâ comprobatum. *Ex Perillustri Spectabili & Excellentissimo omnibus titulis honorando Domino Præsidi habeo, in peste annò 1680. in Bohemia grassante solò hoc acetò & fumò tabacæ se feliciter præservasse, & in alijs effectum non minorem expertum fuisse. Compositio ejus est hæc :*

R, Rad. Angelicæ, Zedoariæ aa. unc. 1. petasitid. unc. ij, folior. rutæ hort: unc. iiij. meliss. scabios: Flor. calendul. aa. unc. ij. nuc, jugland. immatur. concis. lb. ii. pomor. citri recent. lb. j. Contundantur omnia & affundatur aceti vini optimi ex arena in cucurbita vitrea ad tres quartas partes destill. lb. XII. tum per noctem digesta

manè destillent leni cinerum igne ad siccitatem ferre specierum, cavendo tamen empyreuma & acetum prolectum servetur usui.

Vel quod simplicius est.

R̄. Baccar. juniper. vel heder. arbor. part. iv. myrrh: part. i. infunde in aceto hinc filtretur & imprægnetur cum camphora.

Hæc tamen acida ijs quorum pulmones sunt affecti minùs profunt, proinde distinctio facienda.

Post acida optima sunt sulphurea, tam vegetabilia, quàm mineralia, balsamica vi corpus defendentia. Hinc *Sulphur. commune* aut *in flores* redactum est egregium vel solum vel pani butyrato inspersum & manducatum, aut quod melius est, si aliquid addatur de *myrrha succino & camphora*. Ex quibus sit v. g. pulvis sequens præservatorius.

R̄. Flor. Sulphur Drach. ij. myrrh. elect. drach: ij. aloës drach. j. Croci drach. β. camph. scrup. j. M. F. pulv. de quo omni manè assumatur drach. β. in aceto vini simpl. vel acet. rutaceo.

Ex hoc additô Sacharô, conserva pulpæ citri

tri fieri potest bolus, sinè sacharo electuarium
additâ aliquâ aquâ in qua sachar: dissolvatur
morselli & similes formulæ pro beneplacito
patientis; aut fiant morsuli præservatorij se-
quentes;

*R̃. Conserv. pulp. citri unc. j. vel unc. j. β.
theriac. andromach. drach. ij. vel ij. terræ sigill.
C.C. sinè igne, antimon. diaphor. aa. drach. ij.
C. S. q. Sachar. in aqu. scord: solut. f. morsuli tem-
pore usûs aliquot gt. olei antipestilentialis Heini-
sij irrorandi.*

His accedit Electuarium Regis Mithrida-
tij constans ex duabus nucibus juglandibus siccis.
Ficubus totidem ratæ folijs viginti & paucis sale
simul tritis & in formam electuarij redactis.
Jacobus Sylvius libr. de peste narrat Monspe-
ssulanos se à peste præservâsse hocce remedio
simplici. Recipiebant ficum, cui per medium
dissectæ dimidiam nucem juglandem veterem
& quinque aut sex folia rutæ imposuerunt,
sicque ficum comederunt. Est autem hoc
remedium antiquissimum quod *Plinius* Mi-
thridatis Regis devicti, arcanum fuisse asserit.
Joël ex ficibus sequens Electuarium recom-
mendat:



R². *Ficuum pinguium unc. iiij nucleor. jugland. à pellicul. purgat. unc. ij. rutæ fol. virid. unc. j. H. scord. C. B. aa. unc. ij. acetipauxillum f. S. A. Electuarium.*

Horstius ex Galeno recom mendat Electuarium, quod Theriacam domesticam appellat quod sic habet :

R². *Gran. juniper. ño. xxvi. fol. rut. ño. xx. Caricar. pingv. ño. ij. nucum jugland. ex cort. & purificat. ño. iij. in aceto vini macerentur, & contundantur ad formam Electuarij. Quod avellanæ magnitudine quotidie jejuno ventriculo contra pestem sumitur.*

Potens est præservativum *Pulvis ex pipere Creta coloniensi & sale Scorpionum confectus & ad pauca grana datus ter vel quater repetitus desuper sudando.*

pauperes grana juniperi sola macerant in aceto vini & matutino tempore antequàm è domo exeant cochlear unum sumunt. Alij pisi magnitudine camphoram accendunt, immittunt vino, & ebibunt. Alij solam radicem helenij manducant, alij panem cum butyro & folijs rutæ comendunt. Alij cum fructu
Rad.

Rad. Zedoariæ masticant & deglutiunt vel salivam frequentius exspuunt. Alij *tinct. bezoard. mixtur* : *simplicem mithridatium, electuarium de ovo* & quod his præfertur *Electuar. diascord. fracaft.* in aceto assumunt & se præmuniunt. Pro Infantibus *Perill: Spec. & Excellentissimus D. D. Præses* per propriam experientiam comprobatum laudat, pulverem. *Ex bolo armena cum pauxillo rad. tormentillæ & cortic. citr. condit.* qui cibis & pulticulæ eorum in spargendus. Plura tam simplicia & composita in additionibus congescit *Dimmerbrok.* Hoc saltem est principale, quod jam frequentius monuimus non excedere jejunum domo.

Antidota interna sequuntur externa, inter quæ eminent ex camphora & aceto parata odoramenta; ea verò quæ Moschus & Zibethum ingreditur non sunt convenientia, hinc globulus ex ligno hederæ arboreæ factus aut Strophium Spiritu vini camphorato imbutum & sæpius naribus ad motum egregium est. Imò solum acetum simplex aut rutaceum aut calendulatum in hunc usum tractum optimam præstat opem. *Dimmerbrok* recommen-
dat aquam sequentem.

R2. *Aceti theriacal. vini Rhenani odoriferi,*
aqu.

aqu. rosar. aa. unc. i. camph. scrup. i. vel scrupl. iß. M.

Item *Radix angelicæ*, *ZZ. helenij Imperatoricæ*, *cortices citri* in aceto macerati, ore detenti & masticati multum præservant. *Etmüller* recommendat sequentes trochiscos sublinguales,

R̃. Sachar. cum corticib. aurantior. triti unc. 1. ad ij. myrrhæ Drach. i. camphor. scrup. i. cum mucilag. tragacanth. f. pastilli irrorandi ol. destillati succin. gt: x. ol. cort. citri gt: vij ol. angelic. & Zedoar. aa. gt. vj. usus: unus alterve pastillus ponatur sublinguam.

Si Balsamus pro illinendis temporibus, carpis manuum & præcordijs expetatur, proderit *Dimmerbrek balsamus expertus* sequens.

R̃. Theriacæ andremachi drach. 1. camph. gr. ix. ol. nucis moschat, express. axungie serpent. aa. Scrup. ij. ol. succin. ol. rut. aa. scrup, ß. ol. cinnamom. caryophyll. aa. gt. 1. ol. cort. citri gt. v. M. f. linimentum.

Aut balsamus apoplecticus cum camphora impræguetur, vel ol. Juniperi societur camphoræ vel

R̃. Ol.



R̃. Ol. destill. baccar. Juniperi drach. ij. ol. destill. angel. cortic. citr. rutæ & succini aa. drach. 1. camph, scrup. 1. M. fiat balsamus præservativus.

Ex Consilio Perillust: Spect. & Excel. DD. Præsidis, Regio cordis, labia, nares, aures & digiti manuum item & carpi manuum oleo scorpionum Mathioli in ungenda.

De amuletis in peste multi multa narrant, quæ tamen à plerisque præsertim Dimmerbrok tanquam teste oculato inutilia in praxi inventa sunt. Helmont facit distinctionem miasmatis sive gas pestiferi, quod aliud sit terrestre è terræ cavernis prodiens, cui appropriatum amuletum opponit *buffones* exsiccatos & collo appensos. Si verò sit gas æreum *araneas* exsiccatas, syndoni inclusas & collo appensas, buffonibus præfert.

Q. I. An amuleta quæcunque, salvâ conscientia pro præservatione quorumvis morborum à Medico svaderi possint?

Respondemus salvâ conscientia amuleta pro præservatione quorumvis morborum à Medico svaderi non posse, præcipuè in morbis à causa interna ortum ducentibus v. g. Quando in Erysipelate recommendatur aureus cikin



cikin dictus de collo suspensus & plura similia. Ratio nostræ decisionis est, cum in morbis internis, per amuleta, si quæ tamen verè talia dantur, causæ proruptio & effectus qui alias ab intro foras propelli solet inhibeatur, non verò causæ generatio præcaveatur, evenire facile potest, ut quod effectum suum extra corpus cum euphoria ægri fecisset & propulisset, ad intro detentum & per amuletum retropulsum, causæ internæ supperadditum, interdum eam intendit, maligniorémque reddit, & ægrum se præservare volentem interimit. In morbis verò causam externam & procathartica agnoscentibus v. g. in peste, amuleta naturalia, quamvis plurima exiguas vires emittant, vel saltèm non tantas habeant, quantas varij illis adscribunt, quia tamen aliqualiter prodesse experienciâ constat, præter naturales & defensivas quas habent vires, eâtenus quoque utilia sunt quòd multis animositatem, spem & aliqualem fiduciam, metumque ac terrorem in pestilenti constitutione maximè noxium auferant; Et hac etiam ratione in morbis alijs salvâ conscientiâ concedi possunt, si Medicus causam internam & proximam per debita medicamenta interna oppugnare non desistat. Plura qui cupit de amuletis adeat opuscula Bartholini de unicornu, lapide

pide nephritico & amuletis præcipuis. Erasti disput. de Ambuletis. Follini Amuletum Antonianum. Reichelti exercit. de ambulet. Helmont. de amulet. V. P. Kircherum. in scrut. Pest. Dimmerbrok de amulet. externis & Rajes in campo Elyseo diversar. quæstionum.

Quemadmodum Regis ad exemplum totus componitur orbis, sic in pestilentiali constitutione omnes mortem metuentes oculos admirabundi in Medicum conjiciunt, videntes, qui tot adiret peste infectos, tamen rariùs ipse læderetur. Proindè Medicus sit cordatus minimè mortem, multò minùs visitationem ægotantium & peste infectorum expavescens, nullis animi motibus succumbens, ante omnia præ oculis Deum habens, vestitu minùs poroso & plicato utatur, idque vel ex serico tenuiore, vel undulato, vel satino, vel lana camelina, vel lana bombacina, vel exco-rio tenui, vel tela cerata von gewixter Leinwand/quem etiam vestitum semper mundum teneat & indies novò utatur indufiò, prius granis juniperi perfumato. Manè factis ad Deum precibus aliquod alexipharmacum assumat, vel aquam prophylacticam Sylvij quàm superiùs ex mente Perill. Spect. & Excell. DD. Præsidis recommendavimus, vel Mythrifatium, vel diascordium Fracastorei, & alia superiùs enarrata.

Patientes adiens, radicem Zedoariæ ore gestet, & salivam indè prolectam diligenter expuat. Pulsum tangens non remoretur manum infecti diu continere & contrectare. Et pro meliori securitate suadet *Perill. Spect. & Excell. Præses* in unctionem pulpæ digitorum, qua tangitur pulsus, oleo scorpionum Mathioli. Cum patiente locuturus modicum ad partem recedat nè halitus infecti rectà ad eum tendat, interdum etiam facem ardentem præferat, fumare tabacam frequentius de die non obliviscatur, quo se *Dimmerbrok* & ex eo *Perillustis Spect. & Excell. DD. Præses* multum præservavit. In prandio vel cœna bonis & euptis utatur cibus; *vinum* non ad ebrietatem sed bene ad hilaritatem bibat, cæterum DEO commendatus & in fiducia, Christianum se esse memorando diligenter proximo inserviat. *Vid. Dimmerbrok De suo ipsius vivendi modo.* Et hæc de præservatione sufficiant.

THESIS XI.

De curatione actuali Pestis infectorum.

PRæmissa aliquali præservatione & remedijs ad eam pertinentibus, ex triplici

plici fonte desumptis , pergimus ad levamen
ferendum actui lue pestifera infectis , ipsam-
que actualem curationem , quæ tanto diffici-
lior existit , quanto minus universale adest con-
tra hanc hydram Lernæam antidotum. Ze-
nechton Paracelsi earum non est virium , ut
omni pesti sua occulta & ab authore ei appli-
cata qualitate , restitisset. Nec Sepulchre-
tum Helmontij hucusque paratum est , sed in-
dies oculatiorem & Sagaciorem expectat arti-
ficem , qui inceptum laborem fausto omine
compleret , ut quantocyus pestis adhuc in incu-
nabulis contumulari posset : sed in defectu hu-
jus pretiosissimi secreti , tam à Majoribus no-
stris viris profectò in arte peritissimis , quàm
à Modernis quantumvis sagacissimis , hætenus
semper ad *cardiaca* , quæ cor tuentur & robo-
rant , ut & ad communia venenorum alexi-
pharmaca concursus est , & cum pestis vene-
num ferè imperitcrutabile , sed jam coagula-
tiva , jam resolutiva vi & qualitate polleret ,
ut curarent Antecessores oculatissimi , formi-
dabilem hancce luem plurimorum veneno-
rum antidota , analogicè simul miscuerunt :
atque ea ratione multa egregia ad pestem in-
venta sunt remedia , etsi verum specificum &
quod totius substantiæ (ut ità dicam) suæ vi-
ribus ei adversetur , hucusque lateat.

Nos communio rem & præcipuè eorum qui
 sæpiùs Pestibus interfuerunt , sequentes me-
 thodum , statuimus curam pestis potissimùm
 consistere in legitimo usu sudoriferorum. Ac-
 cedens igitur Medicus ad infectum , invocat
 priùs Divinò Auxilio , cubacula in quibus de-
 cumbunt ægri nitida servare jubeat & prmissis
 tribus , quatuorvè diebus occlusa teneri , ut ac-
 cessus aëris frigidioris ad ægrum impediatur.
 Quòd si tamen fætor urgeret fenestra versus
 orientem aut septentrionem per horæ qua-
 drantem , semel aut bis de die aperta relinqui
 potest ità tamen ut æger benè tectus servetur:
 hoc in aditu ipso observato , statim alexiphar-
 maca & sudorifera quòd fieri potest selectio-
 ra exhibeat (sive in ipso morbi principio sive
 secunda , tertiàve die advocetur) & præpri-
 mis illa quæ camphoram continent: hæc enim
 est cuneus omnium morborum malignorum.
 Non solùm verò augenda est dosis sudorifero-
 rum , verùm etiam exhibeantur frequentius ,
 saltèm omni octidhorio , constat enim , quòd
 quantumvis visum fuerit , morbum remisisse ,
 facilè denuò recruduit , manente etiam mi-
 nimà particulâ miasmatis fermentescibilis.
 Habendus tamen semper respectus virium
 ideòque nec nimium protraheus sudor , nec
 nimium obruendus æger stragulis. Si verò
 ægri

ægri sint virium constantium, & motus sit à principio, ijs, bene stragulis coopertis copiosus per duas trésvé horas promovendus sudor, qui si difficiliùs prodiret, lagena stannea aqua calida impleta pedibus & lapis calefactus abdomini applicandus, aut secundùm *Dimmerbrok* arena calefacta sicca lineis infusa saccis pedibus, axillis & inquinibus admovenda. Aut ex mente *Ettmülleri* panis libo parvus adhuc calens inferiùs à crusta liberatus ad magnitudinem floreni, foramine modico facto, implendus *theriaca* aut *spiritu vini camphorato*, & ità ut foramen corticis denudati umbilicus subintret, abdomini apponendus.

Inter sudandum colloquijs distrahendi ægri nè obdormiant, atque pro eodem scopo sæpiùs acetum rosaceum, calendulatum, rutaceum aut aliud alexipharmacum naribus odorandum ægro offerendum. Si primùm medicamentum vomitu rejiceretur, alterum & necessitate urgente etiam tertium propinandum. Vexante verò ægros vomitu in tantùm ut remedia assumpta retinere nequeant, externè per panem calidum *theriaca* aut *spiritu vini camphorato* repletum, ægro succurendum. Absoluto sudore ægri, mappa aut alijs linteis calefactis & priùs suffumigatis cum *pulvere fumali antipestilentiali* vel *succini*, *sulphuris*

& myrrha, &c. Sub tegmine & pulvinari detergendi. Indusia verò ante diem septimum nullatenus renovare suadet *Dimmerbroek* quòd sitamen ægri nimium nausearent, induisia aliquo modo jam usurpata, induant, minime noviter lora. *Wratilavienſes* in Consilio suo Medico suadent, ut decocto absinthij induisia laventur, lavata & exsiccata ad fornacem myrrha aut pulvere pyrio aut alio antipeſtiferi ſummi ſumigantur & poſt quem viſum ſudorem novum induſium detur. *Accedit traditum Præn: & Excellentiffimi D. D. Caſſini Profefſoris honorandiſſimi in praxi manuſcripta* ſuadentis ſi poſſibile foret, etiam ſtragulorum mutationem poſt ſudorem. Cavendo tamen externè licet frigiduſculum tantum aërem. Sed à primo ſudore non levarentur ægri, finitis alia exhibitione primi ſudoriferi horis octo, alia detur, & poſt horas octo tertium. Finito ſudore ſemper languentes ægri refocillandi cordialibus acidis: hæc enim ſanguinem attenuatum & reſolutum, conſtringunt atque moderate coagulant. Talia ſunt: *Succus citri, cydoniorum, acetum bezoardicum, ſpiritus nitræ dulc. vinum acidulum, acetum theriacale cum aqua carbunculi temperatum.* Aut fiat decoctum ſequens:

℞. Decocti Citri Myns: lb. i. Syrup. rub.
idai q. S. pro grato sapore Spir: nitr. dulc.
parum. fiat Julepus & detur.

Aut ubi Sudor per salia volatilia proleſtus
& inde aliquo aliter ægri debiles facti.

℞. Decoct. CC. vel Citri Mins: lb. i. Succ
Citri vel ribium & granator: acidor aa.
unc. i. ad unc. j. β. Electuar. diascord. Fra-
cast: drach. ij. Syrup. rub. ide. drach. ij.
Spir. nitr. dulc. parum. M. detur coeble-
atim.

Aut detur mixtura sequens.

℞. Aq. Galega, Scorzon: & cord. Her-
cul. Saxon. aa. unc. i. Succ Citr. cydon: aa.
drach. VI Spir. t. theriacal. campb. drach.
iij Tinct. flor. aquileg. & flor. pœon. aa.
drach. i. β. Syrup. acetos. citr. unc. β. spi-
rit. nitr: dulc. q. S. M. detur coebleatim.

Si electuarium placet.

℞. Conserv. acetosell. vel rad. Scorzo-
nera

*neræ & pulp. citri aa. unc. j. rob. ribium
Drach. VI. Confect. alcherm. drach. j. β.
C. Syrup. acetosit. citri aut rubi idai qu. S.
F. electuarius.*

Hæc & similia acidula. Simul alexipharmaca, Sndorifera & cordialia post sudorem locum habent.

In principio quoque vomitoria nonnunquam conveniunt, præcipuè si contagium per os assumptum fuerit & nausea adsit, his tamen alexipharmaca addenda: si verò non adsit nausea, non adeò tuta sunt vomitoria, prosternunt enim potenter vires. Purgantia ante septimum diem, licet alvus esset clausa penitus proscribantur: imò neque clysteribus utendum, finitâ enim die septima & ægro convalescente una alterâve pilula *pestil. Ruffi*, aut alia specifica exhiberi poterit. Excipit *Mindererus* pestem quæ à corruptis alimentis, annonâque immediatè procedit. eoque tempore etiam à principio purgantia locum habere asserit.

Venæsectio itidem in peste periculosa, proinde nec in usum trahenda.

Quoad materiam remediorum feligendam notandum, si febris ardens pesti juncta sit, a-

mati-

romatica, theriacalia & volatilia absint, sed locò horum in usu sint antimonialia fixa & salia lixivialia, aut ex theriacalibus *Electuar. Diascord. Fracator.* in aceto sumptum: Quamquam acida nunquam omittenda, tam locò vehiculorum, quàm declinante sudore & post sudorem pro refectione, junctis blandissimis diaphoreticis propinanda.

Quod attinet remedia ipsa, hic imprimis omnia illa adhibenda, quæ malignitati resistunt, & ut dictum, faciendo distinctionem inter volatilia & fixa. (I.) *Volatilia* sunt vel *macra* seu salina ferè frigida, vel *aromatica* seu oleosa ferè amara calida. Macra sunt: Spiritus & salia volatilia urinosa ex animalibus desumpta, ut *Spirit: Sal: ammon: Spirit: & Sal volatile C. C. viperarum. Tartar. urinæ liquor. C. C. succinnat: spirit. & sal volatile succini, &c.* Item *acetum, succus citri, clyssi sulphurei*, qui tamen magis in potu sunt usitati. Oleosa volatilia sunt *camphora*, quæ omnium optima, omnia aromatica, sudorifeta, ut *Zedoaria, centaur. min. rob. baccar. juniperi & sambuci*; Item olea distillata, ut *Ol: succini, citri camphoræ. C. C. tartari, &c.* *Essentia theriacalis camphorata, & anodyna, Elixir alliatum oleum pestilentielle Heinisij* quod in præservatione exhibetur à gt. 5. ad 6. in curatione à gt. 6. ad

15. magnarum certè virium & non satis ab Authoribus dilaudatum, experienciâ verò *Perill. Spectab. Clariss. & Excell. D. D. Præsides* peste An: 1680. in Bohemia grassante abunde comprobatum. Huic accedit *Ol: pestilentielle Crollij, Elixir proprietatis Essent. Zedoar. scordij, absinthij C. B. Croci, Baccar. juniperi, cinnamomi, myrrhæ, succini, viperarum, castorei, tormentillæ, gentianæ, rutæ, vincetoxici, melissæ, &c. aceta bezoardica Zedoaria &c. Tinctura bezoardica* tanquàm optima deprædicatur. (II.) *Fixa* sunt vel mineralia vel animalia. *Mineralia* sunt sulphurea metallica cum nitro fixata in specie *antimon. diaphoret: aurum diaphoret. cinnabar: nativ: & antimon:* (quæ nobilissima) & bezoardica mineralia quælibet tam simplicia, quàm cum alijs composita in specie *Bezoardicum joviale, solare & minerale.* Item *terræ minarales sigillatæ, unicornu fossile terra solaris, corallia flor: Sulph, item nitr. & omnia nitrata nitrum perlatum antimoniat.* *Animalia* suggerunt partes duras osseas tam uistas quàm philosophicè præparatas, ut C. C. *Ebur, cum vel sinè igne. C. C. Solare uncor. verum pp. lapid: animalium Bezoardici, lapis pretios. de Goa & pulveres viperini.*

Temperara & mediæ quasi naturæ magis in febribus malignis, petechialibus & pesti-



lentibus usitata sunt : *Gelatina C. C. & semina expulsiua dicta C. B. napi , aquilegiæ , nasturtij , citri* ; quibus additis *amygdalis & diaphoretico aliquo* , quando ad excretionem cutaneam natura vergit , fiunt emulsiones valdè proficuæ.

Consideratâ materiâ remediorum volatili vel fixa jam redimus ad ordinaria alexipharmaca & cordialia ex triplici regno desumpta. Ex Regno vegetabili sunt Rad: *Galangæ , Scorzoneræ , Zedoar. gentian. altij , aristolochiæ rotundæ , angelicæ , petasitidis , imperatoricæ , succisæ , chelidoniæ majoris , valerianæ , enulæ , vincetoxici , bistortæ , leuistici , ulmaricæ , contrajervæ , anthoræ , carlinæ , dictamni , eryngij & calami aromatici. Herbæ & folia : Diptamni Cret. , galegæ. C. B. acetos: scabios. scord. nost. & cret. paridis , rutæ , veronicæ tanacet. pimpinell. scorzonera , plantaginis , abrotani , rosmarini , melissæ , morsus diaboli , verbenæ , marrubij albi acetos: borraginis , bugloss: betonicæ. artemisiæ & hederæ terrestres. Flores : quatuor Cordiales , quibus meritò addendi flores calendulæ , hyperici , salviæ , betonicæ , aquileg. & Croci. Itém stachados. rosar. balaustror. nymphaeæ & sambuci. Semina : acetosæ , cochleariæ , angelicæ , melissæ , aquilegiæ , napi , citri , C. B. coreandri & 4. frigida majori. Cortices citri & aurantium , fructus Berberis , Ribesij rubri.*

poma cydonia, citrea & ex citro pp. qualia sunt : syrup. acetosit. citri. syrup. de citro composit. & decoct. citri Mins. poma Aurantia, granata bac- cæ paridis, Juniperi & hederæ arboreæ. Succi : Omphacium. Vinum acidulum quale est Rhe- nanum, acetum vini simplex & sambucinum, calendulatum aut rosaceum, succus citri & po- mor. aurantiorum. Aromata: Nux moschata, macis, Caryophilli, cinnammom. santala omnia, lignum sassafras & Cardamomum.

Ex Regno Animali offert se imprimis Cervus totus alexipharmacus & ex eo pp. uti C. C. cum & S. igne ad drach.ß vel drach. i. spirit. C. C. à drach.ß ad drach. i. sal. volatil. C. C. à gr. V. ad scrup. i. Liquor. C. C. succin. à gt. 20. ad 30. Item vipera & indè sal volatile elicited. Et Lapides bezoardici animales.

Ex Regno Minerali potentiùs remedium vix habetur sulphure & ex eo varia pp. cinnabari- na. flores sulphur. pulvis pyrius &c. Huic suc- cedit succinum, ejusque sal volatil. Et Myrrha. Huc etiam pertinent Bolus armena, & terræ sigillatæ variæ Item: spiritus minerales acidi ut Spirit. vitriol. sulphur. per campan. nitri Dulcis. tinct. bezoardi mixtur. simplex spirit. theriacal. camphorat. à drach.ß ad drach. i. spirit, fuligi- nis urinosus à drach.ß ad drach. i.

Inter præparata Pharmaceutica eminet E- lectuar.

lectuar. diascord. Fracastor. à scrup. i. drach. i. drach. iß ad drach. ij. in aq. appropriata cum aceto bezoard. mixta assumptum. Pulvis Saxonicus ad drach.ß Pulvis pannonicus August. & Correctus franchimontij ad drach. i. etiam drach. iß. Oleum pestilentielle Heinisij & Elixir pestilentielle Crollij. Inter communiora sunt: Aquæ destillatæ: C. B. acetosæ, borraginis, scabiosæ, rosar, & cinnammom. Varij pp. pulveres & species imprimis pulveres viperini, aromat. rosat. de gemmis frigid. liberant. ocul. Cancr. &c. Salia C. B. Absinthij, scordij, rutæ, angelicæ, & prunellæ. Extracta C. B. Petasitidis, rutæ, & angelicæ. Syrup. Granatorum acidor. cydonior. acetosell. acetos. scordij & è succo citri. Olea: Succini, Juniperi, nucis moschatæ, cinnammomi, vitrioli, sulphur, baccar. lauri. Scorpionum simplex & magnum Mathioli. Conservæ flor. Anthos Melissæ, Absynthij, Rosar. flor. Calendul. borraginis, & flor. bugloss. Condita: cortices citri: Limonum & Aurantiorum. Rad. Helenij, eryngij, calami aromatici & Z. Z. in India conditi cydonia condita, myva cydon. Rob. ribesiorum rubror. berber. & accaciæ. Trochisci de viperis, de camphora, de terra sigillata. Electuarium sive Rob. Juniperinum & Sambucinum. Confectio alcherm. & de hyacinth. S. moscho. Theriaca Andromachi, Mithridatium &c.

Ex

Ex his & quàm plurimis alijs prostant formulæ apud Authores propè innumeræ, quòd si tamen ex tempore alicui libuerit aliquam concinnare compositionē probè attendendam cautelam svademus, an nempe à principio adfit febris? vel ut malunt alij causa sit resolutiva humores circulantes? & tunc ordinanda fixa & terrea. An verò sine febrē? sive à causa coagulativa & tunc volatilia fixis & terreis antepouenda. Nos saltem paucula Authorum Remedia & jam à varijs pestibus experta apponemus.

Electuarium Anti-pestilentielle Rosenkreützeri.

R̃. Rob Juniperi unc. ij. El. ct. de ovo. Mythridatij aa. unc. jß. Theriac. unc. ß. flor. sulphur. unc. iß. thuris albissimi drach. vj. myrrh drach. ij. Camphor. drach. ij. croci drach. ß. Succ Citri unc. iß. vel. c. S. q. f. Electuarium.

Dosis in præservatione drach. ss. seu quantum capit cultelli cuspis, in cura verò à scrup. iv. ad drach. iß. exhibetur in Aq. C. B. acetos. aa. unc. i. & theriac. unc. ß. M.

Electuarium Anti-pestilentielle Michaëlis.

R̃. Specier. alexiter. unc. iß. pulv. Saxon. unc. ß. theriaca optima, mitbridat. Elect.

Elect. diascord. Fracastor. vel de ovo aa. unc. 1. flor. sulphur. unc. β. ad drach. vi. campbor. drach. iijβ. olei pestilent. Crollij drach. i.β. ol. succin. & citri aa. scrup. I. adij syrup. de succo scordij q. S. f. Electuarium.

Dosis in præservatione drach. ss in Curatione à drach. i ss. ad drach. ij. Hòc ipsò multos milites à malignis & pestilentialibus febribus fuisse salvatos asserit Ettmüller.

Electuarium Anti-Pestilentiale Unzeri.

R̄. Theriaca Andromachi scrup. ij. ad drach. 1. flor. sulph. scrup. 1. campb. gr. xv. M. pro dosi in infecto.

Potio Anti-pestilentialis ejusdem.

R̄. Aq. vitæ S. Spirit. theriacal. drach. vi. ad unc. 1. Croci ad quantitatem ciceris, campbore drach. β. M.

Detur tota adulto, juveni dimidia, super bibendo haustum aquæ C. Benedicti.

Aqua Theriacalis Anti-Pestilentialis Dimmerbrok.

R̄. Ru-

R². *Ruthæ viridis, meliss. aa. lib. β. Absynthy sicci concisi ac non nihil contusi, C. B. sicc. aa. lib. ij. aq. Communis q. S. macerentur & stent. in infusione propè ignem per 10. vel 12. dies, quotidie baculo ligneo bis tēpē agitentur, postea destillentur. Ex fœcibus autem combustis una cum menstruo residuo prius exsiccatis extrahatur sal, cujus salis defectu potest simile sal compositum fieri ex sale absynthij, melissæ, Cardui B. & ruthæ aa. p. æq. simul mistis. Usus hujus aquæ.*

R². *Aquæ prædictæ unc. ij. salis dicti drach. β. ol. vitriol. gt. xij. aut xv. M. f. haustus prodosi à principio infectionis.*

Aqua Theriacalis ejusdem fortior.

R². *Rad. ostrutij, petasitidis, angelicæ, carlinæ, valerianæ aa. unc. ij. β. Enul. campan. cort. aurantior. siccator. aa. unc. iij. Herbar. scordij, absynthij aa. unc. ij. C. B. unc. iij. flor. rosar. rubrar. unc. β. flor. stæchad. drach. iij. baccar. Juniper. unc. ij. β. gra-*

granor. cardamom. minor. drach. v. Cinnamon. Elect. unc. 1. Concis. & contus. affundatur in cantharo lapideo.

Vini albi Rhenani vel Gallici tenuis lib. xxij. aq. rosar. lib. ij. Vase benè obturato stent in infusione diebus decem. Tunc addantur:

Herb. virides & recentes, concisæ & aliquantulum conquassatæ: fol. Ruthæ m. vj. tanacetum m. iij. rosmarini & pimpinellæ aa. m. iß.

Maneant adhuc simul in infusione per octo vel decem dies, quotidie baculo commovendo. Postea affunde.

Succi citri lib. ij.

Stent adhuc per tres, quatuorve dies, postea super ignem leviter ebulliant & colentur, ac in torculari fortissimè exprimantur. Colatura expressa destilletur in M. B. aut arena per alembicum vitreum. Illud quod post destillationem in fundo cucurbitæ remanet, adjectâ aquâ C. B. attenuandum & per chartam emporeticam raram colandum est, quæ colatura lento igne exsiccanda est ad extracti consistentiam, quod usui servandum. Hoc extractum magistrale vocabat Dimmerbrok. Ex fœcibus & herbis combustis interdum sal extrahi curavit.]

Usus.

R. Ex-

R. Extracti Magistralis dicti, satis absinthij aa. scrup. i. diascord. Fracastor. drach. j. aquæ theriacal. fortioris prædictæ unc. ij. ol. vitriol. gt. X. aut XIII. M. F. haustus pro dosi.

Acetum Bezoardicum ejusdem.

R. Radic. Angelic. Carlin. Petasitidiss Helenij, dictamni aa. unc. β. Zedoar. Drach. ij Herbar. C. B. scord. aa. drach. VI. Centaur. minoris ruthe aa. unc. β. Flor. Stechad. drach. ij. sem. C. B. Citri aa. drach. j. Baccar. Juniperi drach. iij. F. pulvis grossus cui affunde aceti fortissimi lb. V. vel VI. stent simul in loco radijs solaribus exposito per 14. vel plures dies, postea colentur cum forti expressione.

Eidem aceto si velis eundem pulverem adhuc semel de novo infundere poteris tuncque erit multò efficacius.

Ufus.

R. Terra Sigill. scrup. ij. trochiscor. do viperis scrup. i. β. aceti Bezoardici præscripti



scripti & aq. Theriacalis fortioris aa. unc. i,
M. F. haustus pro dosi.

Pulvis Anglicus Anti-pestilentialis.

R² Margarit. pp. ocul. canc. corall. rub.
pp. succin. abbi. pp. C. C.usti lapid. bezoard.
aa. unc. ss. pulv. ex apicibus nigris chela-
rum cancrorum ad pondus omnium. M. F.
S. A. Pulvis Ex eodem pulvere cum gelatina
viperarum fiant globuli in umbra sensim sic-
candi.

Ufus.

R² Terra sigillat: pulv. anglici aa. scrup.
j. M. pro dosi.

Pulvis Alexipharmacus Sorbeit:

R² Flor. Sulphuris, Myrrha rubr. nitri
aa. Unc. j. camphora drach. ij. M. F. pulvis.
Dosis à Drach. i. ad ij.

Sorbeit testatur hoc pulvere multos cente-
 nos à peste anno 1679. Wiennæ grassante, vin-
 dicasse, imperato post sumptum pulverem su-
 dore.

Pulvis Alexipharmacus ab Excellentissimo Domino Professore Cassinis de Bugella, in Praxi M. S. laudatus.

R̄. Antimon. diaphor. flor. Sulphur. simpl. aa. drach. β. sal. volat. viperar. scrup. β. camph. gr. xij. sacchar alb. drach. i. M. F. pulvis dividatur in tres partes equales.

Potiuncula alexipharmaca Barbette.

R̄. Aquæ C. B. Prophylact. Sylvij sive Nostræ, Syrupi Berber. aa. unc. i. Diascord. Fracastor. Scrupul. IV. Sal prunell. scrupul. i. absinth. scrup. β. M. F. haustus pro dosi.

Alia ejusdem.

R̄. Aqu: prophylact. nost. unc. j. Julap. rosac. unc. β. antimon. diaphor. Scrupul. i. sal scord. rutæ aa. scrup. β. aqu. fumar. q. S. M. F. haustus.

Potiones hæcce probatissimas invenit Barbette in crudelissima peste Amstelodamensi.

Vehicu-

Vehicula talium medicamentorum & remedium *Anti-pestilentialium* sunt aquæ destillatæ ex suprâ recensitis alexipharmacis herbis, acetô tam simplici, quàm rubi idæi sambucinô, rutaceô, flor. tunicæ, scordij aut compositis theriacalibus imprægnatæ.

Plura coacervavit *Dimmerbroek*, apud quem lib. 3. cap. 5. in additionibus, videri possunt. Nos attactô fonte Chyrurgico & exhausto ferè fonte Pharmaceutico conferimus tertium, nempe fontem Diæteteticum delibandum. Primum omnium occurrit.

Aër, qui per suffumigia varia *Thesi VIII.* enarrata diligentissimè alterandus: Et si facultates ægri ferant in eo cubili in quo correptus fuit, nè maneat, sed ad aliud se transportet quantocyùs. Quoad

Cibum & potum: Quamvis sit morbus acutissimus, tenuissimo tamen victu non erit utendum, nè natura præmaturè succumbat, sed ad vires recuperandas, roboranda erit, exceptis duabus vel tribus primis diebus, in quibus ob copiam cibi ingesti non erit in opere propulsivo natura interturbanda, imò oneraretur potius quàm ut roboraretur. Secuturis verò diebus modicum plùs concedi potest, non ad semel, sed frequentius, bis, ter, quaterve intra diem, juscula consummata, & gelatinæ

cum viperis factæ, item ova sorbilia cum modico croco, aliâque facilis digestionis & optimæ notæ edulia offerri poterunt frequentius, ut citò deperditum robur acquirat æger, Quia enim longo tempore extenuata sunt corpora (inquit Hipp. 2. aph. 7.) lentè reficere oportet, quod verò breviter, citò. Dimmerbrok & ex eo Phyllisici Wratislavienses in Consilio suo de anno 1680. Sequentem recommendant Gelatinam:

℞. Gallinam aut pullum Gallinaceum carnosum, vel caponem juvenem, abjectis interaneis bene mundatum, & cum aceto rosaceo vel sambucino lotum, commiscindatur unâ cum ossibus in minutas partes, & imponatur cantbaro lapideo vitreato. angustioris orificij, addendo carnis vitulinae musculoſæ similiter concisa lb. j. subindè quoque perdicem, aut phasianum juniorem, aut alaudas aliquot addi jubet pomum citrinum (si parva fuerint sumenda duo) in particulas unâ cum cortice commiscum, conserva rosar: rubr. unc. ij. cinamom. elect. & in frusta concisi drach. ij. vel iij. Vini Rhenani unc. V. vel VI. his immixtis, cantbaro exactissimè firmò operculum obtine

obtureretur & coquatur in balneo, sex septemve horis: Deinde totum effundatur super mappam mundam, ex eoque omnis succus fortiter extorquendo exprimatur, à quo supernatans pinguedo auferenda, & quod residuum est in cella refrigeretur & coëat in gelatinam.

Hujus glatinæ sæpiùs de die. vel 2. cochlearia in jusculo caponis aut alio melioris notæ, ad ignem dissolve & exhibe. Poterit etiam frequentius panatellis bonis vesci & frustulum panis calentis aut frigidi in vino, pauperibus in aceto intinctum, naribus applicari. Hoc insuper in cibis exhibendis animadvertendum nè medicinam redoleant, & locò oblectamenti, refectionisque nauseam ægro creent.

Potus ordinarius quamvis hîc usitator sit cerevisia alba, quia verò eadem plùs mali, quàm boni præstare potest & naturam magis impedire, quàm adjuvare: eâ propter patientibus potiùs aliqua aqua decocta suadenda; quòd si tamen à potu cerevisiæ abstinere animus non esset, tunc recipiendæ duæ partes cerevisiæ secundariæ & pars una vini aciduli, quibus ad mensuram i.ß. vel ad hujatis Pragensis pintæ tres quartarios addatur pomum citri in taleo-

las dissectum. Inde emergit potus suavissimus
& convenientissimus. Si à vino aliquid per
horrescendum foret, potest vinum aquâ scor
zonera aut borraginis prius dilui. Huic po
tui ut fiat magis appropriatus pro lubitu addi
poterit Gelatina C. C. cum vipera facta ab uno
i. ad unc. ij. Alijs decoctum hordei simplex cum
radice acetos: sylvestris & scorzonera factum da
ri poterit. Alijs aqua simplex fontana acidulata
cum spiritu sulphuris per campanam. Alijs tim
ctura rosarum acidulata & dilutior concedi po
ter. Vel Julepus sequens:

R̃. Pomorum citr: Nò. iij. discindam
tur in taleolas, taleola conspergantur sa
charo albo, hinc coq. in S. q. aq. simplicis
colatura lib. IV. adde Succu citri recentis
unc. iij. flor. rosar. rubr. & papav. errant
aa. m. j. Spirit. salis dulcis parum, stent in
loco tepidulo in infusione ad extractionem
tincturae, colatura detur. Si pro potu ordi
nario inservire debeat diluatur aqua
fontana, aut scordij, scorzonera C. Lb
&c.

Qui vino assueti sunt, ijs potiùs in forma
brodij (zur kalten Schalen.) cui frustula

cortic. citri, ciunammomi, sachari & aliqua alexiteria, cum quarta parte cerevisiæ concedi poterit, quā ut pro potu detur ordinario. Potus sulphuratus Helmontij est valde ingratus, quamvis efficax. Pro coronide de potu notandum: quorum potus sunt cum vino, moderatus eorum usus concedendus, & si sitis urgeat, potius per frustulum citri linguæ impositum, aut cum pauxillo pulpæ tamarindorum fallenda. Alij potus poterunt frequentius, non tamen actu frigidi nec in excessiva dosi, concedi. Si lingua arida fuerit foliorum sedi majoris pellicula exterior detracta, & aquæ rosarum aut simplici fontanæ immergatur, & frequentius linguæ apponatur. Si nimis arida esset, frustum lardi non saliti imponatur linguæ & sæpius aqua simplici aut serô lactis acidulô os eluatur. Acetum (pro collutione oris) aquæ addendum non erit, cum acetum linguam aridiorem reddat.

Somnus & Vigiliæ ita commoderatæ sint, ut vigiliæ præ somno approbentur: somnus enim tam naturæ, quàm medicamentorum motum excretorium versùs peripheriam corporis impedit, proinde in uno continuo 3. vel 4. horis nunquam est concedendus somnus, præcipuè verò ab eodem arcendus ager ante- & in ipso sudore. Itèm quando natura occupata est in

bubonibus , anthracibus aut petechijs protrudendis. In declinatione morbi ad libitum somnus concedi poterit ; sicut & emaciatissimum exhaustarum ægrotis & senibus modicum plùs quàm phlegmaticis & juvenibus indulgeri poterit.

Quies præ motu eligenda.

Excreta non adeò curanda : nil enim interest licèt alvus sit clausa etiam septem diebus , antè diem septimum , uti jam aliquid in prophylaxi præmonitum , nil movendum ; imò ut recidiva præcaveatur ante dies 14. vix laxativum tuto exhibetur.

Animi pathemata tristitia , uti est terror quantum licet abigenda , sed bonæ mentis ægrum esse persuadeat Medicus : Non tamen obliviscendum , cùm morbus sit periculosissimus adstantes admovere de cura animæ ægrotantis.

Quæstio An in cura pestis opiata , papaverina &c. convenient ?

Ratio dubitandi. (I.) Summa ratio curationis consistit in legitimo sudoris regimine ejusque provocatione copiosiori ; sed opium non est sudoris provocativum ergo. Minor probatur : opium est anodynum , soporiferum coagulativum spiritûs , sed anodyna , soporifera & spirituum coagulativa non pellunt sudorem ,

rem ,



rem, ergo. (II.) *Ratio dub:* est ratione causæ pestis, quod pestis vel à coagulatione, vel resolutione procedat, ad neutram harum causarum debellendam facit opium. Ergo. Probatnr non ad resolutionem, quia (*ut de operatione opij eleganter Doctissimus Wedelius in opiologia sua discurret*) ejus operatio dependet à fermento summè irradiativo, quod in primis vijs resolutum immediate corpus quasi irradiat & spiritus figit; jam positò tali fermentò in opio, illud ab acredine veneni pestilentialis, non solum citius resolvebitur sed & magis exaltabitur. Ergo nullatenus opiata, sicut nec papaverina, quæ earundem sunt virtutum, conducunt in peste. Ad primam dubitandi rationem *Respon: Concessa maj. distingo minorem*, opium non est sudoris provocativum *primarium*, concedo *minor:* non est sudoris provocativum *secundarium* nego *minorem*. Pro hujus distinctionis meliori intelligentia.

Sciendum I. Ut sudor debite fluat duo consideranda esse ratione subjecti. (I.) *Certus sanguinis & feri, utpotè sudoris materiæ, status.* (II.) *Partium per quas fit excretio. certa & determinata cutis ejusque pororum conditio.* Quoad sanguinem & serum requiritur, ut talis sit eorum status, nè condensatus nimium, nec nimis rarefactus existat, adeoque in æquabili

miftura feu textura ac cōfiftentia fit cōftitutus. In cōdēfato enim fanguine requiruntur fudorifera potentiora, volatilia & magis rarefacientia, refpectu peftis, refpectu morborum v. g. chronicorum, ubi equidem maffa circulans cōdēfata & fpiffa eft, potentiora non adeò locum habent fed ordinaria repetitis verò vicibus exhibita. In refoluto verdò nimis eodem, magis per medicamenta refolutus fanguis ita cum fero cōmifcetur invicem ut nulla fpecialis fecretio fieri poffit. Hac ratione evenire folet in Peftē, quæ plerùmque à caufa refolutiva eft, non tamen femper, quod ex potentiffimis fudoriferis nè gutta fudoris, in faufto omine, prodeat. Quapropter Præfici, pro fanguinis & feri aliquali modificatione fudorifera cum acetis propinant, & cum effectu fauftiffimo. *Partium cōditio* per quam fit excretio, in eo cōfiftit ut non tantùm glandulæ miliares apertæ & officio tranfcolatorio aptæ exiftant; fed etiam ut fibræ imprimis nervæ debitum habeant tonum: Hoc eft nec laxæ nimis nec nimis ftrictæ fint. Si nimis laxæ & in tono refolutæ fint, non folum fudoris materiam fed ipfe fuccus & ros nutritius pro partium folidarum nutritione hinc inde appofitus effluit & fudorem indè plus minùs glutinofum cōftituit, qualis v. g. in fyncopizantibus

bus observatur. Nec tamen *strictæ* nimis esse debent fibræ, nè occlusis hinc poris intercutaneis, quævis sudoris supprimatur excretio. Id, quod non rarum est in peste, febribus maligni, petechialibus, &c. In quibus spiritibus animalibus, à pestifero & maligno fermento afflicti, striguntur fibræ, & clauduntur pori: Et hinc inquietudo & vigiliæ pertinaces ægros affligentes etiam procedunt.

Sciendum II. Respectu remediorum alia sunt (1) *Primaria* quæ oleosum acidum Massæ circulantis, plus minus temperare, atque ita texturam inde natam vi alcalina dissolvere valent, adeoque hæc massam circulantem per sudorem purificandam respiciunt. Atque hæc sunt aut *Positive talia*, quæ sunt substantiæ plus minus volatilis, ad ipsam Massam circulantem & alias corporis regiones penetrantis, quæ ipsa positivè agunt in humores circulantès eorúmque texturam attenuant & resolvunt; talia sunt omnia salia volatilia urinosa & salia fixa herbarum. Aut sunt *Privative* sudorifera, quæ primas vias non egrediuntur, sed in primis vijs operandi vim suam exerunt, quatenus acidum ibidem stabulans tam naturale imminuunt, quam præter naturale vitiosum in specie infringunt, imbibunt & alterant, occasione cuius aliàs vel irritando præcor.

cordia fibræ intercutaneæ stringuntur, velle
 massa sanguinea turbatur, quo minùs possit
 subsequi sudor. (2.) *secundaria* quæ respec-
 tu fibrarum & pororum intercutaneorum,
 qualitercùnque affectorum, dicuntur sudo-
 rífera, quæ tamen sudorífera ex se non sunt,
 sed quatenùs hisce partibus, sudoris proven-
 tum inhibentibus medentur, atque in statum
 talem reducunt, ut sudor facili negotio fluere
 possit. Hoc respectu opiata & papaverinæ
 sunt diaphoretica, non ex se & primario &
 positivè talia, sed in quantum vi anodynâ
 spasmum & contracturam fibrarum intercu-
 tanearum partium relaxant, sudorisque flu-
 xum promovent. Hinc in peste aliisque fe-
 bribus malignis opium est nobile sudorífe-
 rum, ut & Theriacæ & Mithridatij compo-
 sitiones ceu unum ex primarijs ingrediatur,
 quatenùs & irritationem molestam, à fermento
 maligno productam, quocunque in loco
 sistit, & spirituum impetum sopit & hinc fi-
 brarum cutanearum stricturam, indèque na-
 tam pororum occlusionem, solvit, ut sudor
 negotio faciliori fluere possit.

Ad secundam dubitandi rationem. *Resp.* dis-
 tinguendo: non conveniunt opiata in Peste
 per se sola *con.* sudoríferis & alexipharmacis
 combinata aut plane intimè confermentata



v. g. in Mithridatio & Theriaca nego. Ergo non convenient in Peste, similiter distinguo.

THESIS XII.

De symptomatum Pestem comitari solitorum curatione.

Non contenta viribus suis dira hæc & omnium perniciosissima lues, quibus mortalium prosterneret corpora, alios adhuc sibi morbos adscivit in socios, aut ut ea ipsa debellata & aliquantulum subjugata ope sociorum in consortium adscitorum à lucta secum habita fessi ægri, ante virium reparationem, sternerentur. Inter hæc porro symptomata, quæ pestis agminatim secum solum in vehere alia sunt *Interna*, alia *Externa*. Inter symptomata *Interna* sunt.

I. *Cephalalgia*, *vigilia* & *deliria* quæ symptomata ablata causa principali etiam auferuntur. Proinde si dolor sit per consensum primarum viarum, vomitoriò, in principio constantibus viribus datò præcavetur, & in progressu Clysmate levatur, quam quam exhibitis sudoriferis & antidotis hinc paulatim sua spon-

spontè evanescat ; si quid tamen agendum foret solum topicis & anodynis tractandus erit æger, v.g. inunctionibus ex oleo papaveris expresso, unguentô alabastrinô, & populeo cum pauxillo olei nucis moschatae croci & camphoræ. Exemplo sit unguentum familiare Mindereri.

Rx. Unguent. de alabastro unc. iß. ung. populei unc. ß. camph. gr. vi. vel vij. aceti sambucini modicum.

Ufus.

Obducatur duplex pannus hâc linimentô & fronti ac temporibus imponatur.

Dimmerbrok in usu fuit sequens.

Rx. Conserv: rosar: rubr: ung: alabastr: populei aa. drach: iij. olei nucis moschatae express: scrup: iß. croci scrup: ß. vel scrup: i. M.

Ufus.

Excipiantur stupa & applicentur temporibus & fronti.

Aut :

Aut:

R. Nucl: persicorum drab: iij. sem. papav: alb: drach: j. cum aqua flor: sambuci aut verbenæ aut solani f. Emulsio frontis & temporibus applicanda.

Pauperes placentam rosaceam, aquâ propriâ madefactam aut pampini folia imponunt. Pedū verò plantis raphani dissecti in laminas, sale conspersas, aut anagallidis recentis folia addito sale & aceto modicè contundunt, aut argillam aceto subactam alligant, sicque in peste cum febre & dolore capitis conjuncta sibi mederi consueverunt.

II. *Vigilia* dolori capitis conjungi, vel saltem succedere solent, quamvis sub earum perseveratione vires fatiscant, ante morbi diem tamen quintam vel sextam nihil tentandum, cum in morbi hujus principio vigilare magis quam dormire expediat. Si tamen ob nimiam urgentiam aliquid agendum foret, somnus leviter alliciendus, ac modicus (in progressu morbi, ut jam dictum) sopor procurandus erit inunctionibus jam memoratis. His etiam, præter dicta, applicari interdum poterit frontale ex floribus papaveris erratici

con-



conquassatis & aquâ lactucæ conspersis. Item *medulla crurum vitulli* recens, temporibus illita somnum blandè conciliat. Sicut & pedilavia ex *violaria . nymphaea fol. salicis , pampini, flor. chamomillæ simp. & Roman. ac meliloti & capitibus aliquot papaveris cum semine*. Quorum usus vespertino tempore ad semi horulam iniri poterit. Internè quæcûnque exhiberi solent uti sunt Emulsiones & quædam opiata infida sunt, quapropter potiùs omit-
tenda. *Vid: Barbette & Dimmerbrok.*

III. Capitis dolorem ac vigilias comitari non rarò solent *deliria* quæ ferè iisdem, jam enarratis compescuntur, præter hæc poterunt viva animalia capiti derafo apponi, & sicut in dolore capitis potentiori, ita & hic in brachijs aut crurum parte domestica vesicatoria excitari & cum fructu *foliò brassicæ* in fluxu confervari poterunt; quia verò hæc symptomata communiter oriuntur, ubi pestis à resolutione est, & comitem habet febrem ex se medicamenta volatilia prohibentur, sed potiùs alexipharmacis temperatis & fixis utendum, addidit sudorem proliciendum, cujus debitus proven-
tus per se dicta mala evanescere per sæpe facit.

IV. *Somnus nimius seu sopor* interdum Pestem correptos affligit. Hinc statim à *mithrida-*

tij, theriacæ, Elect. diascordij, aliorúmque opium continentium usu desistendum. Potiús ijs utendum quæ somno adversantur, qualia sunt aceca alexipharmaca, castoreata, mixtura simplex, &c. Externe si in ipso morbi principio ad somnum nimis proclives essent ægri, quantum possibile ab eo arcendi, usque dum alexipharmacô assumptô prius bene sudâssent; Quapropter adstantes, patienti, frequenter naribus spongiam aut strophium alexipharmacô acetô castoreô imprægnatô madidum, naribus obijciant, cum eo colloquantur & confabulentur; Si verò similibus somnolentia non cedat, sed quasi lethargici evadant ægri, vesicatoria cervici item carpis & malleolis applicata profunt.

V. *Si hæmorrhagia narium molesta sit, attendendum, num delirium aut gravis capitis dolor vel simile quid caput occupet, cui in alijs morbis non pestilentialibus, hæmorrhagia salutem ferre queat, & tunc si corpus plethoricum est, ac ætas, & prægressa victûs ratio id suaserint, aliquantulum sanguinis v. s. emitti poterit, adhibita diligenti animadversione num æger ab hoc jam dicto stillicidio sanguinis circa symptomata aliqua sublevetur, quod si fiat, bonum est, sin minùs hæmorrhagia sistenda*

stenda & sanguinis ebullitio cohibenda, internè per varios pulveres ex terra sigillata, lapide hematite, corall: bezoardico minerali, antimonio diaphoretico & ex his ppto. eleganti pulvere stegnatissimo Guttmanni, aut mixturis varijs Ex aqua papaverat: cum syrupo de portulaca & papaverat: re item succo cydoniorum, ribium berberorum &c. Excerne per varia Epithemata ex aceto cum creta, bolo vel argilla fronti & nuchae applicata. Plurimum præstat buffo sub axillis ligatus, aut manu detentus donec incalcescat.

VI. *Sitis nimia sedatur nitrò antimoniatum in potu soluto. Item sero lactis depurato & succo citri acidulato. Aut aquâ fontanâ puro oleo vel spirit: vitrioli acidulata. Item decoctum citri Minficht. Satiùs faciunt, qui scilicet tim potius fallere quàm adimplere nōrunt. Fallitur verò sitis per pulpam tamarindorum ore detentam, aut cerasa acida sole tosta, lingua hinc inde ore volutata, vel Ribes aut Berberorum uvule sacharò conditæ, aut morsetur ex earundem succo parati & masticati, immo Sachari candi violacei, oleo vitrioli, oleo antipilestientiali Heinisij & modica aquâ rosaceâ peruratur. Et, rursusque exsiccati, particula ore detentur & colliquata, ac subinde decoctum hordei vel avenæ*

avenæ cum modico aceto, aut gelatinam aliquam subacidam, assume te utile erit.


VII. *Cardialgia & vomitus* levantur sale absinthij conservâ menthæ, rosarum extracto tormentillæ, &c. vel

R₂. *Aqu. menthæ prophylact.* Barbette aa. unc. i. β. *aqu. cinnamon:* unc. β. *confection. de Hyacintho* drach. i. *sal. corall.* scrup. i. *syrup. myrtini* unc. β. M. F. Potio detur cochleatim, externe regio ventriculi illinatur oleo sequenti.

R₂. *Ol. nucist. express.* drach. i. β. *ol. macis destill.* drach. β. *ol. absynth.* drach. i. M.

Dimerbrok miracula asserit fecisse sequentibus.

R₂ *Conserv. rosar. rubrar.* unc. i. β. *Diascord. Fracastorei* Drach. iiij. *vel.* iiij. *aqu. theriacalis fortioris* unc. iiij. *succi limon:* recentis, *aquæ cinnamon.* aa. unc. i. M. simul et stent per horam unam aut alteram, dein per linteum colentur, Colatura adde Confectionis de Hyacintho Drach.



*i. misce. Usus. De hac mixtura detur
sepius cochlear unum de die.*

Secundum est ejusdem linimentum se-
quens.

*R. Oleum nucis moschat. express. oil
scorpion. vel laurini, theriaca andromachb
aa. Drach. i. oleum juniperi scrup. β. suc-
cin. scrup. i. caryophyllor. & cinnamom
gt. iij. M. F. linimentum.*

Hujus linimenti parum in cochleari tepesce-
tum scrobiculo cordis seu regioni stomachi
locisque circumvicinis ad latitudinem palmae
manus inungebatur, idque bis terve de die, su-
perponendo pastam ad ignem calefactam.

*R. Rad. Calam. aromat. nucis mor-
schatae aa. drach. i. Caryophyllor. benzoin
aa. Drach. β. fol. menth. Drach. ij. subtili-
ter pulveri satis adde micae panis secalini
unc. iij. vel IV. aceti rosacei q. s. F. pasta
molliuscula quae in linteo extendatur; at-
que ita ad ignem calefiat & ventriculi re-
gioni imponatur. Plura etiam habet Bar-
bette.*

VIII. *Alvi fluxus* utpote symptoma ægris periculofum & *tormina abdominis*, quàm primum accedunt, oppugnanda : quæ duo symptomata levant in specie *electuarium Diaſcordij Fracaſtor.* à *Drach. i. ad Drach. ij.* in aceto prophylactico aſſumptum. Item *essentia theriacalis* à *gt. XXX. ad XL.* Item *extract. theriacal.* à *gr. ij. ad iv.* Aliâque anodyna & opiata, quibus adduntur abſorbentia, nempe *C. C. uſtum bolus armena, terra ſigillata, cryſtall: pp. cum conſerva roſar: antiquar: aut aqua menthæ propinata.* Denique cydoniata omnia valde ſunt proficua.

IX. *Sudores nimij* corpus in atrophiam deducenſes compeſcuntur emulſionibus temperatis & abſorbentibus mitioribus corallinis interdum martialibus & vegetabilibus aromaticis atque amaris v. g. abſinthio junctis, feliciter curantur

X. *Urinæ ſuppreſſio*, quæ ſæpius à veſicatorijs applicatis ortum ducit, ea erunt ante omnia amovenda, hinc regio pubis ſequenti inungenda unguento.

R̄. *Unguent. de althea. unc. ſ. ol. ſcorpion. ſimpl. drach. i. M. F. liminent: quo pubis inuugenda ſæpiùs,*

Aut Radices petrosellini cum herba & butyro non salito ad formam linimenti contundantur in mortario lapideo & inter duplicatum linteamum repositæ, apponantur publi.

XI. Syncope, cordis palpitatio & anxietas dissipantur per odorifera & spiritus excitantia externa. Qualis est nodulus expertus Dimmerbrok. Qui sic habet:

Rec. Cortic. citri Drach. iiij. Cinnamom. Caryophyllor. granor. cardamom. minor. aa Drach. i. macis scrup. ij. contundantur aliquantulum & fiat nodulus, sequenti liquori immergendus.

Rec. Aqu. rosar. vini Rhen. generosi, aceti Sambucini vel aqu. cinnamom. aa unc. I. M. Huic liquori sæpius immittatur nodulus præscriptus & naribus odorandus offeratur.

Internè exhibentur cordialia uti sunt: Confectio alchermes item castoreata, spirit: Carminativus de tribus liquor C.C. succin: pro pauperibus solus spiritus C.C. ad gt. XXX: vel XL. Item spiritus sal. armon. succinnat, anisatus. &c. Si hæc symptomata ex cruditatibus ventriculi originem trahant, absorbentia vel sola volatilibus sociata proderint.

XII. Ad anginam & incipientem oris nigre-

di-

dinem gargarismus ex prunella, salvia, fl: rhæados scodio, cum rosis rubris in aqua hordei decoctis, paratus, additô nitrô, sale ammoniac. aa. cum syr. papav. rhæados & diamoron, rob nucum & melle rosar. confert. Externè collo applicari poterit calidè sacculus ex Croca & flor. sambuci spirit. sal. ammoniaci irrotatus. Item cataplasma ex pulvere malvæ bis malvæ, althææ, melitoti, chamomillæ, nec non ex nido hyrundinum ac radicibus liliorum alborum cum farina seminis lini aut fœnu græci incocta, unguento de cynoglossa ol. amygdalar. violarum: chamæmelino ac de scorpionibus. Pauci hoc symptomate obruti, evadunt, proinde summâ diligentîâ ac attentione opus est.

Quòd si materia morbifica non discuteretur, sed abscessu procurato tumor ad intrâ ruptus fuerit, & pus putridum in ventriculum defluerit *Syrupo de succo scordij, C, B.* ac alijs sub amaris & putredini resistantibus & emendantibus, inde secutura mala præcaveantur. Donec occasio affulgeat qua sanus aliquò *Mannato* vel *Rhebarbarino* leviter educi & elui queat.

XIII. *Tremori & membrorum tensioni* frequentius abortæ, vesicatoria in carpis & femoribus parte domestica applicata prosunt, vesicæ excitatæ citò aperiendæ & diu apertæ servendæ.

XIV. *Maculæ petechiales & vibices* apparentes diligentem & sedulam sudoriferorum continuationem indicant; quibus interdum *myrrhata & castoreata* cum salibus volatilibus addenda. Et ut feliciori negotio maculæ prodeant externè corpus quotidie fricetur sacculo sale communi vel sale petræ repleto & in sartagine calefacto. Item eundem in scopum cucurbitulæ non sacrificatæ per corpus ducendæ per dorsum, brachia & crura; cavendo omne aëris ambientis frigus. Alij recommendant, & experientijs comprobant inunctionem pectoris, & scapularum oleô magnô scorpionû Mathioli, eo tempore, quo sudorifera exhibentur. Hæc de symptomatibus plerûmq; internis & comuniûs sub Medici officiû cadentibus dicta sufficiunt. Superest ut de symptomatibus externis ijs dicamus, quorum curatio quamvis plus ad chyrurgos quam Medicos pertineat, communissimè tamẽ pestẽ concomitentur, & sunt *bubones* atque *carbunculi* sive *anthraces*.

I. De Bubonibus.

BUbo Ger: ein Schlier=oder Pestilenz=Beyle / Boh: Mornj Baule neb Blizä. Est tumor adenum seu glandularum in iniquibus utrobique sitarum.

Bubonis jam dicti nomen sibi quoque vendicâ

dicârunt tumores ij , qui sub axillis & collo emergunt , quanquàm posteriores sub nomine parotidum veniant.

In inguinibus tripliciter bubo oriri solet vel *simplex* , qui in pueris adolescentibus, dum crescunt sæpiùs evenit & solent vocare die *Wachßdrüsssen* ; aut qui harum partium simplici inflammationi succedit , aut ex affectis alijs partibus per metastasim oritur, Vel *venerens* qui originem trahit ex concubitu cum muliere infecta. Vel est *malignus* , qui solet jungi febribus malignis & sporadicè affligit. Vel *Pestilens* qui pestis est comes & epidemicè uti pestis ipsa grassatur. Hic de Bubone pestilentiali ut pestis symptomate tractabimus.

In causa Bubonum tam in genere quàm in specie Bubonum pestilentialium *præsupponere* oportet omnes adenas sive glandulas esse organa excretioni alicujus humoris destinata, inter hæc autem alia humorem recipiunt , segregant & excernunt naturæ utilem ut pancreas. Aliæ inutilem, uti glandulæ inguinales & axillares & omnes miliares serosi humoris copiã , aut per insensibilẽ transpirationẽ aut sudorẽ sensibilẽ dissipandã & excernendã. *Præsupponendum* (2.) *Glandulas* utpote texturæ mollioris & rarioris humoris serosi copiã admittere & recipere. *Præsupponendum* (3.) *glandulas* præcipue inguinales & axillares ef-

se communia naturæ emunctoria, hinc in nullo alia parte plùs sudamus quam sub axillis & in inguinibus. His præsuppositis dico quodcùnque aliquid heterogenei & naturæ adversi humoribus circulantibus admiscetur, & per medicamenta non dispellitur, aut insensibiliter aut sensibiliter per sudorem, natura volens se à malo exonerare materiam morbificam ad colatoria & communiora emunctoria præcipitat & amandat. Hæc materia in glandulas deposita à seroso & acido glandularum humore, eam coagulat, & tumorem excitat qui *bubonis* nomine venit. Nunc materiam benignam nunc malignam in sinu gerens, quod buboni est per accidens.


Signa Diagnostica vel potius distinctiva bubonum sunt quòd simplex *primi generis* pueris & Juvenibus in annis accretionis oboriatur sine dolore & incommoditate omni, à puritate & superabundanti hujus ætatis humiditate ortum ducens, & accrescente ætate natura à vapido superfluo se liberante disparens. *Secundi generis* sequitur febrim & hinc depurationem aliquam sanguinis. *Simplex tertij generis* seu per metastasim sequitur alicujus partis internæ inflammationem. *Bubo venereus* habet juncta symptomata luis venereæ, præcipuè ad noctem dolorem capitis & membrorum

lassi-

lassitudinem. *Bubo malignus* sparsim cum febre maligna, *Pestilens* verò epidemicè grassatur sæviente ipsa populariter peste, & ægri conqueruntur de tumore, & dolore pulsante, æstuante, instar ferri candentis in adenum loca infixi, eos mirum excruciante: Hinc apparet color ex albo in rubicundiolem, dein splendens, imò sæpè in lividum, nigrum, fuscum, viridem vel cæruleum desinente, cum magna virium & ægrorum prostratione.

Quoad Prognosim Bubones maligni & pestilenciales ferè semper sunt lethales. Bubones circulum iridis instar habentes aut si lividi vel nigri fuerint, præ alijs mortis sunt nuntij. Pessimi ominis sunt bubones, qui comparentes derepentè iterum disparent. Item mali si vesicatoria apposita inter octo vel decem horas nullas excitent vesicas. Periculosiores qui in collo, quàm qui sub axillis, & hi inguinalibus perniciosiores esse consueverunt. Quò viribus ægri magis constant, eò plùs spei promittunt, fractæ verò vires, habitus delicatus, & ætas infantilis, aut juvenilis impuritatibus scatens peiores bubones habere solet.

Totius curationis bubonum pestilentialium cardo versatur præter diligentem continu-



tinuationem & exhibitionem internè sudoriferorum , alexipharmacorumque.

I. In debita applicatione statim à principio eruptionis , remediorum attractivorum , seu quæ venenum eliciunt.

II. In remediorum maturativorum usu , quæ tumorem ad suppurationem deducunt.

III. In tumoris apertione &

IV. Ulceris mortificatione , ejúsque sensim factâ consolidatione.

Pro primo scopo sunt venenum elicentia attractiva dicta, inter quæ eminent *cepa* sub cineribus coctæ, & cum *sinapi albo* pulverisato mistæ, buboni applicatæ: Locò *sinapi* accipi potest *theriaca* & *fulgio furni*, quibus *cepa* excavata repletur & buboni calidè, sæpiùs de die applicatur, idque per dies aliquot. Post cepam est *buffo* & indè ppta. *Pacacelsus de Peste ad Sterzingenses* svadet ut *buffo* terrestris, mense Julio ligno per caput transfodiatur illæsis alijs partibus, præcipuè verò ventre: isque in aëre suspensus exsicceetur, siccatus & linteô exceptus ventre imponatur buboni, hic licet totus exsuccus, extrahendo venenum totus in tumescit, tumidus factus abjiciendus & novus super imponendus; quòd si applicatus siccus remaneat mortis signum certum esse asserit. *Hildanus Epistola 96*, hocce emplastrum

Hum attractivum & marurativum ex buffonibus recommendat.

R̄. Buffones terrestres in aëre libero, sole, ventoque aridos factos, ac postea pro meliori preparatione in tegula calida exsiccatos in pulverem redige, ante tamen mortarium & pistillum oleo scorpionum inungendum, nè inter pistendum pulvis nares feriat & cerebrum offendat.

R̄. Pulv. hujus unc. j. fermenti acris unc. iv. Theriaca optima unc. j. fol. ruta virid, m. j. contendantur in mortario invicem & C. S. q. mellis redigantur in formam linimenti aut emplastri.

Ufus.

Superducatur linteo & bis aut ter applicetur buboni.

Musitanus in sua Chyrurgia lib. 1. cap. 53. m. fol. 248. simpliciter accipit buffones terrestres, furno immittit & exsiccatur, exsiccatos in pulverem redigit, ex quo, farina hordei & saliva aut urina humana conficit pulvem, quam telæ imponit & bubonia applicat.

Post

Post Buffones est Stercus proprium calidè applicatum. His succedunt varia emplastra attractiva ab Authoribus laudata, quale est emplastrum attractivum magneticum Cnösselij. Cujus hæc est descriptio.

R̄. Succini opt. pulv. unc. β. buffon. siccator: & pulverisat. unc. i. mistis in cucurbita tantum spirit, vini superfundatur ut superemineat digitum transversum, in leni balnei calore sensim exhalet, spirit. ad consistentiam magmatis, ter affuso semper novo spiritu; tandem magma relictum cum emplastro de meliloto in debitam consistentiam redigatur & applicetur buboni. Internè exhibitis semper Alexipharmacis.

Post hoc eminet Emplastrum magneticum Angeli Salæ.

R̄. Antimon. Crudi, sulph. crudi, arsen. alb. sive Crystallini aa. unc. ij.

Subtilissimè pulverisata sepeliantur in phio-
la in arena & subministretur ignis, donec bene invicem colliquescant, & colorem rubrum
seu

seu obscurum induant (sic enim corrigitur arsenicum) vase refrigeratō exime massam, quæ magnes arsenicalis vocatur. Jam

*R̄. G. Serapin. G. ammon. G. galbani
& magnet. arsen. aa. drach. iij. therebin-
thin. lariceæ & cera aa. unc. β. terr. vi-
triol. dulc. drach. i. ol. destill succin. drach. ij.*

Misceantur ita : Gummata dissolvantur in aceto & per pannum lineum trajecta iterum inspissentur : dein seorsim colliquata cera & therebinthina extra ignem misceatur ad consistentiam debitam ungenti : hinc superaddantur Gummata & magnes arsenicalis cum terra vitriol dulci & ol. succini & sic paratum erit emplastrum.

Usus.

In delicatioribus & quorum cutis rarior est buboni applicatur simpliciter usque ad escharæ excitationem, in robustioribus ex mente *Dimmerbrok* quando incipit errumpere bubo, applicandum vesicatorium post 7. vel 8. horam facta vesica aut pustula aperienda, hinc emplastrum magneticum applicandum venit. *Michaëlis sequens tanquam expertum à se commendat.*

R̄ Em-

℞. *Emplastr. dyachil. c. gumm. unc. iv. pulv. fol. uvæ inversæ seu paridis unc. i. magnetic: arsenicalis unc. β. cum ol. scorpion & arenarum Mindereri f. Emplastrum.*

Usus.

Ejusdem uti præcedentis. Quod etiam Excell. DD. *Physici Wratislavienses* in suo consilio recommendant.

Crato de Peste sequens laudat.

℞. *G. Ammon. in aceto solut. unc. i. ol. lilior. albor. & ceræ q. S. extendantur ad modum ceroti.*

Usus & virium ferè ut præcedentium.

Hæc & similia emplastra venenum ex bubonibus extrahunt & exterius sub forma escharæ condensant, quæ dein emollienda & ad decidentiam deducenda, vel per impositionem cataplasmatum emollientium super emplastrum calidè, & quàm primùm refrixerit renovando aut *ungventô basiliconis cum the-riaca* mixtô & escharæ frequëntiùs illito ut decidat. Quòd si crustâ primâ factâ tumor non imminuatur, iterum emplastrum magneti-

cum

cum applicandum & nova crusta elicienda, donec sufficienter disparuerit bubo.

Horum Emplastrorum usu, si tumor non dispareat sed major non nihil evadat, atque ad maturationem tendere videatur, tunc omissis attrahentibus ad maturantia deveniendum, ut ad suppurationem citius perducī possint, sicque *Indicationi secundæ* satisfiat. Maturationem promoventia sunt *Herba paridis, nicotiana, cepæ, fuligo* &c. mixta simul instar cataplasmatismatis & buboni tepide applicata. Idem præstare dicitur radix symphiti majoris sub prunis cocta, cum Mithridatio & butyro in modum cataplasmatismatis imposita. Item *solæ cepæ* sub cineribus assatæ & dein contusæ, paucô theriacæ & butyri insulsi admixtô cataplasmatismatis forma per dies aliquot impositæ. Item *Emplast. diachyl. cum gummat. & theriac. aa. part. æq.* laudat *Crato*. *Hildanus* extollit suum emplastrum de buffonibus. *Barbette* utpote expertus Pestis Practicus laudat cataplasma sequens:

R. Folior: scord: rut: cicutar. aa. mj. fl. chamomillæ & aneth. aa. p. i. summit: absinthij p. ij. micæ panis similaginei unc. ij coq: ex lacte vaccino ad consistentiam cataplasmatismatis, cui adde

M

Crocī

Croci optimi drach:ß. vitell: ovi no: ij. theriac: drach:ijj M. f Cataplasma tepidè applicandum buboni.

Dimmerbrok similiter expertus Pestis Præticus laudat hocce cataplasma.

R. Rad. Lilior. albor. unc. ij. herb. ruth. malv. & altheæ aa. mj. Scabios. miß. flor. chamomill. miß. ficus pingv. Num: ix. aq. communis q. S. Coq. S. A. & in mortario minutissimè pistentur addendo tres quatuorve bulbos ceparum, prius chartâ bibulâ acetô madidâ involutos & sub cinneribus aliquantum assatos, hinc pulv. rad. altheæ unc.ß. stercoris columbini unc. ijß. fermenti panis acidi unc. iß. farine tritici drach. ij. His affunde colaturam prædictorum & omnia simul mista coque ad formam cataplasmatidis, cui postea admisceantur mellis unc. i. unguent. basilici unc.ß. axungie anatis vel ol. scorpion. vel butyri non saliti unc. iß. pro ditioribus interdum etiam theriacæ andromachi pro pauparioribus theriacæ rusticorum nonnihil admiscuit.



Hoc cataplasmate etiam statim post vesicatorium applicatum feliciter usus fuit: Quòd si verò tumor ad maturationem tenderet omisit attractiva nempe *stercus columbinum* & *fermentum*, & ex cæteris ingredientibus habuit cataplasma maturativum egregiarum virium. Locò hujus cum euphoria etiam usus est sequenti emplastro.

R. G. Galbani in aceto solut. Emplast. oxycrocei, dyachil, cum gumm. aa. unc. i. M.

Hisce remedijs non nihil mitigatus bubo aperiendus venit, atque ut *Tertiæ Indicationi* satisfaceret, non maturus, sed solùm ad maturitatem vergens bubo, unde vel scalpellò ab infrà aperiendus est, vel cauterio potentiali applicato exitus materiæ patefaciendus. V.G. sequens *Ettmülleri*.

R. Calcis vivæ drach. j. sapon. hispan. (Musitanus recipit saponem nigrum simplicem) q. S. quæ mista dant emplastrum, quod applicatum foraminulum exedit.

Ulcera pestilentialia arte vel natura excitata & aperta, citò consolidanda nunquam sunt, quandoquidem nisi radicitus fuerit venenum evulsum, maxima damna sequi solent, in-

quit *Hartmannus in Prax. Chym. cap. 97. de Pe-*
ste. Itaque

Pro scopo quarto & ultimo usurpentur mun-
dificantia & hinc consolidantia. Inter mun-
dificantia maximè eminet insusum ex rad. *ari-*
stolochiæ rotund. scordio, myrrh. aloë & croco-
cum Spirit. vini tartarizat. factum vel Balsam.
peruvian. Balsam. sulphur. anisatus vel therebin-
thinatus mistus cum ung. basilico & theriacali
& cum lana carpta immittantur in ulcus aper-
tum, imponendo desuper Emplastr. de minio,
alb. coctum. diapompholygos cum ol. nicotianæ:
aut poterit sequens emplastrum *Hartmanni* im-
usum trahi, quo applicato ulcera non tam ci-
tò consolidantur.

R̄. *Cera lib. j. resin. alb. unc. iiij. the-*
rebinth. laricæ unc. j. ol. buffonum & scor-
pion. aa. unc. ij. Styracis liquid. drach. vj.
succi chelidon. expressi unc. iv. aristolochiæ
rotundæ unc. ß. gumm. ammon. in aceto
soluti & inspissati unc. i. ß. myrrh. sarco-
coll. aa. drach. i. f. l. A. Emplaf.
oleum Buffonum pro conficiendo hoc Em-
plastro fit modo sequenti.

R̄. *Ol. olivar. lib. ß. ebulliat in sartag-*
ine, postea.

R̄. *Buf-*

R. Buffones transfossos ligno & aliquantulum suspensos, donec exsiccati fuerint no. viij. vel ix. projice in oleum bulliens, atque ita aliquandiu relinque, postea refrigeratum cola & serva pro usu.

Dimmerbrok optimo successu usus est, aperto ulcere digestivo sequenti.

R. Scord. subtilissimè pulverisati drach. ij vitell. unius ovi, therebinth. venet. mellis, unguent. apostolor. aa. unc. β. M.

Ulcera aliquandiu in suo fluxu conservata & mundificata tandem consolidanda v.g. Emplastrô sticticô sive opoteldoch, Hartmanni cujus hæc est compositio.

R. Gumm. Galbani, opopanax aa. unc. ij. Gumm. ammon. & bdelij aa. unc. j. Macerentur in aceto per 8. vel 14. dies, quo diutius eò melius, postea cola & in spissa ad mellis consistentiam: dein

R. Lithargirij pulverisati lib. j. ebulliant in ol. olivarum lib. ij. lento non vehe-

mentiigne, semper cum spatula movendo, donec acquirat colorem brunum vel spadiceum; remove ab igne & paulò post adde *ceræ lib. j.* injectam agita donec lique scat, quibus adjice superiora gummata inspissata, & misce ut invicem uniantur debite. Quando omnia probè fuerint mista adde *olei laurini unc. iiij.* & vicissim diligenter misce. Tandem exempto ab igne adde pulveres sequentes.

Rx. Croci martis, mumie, magnetis, magisterij corallor. rubr, & albor. aa. unc. ß. lapid. calaminaris, myrrh. rubra, thuris masculini, mastichis radicis aristolochie rotunde aa. unc. ij. fiat omnium pulveris subtilissimus, quem pedetentim admisce. Quibus diligenter factis, postremo adde:

Balsami succini (hoc est ol. succin. in destillat. postremo loco prodeuntis) *unc. j.* & vicissim super igne lento misce, tandem ubi paulatim refrixerint omnia formentur magdaleones cum oleo hyperici & servantur usui. Usus est ut aliorum Emplastrorum. Alij pro consolidatione utuntur feliciter *Emplastrò diaphysphuris Rulandi*, cum opoteldoch Hartmanni non prodest in officinis paratum.

Superest ut moneamus ea, à quibus Chyrurgus in Curatione Bubonum sibi cavere debeat. *Primum* est nè pro discutiendis bubonibus ullo modo acetum applicet, neque pro dolore discutiendo leniēdoque opiū, neque pro ardore fugando saturninis utatur, neque pro discussione mercurius unguentis & emplastris huc facientibus addendus, observavit enim *Schenkius* inde mortem obortam, sicut & ab aceti applicatione *Hildanus* in *Cent. 6. obs. 30.* Cæterum internè semper cum alexipharmacis & diaphoreticis continuandum.

II. De Parotidibus.

Parotides Germ: eine Driesen oder Eyß / hinter den Ohren Boh: Šlaze neb Baule za Vchem / est tumor adenum parotidum post aures.

Causam eādem habēt cum bubonibus. *Quoad diagnosim*, cognoscuntur ex loco affecto. *In Prognosi ferenda* dicendum: Periculosiores parotides esse quàm bubones.

In Cura Parotidibus nullatenus attractiva potentiora suprà descripta sed mitiora, leviter tantum attrahentia, aut sola emollientia imponantur. Idem etiam iudicium esto de tumoribus thymialiarumque colli glandularū.

III. De carbunculis & anthracibus.

Carbunculi & Anthraces Germ: die hitzige Pest=Blattern und Geschwüre. Bohem: Wřed mornj/ sunt pustulæ pestilenciales, in peripheria corporis hinc inde cum summo ardore, erumpentes, non adeò prominentes sed profundius latentes atque duræ, coloris punicei & purpurei; interdum verò etiam partes internas occupantes.

Avicenna Anthracem distinxit in pustulosum & aliqua humiditate vesicante refertum, vocavitque similem ignem persicum. Et sine pustulis & absque humiditate, sed durum huncque appellavit prunam. Señertus adhuc distinguit, quod aliqui sint benigni, febribus non malignis accedentes: Alij maligni febres malignas concomitantes: Et alij Pestilentes ipsâ pestē subsequētes aut à principio se adjungentes.

Causa immediata est eadem cum bubonibus nempe sal acre laxiviale nunc benignum, nunc malignum, nunc pestilentialle, prout à morbo cui jungitur procedit, à natura ad peripheriam corporis propulso & ibidem pro ratione acrimoniæ suæ partes mortificans. Causa mediata & externæ, procatharticæ: præter pestilens venenum exterius se cuti affigens & adhærens, sensimque cutem mortificans sunt aëris constitutio siccissima sanguinem sero suo pri-

vans & per insensibilem transpirationem dissipans, hinc eundem quasi adurens & sal causticum producens. Cibi nimis aromatici, potusque generosiores & copiosiores. Motus nimij & violenti, ira & excandescencia oppidò frequentiores, quæ saltè benigniores carbunculos & anthraces producunt.

Quòd ad Diagnosim cognoscitur carbunculus ex eo quòd in peripheria corporis aliquæ pustulæ prodeant, plùs minùs albæ, interdum erumpunt cū colore purpureo & puniceo et circa circū circulus rubicundus, quasi inflammatorius, qui melior, aut lividus, et ater, qui deterior, se representat, quibus pustulis perruptis, & liquore septico, acrique lixiviali profluente, partes quas attingit, mortificat, & in ulcus crustosum deducit. Antequam verò pustulæ erumpant, pruritus, dolor, & ardor in parte percipitur. Interdū finè pustula cum ingenti ardoris sensu & partis immediata mortificatio se manifestat. Ut autem distinguatur an benignus? an malignus? an verò sit pestilens? nè fortè ex incuria chyruurgi non debitè distinguentis pestis verbalis magis quàm realis in vulgus propaletur, animadvertere oportet in symptomata, hoc certum est omnem carbunculū à veneno septico excitari, sed benignū à nimis crudo & crasso; aliqualiter verò exalcato, malignum pestilentem

autem à summè exaltato & volatili; duo præcedentes, cùm effluvia non habeant volatilia non sunt coinquinantes & contagiosi, pestilenter verò summè contagiosi. Si igitur alia pestis symptomata adsint, & aliunde de contagione suspicio & timor habeatur, atque patiens carbunculô affectus summè sit debilis suadente *Folino* similem potius peste interiisse affirmari debere, ut magistratus cautiones necessarias & præservatorias facere in tempore possint, quod quia minùs attentum, *Excell. Sorbeit cap. de Peste* conqueritur, ideò *Wiennæ A. 1679.* propagatam fuisse pestem quòd peste laborantes pro non pestiferis juratis attestationibus fuerint declarati, hincque funera publica indulta, per quæ veneni propages major suborta. Quòd si verò nulla ex alijs accidentibus adsit suspicio pestis, nec ulla perhorrescenda sit naturaliter, atque patiens sit vegetus aut levi febrili insultu obrutus, neque ex vicinia constet aliquem occubuisse hoc malo, neque patientē esse advenā, quod fortè ex infecto loco secum attulisset, & quæ hujus generis sunt plura, statim talē non esse declarandum peste laborare, existimamus.

Quoad prognosim carbunculorum in genere periculosiores sunt interni quàm externi. Periculosissimus niger, cui proximè accedit lividus & flavescens. Leviores sunt albi aut subcinericei caloris. Summè perniciosi sunt, qui

erumpentes denuò retrocedunt. Perniciosior quoque est caudatus rotundò, magnus parvò; Item peior est qui nervos, tendines, aut juncturas occupat, quàm qui carnosus se insinuat partibus. Periculosiores quoque qui prope partes nobiles & ad emunctoria glandularum nobiliora siti sunt, quàm qui partes ignobiles occupant.

Carbunculus talis quicumque ille sit, nihil aliud est quàm incipiens partis mortificatio. Unde in cura.

I. Mortificationis vicinas partes insufficientis progressus inhibendus.

II. Substantia mortificata separanda &

III. Ulcus relictum mundificandum, atq; consolidandum.

Pro primo scopo ulterior mortificatio inhibetur, si erupto frequentius *Saphirus* circumducatur carbunculò donec locus fiat lividus, qui progressum egregiè inhibet; & cùm per hanc operationem vires suas *saphirus* deperdat, suadet hujusce Antiquissimæ Universitatis & Almæ meæ Matris decus & gloria Excell. Marcus Marci in sua *Philosophia vet. rest.* S. 5. C. De mag. *Saph.* ut aliquanto tempore in terram defodiatur. Pro meliori carbunculi mortificatione, cuspis *Saphiri butyrò antimonij* inungenda erit. Escharæ apparenti in carbūculo applicetur emplastrum

strum arsenicale magneticum Angelī Salæ usque dum exciderit.

Pro secundo scopo ut crusta felicius suppuretur & separetur, apponi & superimponi emplastro poterunt cataplasmata attrahentia & emollientia ex allio, cepis scordio, uva inversa, althæa, rad. liliorum albor. farina lentium, simo columbino, sapone nigro, melle &c. urgente dolore emplastrum de cynoglossa laudatur & cataplasma uva inversæ.

Pro ultima demum indicatione ritè obtinenda ubi substantia suppurata probè educta fuerit, ulcus mundificandum erit, Ungu: basilicò, cum emplastro tetrapharmaco & theriaca. Sicut & pro hoc scopo proderit balsamus sulphuris the-rebinthinatus & anisatus, cum oleo fetido tartari. Pro consolidatione laudatur cataplasma ex rad. symphit: majoris contusa, aut in lacte cocta & cataplasmatitis forma applicata. Dimerbrok pauperibus & alijs erupto carbunculo suavit apponi folium brassicæ rubræ cum oleo raparum. Postea statim, imò in principio etiam suppurantibus dolorem mitigavit, & carbunculum curavit. Proin hanc recom mendat pulticulam formâ cataplasmatitis applicandam.

*Rec. Rad. consolid: major: herb: scord: aa. drach. ij. rad. alth. farin. sem. lini cri-
bra-*

*brata, pollinis farin. tritici aa. unc. β. fiat
pulticula subtilis, cui affunde aqu. commu-
nis q. s. Coquantur aliquantum ut mu-
cilagines solvantur & compositio ad pulti-
cula crassioris formam deveniat.*

Cui adde.

*Mellis, therebinth. unguent. apostolor.
aa. drach. iij. picis liquida unguenti basi-
lici aa. drach. ij. unum vitell. ovi Croci
Scru. i. M. interdum etiam addebantur
theriacæ drach. ij.*

Usus.

*Pulticula tepida extendatur crassius super
linteriam, bis tēve de die applicetur.*

*Observavit idem clarissimus Author Emplastra
non tam optatum præstitisse effectum, si tamen
essent in usum ducenda, recom mendat emplaf-
diachylon cum gumm. vel basilicum vel emplaf-
de galbano, diachylo: & oxycrocio mista: pro vul-
garibus ait sufficere picem navalem. Carbu-
culô escharâque separata usus est digestivo suo
præced. n: ubi de bubon. descripto.*

*Pro coronide observandum anthraces quò m-
tiùs tractantur, eò citiùs curantur? Carbunculi
quando in summo ardore sunt oleosis minimè
utendum esse ob periculum sphacelismi, sed
locò horum buffo applicatus, aut siccus aut in
viro*

vino maceratus proderit quàm optime. *Theriacam*, uti applicata bubonibus optimos solet præstare effectus, ita à Rhodio in analectis in Mantuana peste, appositam carbunculo plùs nocuementi attulisse observatum fuit. Hinc *Dimmerbrok* in fine pulticulæ suæ addit *interdum* theriacæ drach. ij. & hac ex ratione si animadverteretur nocua esse ut omitti posset in tempore.

Quæstio. *An Vesicatoria in cura Bubonum & Anthracum prosint?*

Rationes dubitandi sunt: quòd vesicantia succum alimentitium partis, vel cruorem ibi contentum, vi sua corosiva transmutent in ferrosam liquamen, ergo non extrahunt venenum. Quòd vesicantia consistant particulis acerbis & ita dicendo calidis, quæ magis febrem adaugere possent, ingredientia enim vesicantium communiter sunt: *cantharides, sinapi, euphorbium piper, &c.* Quæ plurimo sale caustico & exurente ac nimio sulphure inflammabili exsuperant. sùntque de venenorum corrosivorum cathalogo, & quia ipsa pestis à sale corrosivo & caustico ut plurimum massam sanguineam dissolvente oritur, orietur & bubo ab eadem causa, hinc si simile simili applicatum foret, venenum pestilentielle bubonum magis exaltaretur quàm extraheretur.

Ad

Ad quas dubitationes respondemus vesicatoria in curatione bubonum statim à principio non prodesse, quia ignis superadderetur igni, unde symptoma insupportabile oriretur, in progressu ubi prominere incipit omnino prodesse, excipe nisi bubo vel fuerit profundus, vel cutis dura, vel tumor durus tunc etiam à principio applicata vesicatoria proderunt, præter vim & facultatem corrosivam obtinent etiam vim attractivam ad extra, adeoque perhorrescenda exaltatio veneni corrosivi bubonis minimè esset, quia aliud est venenum internum, aliud externum, quod hinc nec venenum appellandum sed medicamentum. Sic *Mercurius sublimatus* est venenum, sublimatissimus verò dat *mercurium dulcem* medicamentum optimum.

In cura anthracum omnem vesicantium usum improbamus, uti enim ex *Dimmerbrok* adnotavimus, quò mitiùs carbunculus tractatur, eò feliciùs & citiùs etiam curatur.

Hæc pro cōpendio thesū nostrarū sufficiant; plura qui desiderat ex sequentiū Authorū libris voluminibus & tractatibus excerpere poterit. In Theoreticis eminet *Venerabilis Pater Athanasius Kircherus in scrutinio Pestis*. Et *Joannes Baptista V. Helmont in tumulo pestis*. Inter Præcticos præcipui sunt : *Dimmerbrok de Peste* qui



qui pestem Neomagentem in textu describit
pulchrè , nitidè , & practicè , in additionibus
verò ferè omnia quæ occasione pestis moveri
possent ex varijs authoribus coacervavit. Hinc
que adhuc præclarissimas curationes & obser-
vationes , peste infectorum addidit. *Barbettee*
de Peste. *Sorbeit* in discursu germanico de *Pe-*
ste Wiennensi. *Quercetanus* de *Peste.* *Minde-*
rerus de *peste.* *Crato* de *Krafftheim* , de *Peste.*
Sennertus de *peste.* *De Leboe Sylvius* de *peste.*
Dobrzenski de præservatorio universali pestis.
Sydenhaim de *peste.* *Sacchus* de febribus &
Peste. *Primerosius* de *Peste.* *Ardensbach* de *pe-*
ste. *Cardilucius* de *Peste.* *Plempius* de *Peste.*
Grülingius de *peste.* *Unzerus* de *peste.*

Qui omnes pestibus interfuerunt & hinc
præcipua & in peste observabilia accuratissimè
adscripserunt. Quibus variæ constitutiones
Pestilenciales *Pest=Ordnungen* accedunt , in-
ter quas eminet *Wratislaviensis* , & *D. Schval-*
be Pragensis , atque noviter edita Excel-
lentissimi *D. D. Pollentij Practici Pragensis*
Pest=Ordnung.

Plures & specialissimos de peste scriptores
concessit & conscripsit *Waltherus* in sua *sylva*
Medica & *Lippennius* in *Bibliotheca Reali*
Medica qui videri poterunt.

F I N I S.

Errata quæ irrepperunt Lector Benevolus hoc modo corriget.

Pagina 8. linea 19. *dictamus* lege dictamnus.
pag. 9. lin. 3. *Dens* leg. Deus pag. 11. lin. 12.
templum lege templum. pag. 12. lin. 12. *fomite*
leg. fomite. pag. 14. lin. 13. *la Maladien* leg.
La Maladie. pag. 25. lin. 23. *Athraces* lege An-
thraces. pag. 28. lin. 8. *si* leg. si ibid. lin. 12.
Chyrungi lege Chyrurgi. ibid. lin. 13. *ministra*
lege ministeria. pag. 31. lin. 11. *De qua thesis*
prsenas lege de qua thesi præcedente. pag. 33.
lin. 13. *Cachomicorum* leg. Cacochymicorum.
pag. 36. lin. ultima *avida* lege acida. pag. 37.
lin. 8. *ab affectu* leg. ab effectu ibid. lin. 9.
perseverent leg. præservent. pag. 40. lin. 16.
suinde lege subinde. pag. 46. lin. 17. *infaciunt*
leg. infarciunt: pag. 48. lin. 1. *frucida* lege fra-
cida. ibid. lin. 12. *pocudum* lege pecudum. ibi-
dem *carpare dumas* lege carpere dumos. pag.
50. lin. 14. *sptritus* lege spiritus. pag. 52. lin. 17.
putragini lege patrilagine. pag. 54. lin. 11. *cen-*
trahi lege contrahi. pag. 67. lin. 10. *revena* leg.
venena. pag. 68. lin. 16. *Quæ super* leg. quæ si
pet. pag. 71. lin. 1. *incertas* lege incertas. pag.
73. lin. 3. *exarthemata* lege exanthemata. pag.
74. lin. 17. *conidicantibus* leg. coindicantibus.
pag. 76. lin. 10. *ab appressione* leg. ab oppres-
sione. pag. 80. lin. 4. *Curativæ* leg. Curativa
pag.

pag. 93. lin. 19. *virorum* leg. *virorum*. pag. 94.
lin. 1. *tales* leg. *telas* pag. 102. lin. 17. *cont. extr-*
leg corticis exterioris. pag. 118. lin. 3. *arnisi*
leg. *anisi* pag. 123. lin. 21. *est est* omittatur
unum est. pag. 137. lin. 10. *Altij* leg. *Allij* pag.
144. lin. 1. *sutis* leg. *salis* pag. 145. lin. 5. *abbi*
leg. *albi* pag. 147. lin. 11. *conferimus tertium*
leg. *conferimus nos ad tertium* pag. 149. lin. 1.
in balveo leg. *in balneo*. pag. 152. lin. 19. *admo-*
vere leg. *admonere* pag. 152. lin. pennult. *coa-*
gulativum lege *coagulativum*. pag. 153. lin. 3.
debellendam leg. *debellandam*. pag. 154. *cnni-*
stentia leg. *consistentia*. pag. 157. lin. 2. *con-*
veniant leg. *conveniunt*. pag. 161. lin. 4. *aceta*
leg. *aceta*. pag. 169. lin. 26. *Clandulas* leg. *Glan-*
dulas. pag. 173. lin. ult. *bubonia* leg. *buboni*.





cl. xii 72